

STENOGRAM

14. RADNE SJEDNICE SKUPŠTINE KANTONA SARAJEVO
ODRŽANE U SRIJEDU, 30.10.2019. GODINE
SA POČETKOM RADA U 10,00 SATI

Predsjedavajući:

Molim kolege da zauzmu svoja mjesta. Molim i ministre da zauzmu svoja mjesta. Počinjeno sa radom. Što ste veseli jutros, razigrani.

Otvaram 14. Radnu sjednicu Skupštine Kantona Sarajevo. Himna Bosne i Hercegovine.

Pozdravljam uvažene kolegice i kolege zastupnike, članove Vlade i uvažene goste, kao i predstavnike medija koji prate rad današnje sjednice.

Svima nama želim uspješan rad i ugodnu radnu atmosferu.

Prema evidenciji Službe, sjednici prisustvuje 32 zastupnika, što je dovoljan broj za punovažan rad i odlučivanje.

Kašnjenje je najavila kolegica Jasna Duraković, izostanci nisu najavljeni.

Prijedlog dnevnog reda 14. Radne sjednice Skupštine Kantona Sarajevo utvrdio je Kolegij Skupštine na sjednici održanoj dana 18.10.2019.godine.

Na osnovu člana 73. Poslovnika Skupštine Kantona Sarajevo, Kolegij je dana 25.10.2019. godine, prihvatio da se Prijedlog dnevnog reda 14. radne sjednice, dopuni sa sljedećim tačkama :

1. Prijedlog odluke o izmjenama Odluke o usklađivanju statusa Javnog preduzeća "Televizija Kantona Sarajevo" sa Zakonom o javnim preduzećima u Federaciji Bosne i Hercegovine; (razmatrat će se kao tačka 16.);
2. Prijedlog odluke o davanju saglasnosti za zaključenje Ugovora o koncesiji između Kantona Sarajevo - Vlade Kantona Sarajevo kao Koncesora i privrednog društva "Amina trade" d.o.o. Sarajevo kao Koncesionara; (razmatrat će se kao tačka 17.);
3. Prijedlog odluke o davanju saglasnosti na Nacrt ugovora o kupoprodaji stana u stambenom objektu "K-37, izgrađenog u naselju Šip, Općina Centar, Sarajevo zaključen između Fonda Kantona za izgradnju stanova za članove porodica šehida i poginulih boraca, ratnih vojnih invalida, demobiliziranih boraca i poginulih osoba i Mujanović Nedima kupca nekretnine; (razmatrat će se kao tačka 18.);
4. Prijedlog odluke o davanju saglasnosti na Nacrt Ugovora o kupoprodaji nekretnina-etažno vlasništvo u stambeno-poslovnim objektima Niz „B“, lamele 1-3 i Niz „E“, lamele 1-7, izgrađenim u naselju Dobrinja V, Općina Novi Grad Sarajevo, koji će Kantonalni stambeni fond Sarajevo, kao Prodavac zaključiti sa kupcem „Džekos“ d.o.o. Sarajevo; (razmatrat će se kao tačka 19.);
5. Prijedlog odluke o davanju saglasnosti za potpisivanje ugovora o kupoprodaji nekretnina između Kantona Sarajevo i G-Petrol d.o.o. Sarajevo, u skladu sa članom 23. Zakona o eksproprijaciji FBiH u svrhu izgradnje saobraćajnice I transverzale, dionica Kranjčevićeva-Bare-Hotonj; (razmatrat će se kao tačka 20.);

PRELAZIMO NA UTVRĐIVANJE DNEVNOG REDA DANAŠNJE SJEDNICE.

Na osnovu naprijed navedenog, Prijedlog dnevnog reda današnje, 14. radne sjednice, glasi:

1. Poslanička/zastupnička pitanja, inicijative i odgovori;
2. a) Informacija o realizaciji mjera za sanaciju i reorganizaciju JKP "GRAS"d.o.o. Sarajevo
b)Informacija Uprave KJKP „Vodovod i kanalizacija“d.o.o Sarajevo za period od 14.06.2019. godine do 15.09.2019. godine;
3. Prijedlog zakona o izmjenama i dopunama Zakona o državnoj službi u Kantonu Sarajevo - skraćeni postupak;

4. Nacrt zakona o izmjenama i dopunama Zakona o koncesijama;
5. Prijedlog odluke o proširenju djelatnosti Javne ustanove „Bosanski kulturni centar Kantona Sarajevo“ na djelatnost obrazovanja odraslih;
6. Prijedlog odluke o davanju saglasnosti na nacrt ugovora o kupoprodaji u stambeno-poslovnim objektu K-94, izgrađenom u naselju Šip, Općina Centar Sarajevo;
7. Prijedlog odluke o davanju saglasnosti na nacrt ugovora o kupoprodaji u stambenom objektu 3C, izgrađenom u naselju Rosulje, Općina Vogošća;
8. Prijedlog odluke o davanju saglasnosti na zaključenje Ugovora o zakupu poslovnog prostora (restorana) i otvorenog prostora ispred objekta (ljetne bašte) u sklopu Edukaciono - Informativnog centra na Bijambarama, između ugovornih strana: Kantona Sarajevo - Kantonalne javne ustanove za zaštićena prirodna područja kao zakupodavca i UR FAST FOOD BISTRO "OAZA-DINO" kao zakupca, koji je izabran putem Javnog oglasa;
9. Prijedlog odluke o izmjenama Odluke o usklađivanju statusa Kantonalnog javnog komunalnog preduzeća
 - a) "SARAJEVO-GAS" Sarajevo;
 - b) "TOPLANE-SARAJEVO" Sarajevo;
 - c) "VODOVOD I KANALIZACIJA" Sarajevo;
 - d) "RAD" Sarajevo;
 - e) "PARK" Sarajevo;
 - f) "TRŽNICE-PIJACE" Sarajevo;
 - g) "POKOP" Sarajevo
10. Prijedlog odluke o izmjeni Odluke o usklađivanju statusa Kantonalnog javnog komunalnog preduzeća "GRADSKI SAOBRAĆAJ" D.O.O. Sarajevo sa Zakonom o javnim preduzećima u Federaciji Bosne i Hercegovine;
11. Prijedlog odluke o davanju saglasnosti na Statut o izmjenama i dopunama Statuta Javne ustanove "Apoteke Sarajevo";
12. Prijedlog odluke o davanju saglasnosti na Statut o izmjenama i dopunama Statuta Javne ustanove Zavod za hitnu medicinsku pomoć Kantona Sarajevo;
13. Prijedlog odluke o davanju saglasnosti na Statut o izmjeni i dopuni Statuta Javne ustanove Opća bolnica "Prim. dr. Abdulah Nakaš";
14. Prijedlog odluke o osnivanju Javne ustanove Fond Kantona Sarajevo za izgradnju stanova za porodice šehida, poginulih boraca, ratne vojne invalide, demobilizirane borce i prognane osobe;
15. Prijedlog odluke o osnivanju Javne ustanove Kantonalni stambeni fond Sarajevo;
16. Prijedlog odluke o izmjenama Odluke o usklađivanju statusa Javnog preduzeća "Televizija Kantona Sarajevo" sa Zakonom o javnim preduzećima u Federaciji Bosne i Hercegovine;
17. Prijedlog odluke o davanju saglasnosti za zaključenje Ugovora o koncesiji između Kantona Sarajevo - Vlade Kantona Sarajevo kao Koncesora i privrednog društva "Amina trade" d.o.o. Sarajevo kao Koncesionara;
18. Prijedlog odluke o davanju saglasnosti na Nacrt ugovora o kupoprodaji stana u stambenom objektu "K-37, izgrađenog u naselju Šip, Općina Centar, Sarajevo zaključen između Fonda Kantona za izgradnju stanova za članove porodica šehida i poginulih boraca, ratnih vojnih invalida, demobiliziranih boraca i poginulih osoba i Mujanović Nedima kupca nekretnine;
19. Prijedlog odluke o davanju saglasnosti na Nacrt Ugovora o kupoprodaji nekretnina-etažno vlasništvo u stambeno-poslovnim objektima Niz „B“, lamele 1-3 i Niz „E“, lamele 1-7, izgrađenim u naselju Dobrinja V, Općina Novi Grad Sarajevo, koji će

Kantonalni stambeni fond Sarajevo, kao Prodavac zaključiti sa kupcem „Džekos“ d.o.o. Sarajevo;

20. Prijedlog odluke o davanju saglasnosti za potpisivanje ugovora o kupoprodaji nekretnina između Kantona Sarajevo i G-Petrol d.o.o. Sarajevo, u skladu sa članom 23. Zakona o eksproprijaciji FBiH u svrhu izgradnje saobraćajnice I transverzale, dionica Kranjčevićeva-Bare-Hotonj;

MOLIM ZASTUPNIKE DA SE IZJASNE O PREDLOŽENOM DNEVNOM REDU.
Kolega Marić, poslovnička intervencija.

Poslanik/zastupnik Zvonko Marić:

Dame i gospodo, drugarice i drugovi, poštovani gledatelji koji pratite rad ove sjednice, i molim vas, ja sam mislio da će biti uvrštena i tačka DR inicijativu sam podnio i sjećate da je Skupština usvojila, a odnosi se na Smiljeviće deponiju, sve dok se tamo stanje ne normalizira. Ja ne znam zbog čega to nije uvršteno, tim prije što se nalazimo pred svojevrsnom krizom i sada će zagađenje, promjena vremena itd da pratimo situaciju vezano za tu deponiju i taj problem koji nam uzrokuje već dugi niz godina. I zato bih volio možda neko objašnjenje ili da mi se da neko obrazloženje zašto to nije učinjeno. Jel nije bio spreman materijal ili su neki drugi razlozi, da ne elaboriram zbog čega je to izuzetno važno. Hvala.

Predsjedavajući:

Hvala kolega Mariću tačno je. Hoće li neko odgovoriti iz Vlade zašto niste pripremili tačku. Dobro kolega Mariću možda na pitanjima i inicijativama nek vam odgovore. Svakako ne može uticati na usvajanje ili ne usvajanje DR. Mislim obzervacija je potpuno na mjestu. Evo Vlada se konsultuje pa nam na narednoj tački objasnite, vjerovatno će, ili ja ili kolega Marić vas to isto pitati. Kolega Čampara ima riječ. Izvolite.

Poslanik/zastupnik Aljoša Čampara:

Zahvaljujem predsjedavajući. Pa ja mislim da ne bi smo baš onako lagano preći preko ovoga pitanja, upravo iz razloga, ja se slažem s gospodinom Marićem. Ako smo mi kao Skupština donijeli zaključak na prošloj ili prethodnoj sjednici da ćemo na svakoj narednoj imati ovu tačku, koja je vezana za deponiju Smiljeviće, ne vidim razloga šta se ima Vlada konsultirati, oni su bili obavezni i da pripreme za svaku narednu sjednicu Skupštine ovu tačku i da mi razmatramo zato što je stvarno alarmantno stanje na deponiji Smiljevići. Možda u nekoj pauzi da se Vlada pripremi materijale, danas vjerovatno to mogu, jer ja se nadam da svakodnevno rade na ovim poslovima, pa da mi to kasnije uvrstimo.

Predsjedavajući:

Ja sam se s kolegom Marićem isto kao i vi, interesantno da se nas trojica složimo danas, složio, ali ne postoji opcija nikakva dopunjavanja materijala danas. Dakle materijali koji su uvršteni na dnevni red mogli su biti dostavljeni četiri dana prije, glasamo o dnevno redu koji je utvrdio Kolegij. Da je danas trebala biti informacija o Smiljevićima, trebala je. Da je nema, nema je. Premijer će. Evo izvolite premijeru. Ali uvrštavanje te tačke danas poslovnički nije moguće. Kolega Forto izvolite.

Premijer Edin Forto:

Mislim da svi znamo koliko često imamo Skupštine, svakih 15 do 20 dana imamo Skupštinu. Nema tačke jer je nismo pripremili. Bit će na sljedećoj i na svakoj sljedećoj. Šta smo imali pripremiti u odnosu na tematsku kada smo imali tačku gdje smo sve raspravili. Čuli bi vjerovatno iste stvari. Znači bit će na sljedećoj sjednici i to je to.

Predsjedavajući:

zahvaljujem premijeru. Ne dozvoljavam dalje rasprave o dnevnom redu, nema osnova da vi o ovome raspravljate.

DAKLE, MOLIM ZASTUPNIKE DA SE IZJASNE O PREDLOŽENOM DNEVNOM REDU DANAŠNJE SJEDNICE.

Molim rezultate glasanja.

Za je glasalo 20, PROTIV 10 i SUZDRŽAN 1.

SKUPŠTINA JE USVOJILA DNEVNI RED.

Kao informativni materijal dostavljeni su vam:

- ▲ Izvještaj o radu Nezavisnog odbora za period mart 2019.godine - august 2019. godine;
- ▲ Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec august 2019. godine.

Prije nego što pređemo na realizaciju prve tačke dnevnog reda obavezni smo da razmatramo zapisnike sa stenogramima sa 11 i 12. radne sjednice, koji su Vam dostavljeni uz poziv za sjednicu.

Ima li primjedbi? Nema.

a) Molim vas da se izjasnite o Zapisniku sa 11. Radne sjednice Skupštine Kantona Sarajevo. Molim rezultate glasanja.

ZA 32, PROTIV i SUZDRŽAN 1.

Konstatujem da je Skupština potvrdila Zapisnik sa 11. Radne sjednice Skupštine Kantona Sarajevo održane 16.07.2019. godine.

b) Molim vas da se izjasnite o Zapisniku sa 12. Radne sjednice Skupštine Kantona Sarajevo.

Molim rezultate glasanja.

ZA 29, PROTIV i SUZDRŽANIH nije bilo.

Konstatujem da je Skupština potvrdila Zapisnik sa 12. Radne sjednice Skupštine Kantona Sarajevo održane 24.07.2019. godine.

Sada prelazimo na prvu tačku dnevnog reda.

AD – 1.

POSLANIČKA/ZASTUPNIČKA PITANJA, INICIJATIVE I ODGOVORI

Prvi se javio kolega Mirza Čelik. Počinjeno u 10,30 minuta. Kolega Čelik izvolite.

Poslanik/zastupnik Mirza Čelik:

Zahvaljujem predsjedavajući. Pozdravljam sve prisutne kao i gledaoce pored malih TV ekrana. Ja imam dvije zastupničke inicijative. Prva inicijativa je pokrećem inicijativu da Ministarstvo obrazovanja nauku i mlade pokrene postupak za dobivanje građevinskih dozvola za škole u kojima se odvija nastava, a iste nemaju građevinskih dozvola, kao ni upotrebnu

dozvolu za rad istih. Obrazloženje: nekoliko škola u Kantonu Sarajevo rade a da nemaju građevinsku dozvolu, a samim tim ni upotrebnu dozvolu. Neke imaju i po 60 godina a da nemaju iste. A apsurdno je da razne inspekcije obilaze te škole kažnjavaju ih zbog zagađenja iz njihovih kotlovnica, hidranta, čišćenje dimnjaka, ne posjedovanje atesta za elektroinstalacije i gromobranske instalacije i drugo. A objekti škola nemaju nikakve papire, postoje samo zemljišta ali ne i objekti, te predlažem Ministarstvu da pokrene proceduru za dobivanje istih. Druga inicijativa je i ja ću moliti zastupnike koji budu željeli da napravimo radnu grupu i da jedan zaključak donesemo, a tiče se djece s poteškoćama u razvoju. Jučer je jedno dijete koje je napunilo 21 godinu, rješenjem inspekcije zatraženo je da se to dijete briše, odnosno da se ne omogući daljnje školovanje u Vladimir Nazoru i ja pozivam, evo koliko bude moglo zastupnika da odemo u salu 100 zajedno sa nekim iz Ministarstva kako bi napravili jedan zaključak da se djeci do 27 godine života omogući bar rad u radionicama, jer znamo evo, svi smo na prošloj sjednici, tematskoj o obrazovanju kazali da djeca se jednostavno od dobi 21 godine i više izgube da nemamo ni evidenciju gdje su ta djeca, a samim tim ako bi danas omogućili kroz zaključak Skupštine da djeca do 27 godina mogu pohađati radionice. Puno bi značilo i roditeljima i samoj djeci. Evo ja se zahvaljujem i ja ću vas čekati u sali 100.

Poslanik/zastupnik Bibija Kerla:

Pozdravljam sve prisutne u sali kao i gledaoce pored TV ekrana. Ja danas imam dvije inicijative i jedan bezbroj pitanja. Ono što uspijem pročitati, pročitat ću. Što ne, dostavljam Skupštini Kantona Sarajevo.

Moja prva inicijativa, pokrećem inicijativu o dodjeli određene sume novčanih sredstava za izgradnju podzemnog prolaza ispod pruge u Podlugovima općina Ilijaš. Obrazloženje: u Podlugovima općina Ilijaš je prije par mjeseci nastradao dječak od 15 godina iz razloga što se veoma opasno mjesto nema adekvatan pješački prelaz. Stanovništvo se snalazi na razne načine kako bi prešli veoma opasnu prugu koja je ujedno i glavna željeznička stanica općine Ilijaš. Vijećnici Opštine Ilijaš su pokrenuli inicijativu za izgradnju podzemnih prolaza na ovome mjestu pa koristim priliku da zamolim Ministarstvo saobraćaja Kantona Sarajevo da se uključi i finansijski pomogne ovaj veoma značajan projekat. Moja druga inicijativa se odnosi na uvođenje kioska u sudu, za sudske takse u prostorima Kantonalnog suda Kantona Sarajevo. Obrazloženje s obzirom da već duže vrijeme u prostorijama Suda nije moguće kupiti odgovarajuću sudsku taksu, molim Vladu Kantona Sarajevo da podhitno donese odluku o postavljanju kioska u sudu gdje bi se mogla zaposliti dva radnika koji se svrstavaju u invalidne osobe, gdje bi se prodavale sudske takse i kopirali potrebni dokumenti. Imajući u vidu da je svakodnevno desetina stanovnika Kantona Sarajevo potražuje sudske i druge takse koje plaćaju od 5 do 15 KM mislim da bi ovim uštedjeli njihovo vrijeme ali i nervozu. Da bi došli do potrebnih dokumenata građani trebaju više puta ući i izaći u i iz suda da bi kupili taksu ili kopirali neki dokument. Molim Skupštinu Kantona Sarajevo ukoliko je potrebno da se izjasni o ovoj mojoj inicijativi.

Što se tiče pitanja, prvo pitanje ide Ministarstvu komunalne privrede Kantona Sarajevo. Koliko motornih vozila je u vlasništvu Kantona Sarajevo? Ko koristi ta motorna vozila? Koliko novca je utrošeno na popravku vozilu od početka mandata do danas? I koliko se goriva troši mjesečno na iste?

Imam pitanje za Ministarstvo komunalne privrede Kantona Sarajevo pa tu može usmeno da ne opterećivali skupštinsku službu. Da li je moguće da se u što kraćem roku očiste svi šahtovi u gradu Sarajevo koji bi u slučaju obimnih kiša mogli da prime veće količine vode? Obrazloženje. Opće je poznato da se u vrijeme obilnih kiša koje nas očekuju u narednom periodu cijeli grad pretvori u jezero po kojem komotno možemo da se vozamo gumenim čamcima. Prije dva mjeseca smo imali pravu poplavu na Bašćaršiji, Buča potoku i ostalim dijelovima grada iz razloga što su šahtovi totalno začepljeni i nisu u mogućnosti da prime

tolike količine vode. Na Sebilju je pored toga došlo do izlivanja kanalizacije nakon čega se čaršijom širio veoma neugodan smrad. Mislim da bi KJKP Rad trebalo podhitno pristupiti čišćenju ovih šahtova u gradu Sarajevo kako se ne bi ponovila ista situacija. Imam jedno pitanje za premijera. Koliki je razvojni projekata planirano u 2019 godini, a koliko je njih istinski realizovano do današnjeg dana. Obrazloženje: planom šestorke za period 2018-22 godina je predviđeno 300 mjera. U budžetu Kantona Sarajevo imamo preko jednu milijardu sredstava pa me interesuje kolika je realizacija budžeta do današnjeg dana, i koji su planirani projekti završeni kompletno a koji djelomično? Interesuje me još jedno pitanje, koliki su prihodi komunalnih preduzeća Kantona Sarajevo do septembra 2019 godine? Obrazloženje: veoma značajni prihodi u budžetu Kantona Sarajevo su komunalna preduzeća Kantona Sarajevo. Međutim, određeni broj preduzeća iz godine u godinu pravi gubitke, pa me interesuje pored ostvarenih prihoda, koliki su gubici za proteklih devet mjeseci 2019 godine i ko ih pravi? Postoji li rješenje za sanaciju tih gubitaka i zašto se oni uvećavaju iz godine u godinu? U ovom prednjači KJKP Park i VIK. Ako je moguće usmeni ako ne onda ide pismeni odgovor. Je li tačno da programskom rekonstrukcijom stadiona Koševo Sarajevo ostaje bez atletske staze na kojoj su održana mnogobrojna značajna domaća i internacionalna takmičenja. Samo da pročitam obrazloženje i završit ću. Ovih dana ulicama grada Sarajeva kruži prijedlog peticije o spašavaju atletske staze na stadionu Koševo? Da li je moguće da se glavni grad BIH ostati bez atletske staze stadiona Koševo koja je od velikog značaja za kraljicu sportova atletiku. Ko je uopšte došao na ideju da renovira stadion i sa njega izbaci atletsku stazu.

Predsjedavajući:

Četiri minute kolegice, a tri je rok. Kolegica Arijana Memić ima riječ. Ostalo zastupnice Kerla možete sve dostaviti pisano u službu i sve se tretiraju inicijative.

Poslanik/zastupnik Arijana Memić.

Zahvaljujem predsjedavajući. Pozdravljam sve prisutne i gledaoce kraj malih ekrana. Moja prva inicijativa je upućena Ministarstvu za obrazovanje, nauku i mlade. Podnosim inicijativu za zamjenu dotrajalog inventara u Prvoj osnovnoj školi na Ilidži. Prva osnovna škola je škola sa najdužom tradicijom na Ilidži. Prilikom nedavne posjete uvjerila sam se u kakvim uslovima učenici rade i borave. Uvidjela sam da je školski inventar dotrajavao te ga je neophodno zamijeniti novim. Obzirom da Ministarstvo za obrazovanje, nauku i mlade Kantona Sarajevo u budžetu ima planirana sredstva za navedenu namjenu molim da se ozbiljno pristupi ovoj realizaciji kako bi smo olakšali rad i boravak učenicima u toj školi.

Druga inicijativa upućena je Ministarstvu zdravstva Kantona Sarajevo i Zavodu za javno zdravstvo. Podnosim inicijativu za provođenje epidemiološke studije o učestalosti malignih oboljenja i trend obolijevanja na općini Hadžići. Svjedoci smo sve većeg porasta broja oboljelih od malignih oboljenja. Skoro da nema sedmice, mjeseca kada se ne otkrije novi slučaj karcinoma na području općine. I što je pogubnije, radi se sve više o mlađoj populaciji. Navedena situacija izaziva određeni stepen zabrinutosti. Zbog toga molim nadležno Ministarstvo zdravstva i Zavod za javno zdravstvo da izrade i sprovedu epidemiološku studiju o broju oboljelih od malignih oboljenja, te urade relevantnu statistiku te uporede podatke sa dostupnim podacima za druge općine u Kantonu i druge zemlje u regionu. Najvažniji podatak jeste trend obolijevanja da li se povećava i ako da, interesuje nas razlog zašto i šta možemo poduzeti da zaustavimo rast broja oboljelih? Inicijativa Ministarstvu zdravstva, domovina zdravlja i Zavodu za hitnu medicinsku pomoć Kantona Sarajevo. Podnosim inicijativu za organizovane prijevoza pacijenata oboljelih od malignih oboljenja na kemoterapiju, radioterapiju pacijenata sa općine Hadžići- jedan od najčešćih problema s kojima se susreću pacijenti oboljeli od malignih oboljenja na području općine Hadžići jeste prijevoz, transport

na onkološki tretman. Ne postoji organizovani transport a pacijenti su najčešće prepušteni sami sebi. Najčešće sva briga pada na teret članova porodice. Također ti pacijenti ne ostvaruju nikakvu finansijsku podršku a troškovi liječenja i njege onkoloških pacijenata su veliki. Veliki problem predstavljaju i velika udaljenost klinike gdje se liječe navedeni pacijenti Onkologije KC od općine Hadžići. A ta udaljenost se kreće od 30 km pacijenata koji žive u Hadžićima do preko 40 km pacijenata koji žive u selima u okolini Tarčina. Zbog svega navedenog smatram da bi pacijentima i porodicama oboljelih od malignih oboljenja od velike pomoći bio organizovani transport do Klinike za onkologiju, slično kao što imaju pacijenti koji idu na hemodijalizu. Time bi se porodici olakšala briga o oboljelom članu porodice, smanjila potreba za korištenjem bolovanja i troškovi porodice. Obzirom da nema više vremena, ja ću ostalo dostaviti u pisanoj formi.

Poslanik/zastupnik Dževad Poturak:

Zahvaljujem predsjedavajući. Selamim i pozdravljam sve prisutne. Za danas imam jedno pitanje i jednu inicijativu. Moje pitanje je za Ministarstvo zdravstva Kantona Sarajevo i Dom zdravlja Kantona Sarajevo. Da mi odgovore da li JU Dom zdravlja Kantona Sarajevo ima višak stomatologa? Molim da mi se dostavi uposlenih stomatologa od 2015 do danas sa datumom zasnivanja radnog odnosa.

Što se tiče moje inicijative navedena inicijativa se odnosi na postavljanje kontejnera ili kanti za odlaganje smeća u naselju Močila i Močila Terezije u općini Stari Grad. Obrazloženje:

Za navedeni problem obratila nam se građanka koja živi u ulici Močila Terezije, te pojasnila o problemima koje stanovnici ovog naselja imaju sa odvozom smeća. Naime, u navedenim ulicama ne postoje nikakvi kontejneri nit kante za odlaganje smeća. Smeće se odvozi kod Kluba amater. Kako bi odnijeli smeće građani moraju pješacit oko 1 km. Ako građani iznesu smeće u blizini svoje avlije , na taj dan ako ga ne pokupe iz komunalnog onda dođu psi lutalice i mačke i sve to raznesu. Čak su i građani zaboli ekser u banderu i tu ostavljaju smeće. To je veoma ružno za vidjet. Ako se ne može omogućit da svaka kuća ima kantu za smeće kao što je u drugim ulicama, onda bi bilo poželjno da bar svaka druga kuća, ima tu potrebnu kantu za smeće. Zahvaljujem.

Poslanik/zastupnik Mahir Dević:

Zahvaljujem. Jedna inicijativa kao zastupnika u Skupštini Kantona Sarajevo i još dvije inicijative ispred Kluba SDA koje ćemo tražiti da se pretvore u zaključak o kome bi trebalo da se izjasni Skupština Kantona Sarajevo.

Prva inicijativa, upućujem inicijativu Vladi Kantona Sarajevo i Ministarstvu prostornog uređenja i zaštite okoliša da pristupi hitnoj izmjeni Zakona o prostornom uređenju Kantona Sarajevo a u smislu da se građanima Kantona Sarajevo omogući legalizacija bespravno izgrađenih objekata. Ja sam ovo na samom početku mandata pokrenuo pitanje usmeno. Sada ga ponavljam pismeno i nadam se Ministarstvo je evo neke aktivnosti po mojim informacijama poduzelo, da će što prije doći na dnevni red takva izmjena Zakona da se građanima omogući da legalizuju bespravno izgrađene objekte. Prema našim informacijama takvih je objekata nekoliko desetina hiljada na području Kantona Sarajevo. Druge dvije inicijative se odnose na mišljenja Ustavnog suda koja smo dobili, a t o sam već najavio na prethodnoj sjednici Skupštine i odnosi se na alarmantno stanje oko zagađenja zraka u Kantonu Sarajevo i svega onoga što nam slijedi u narednom periodu. Prema tome, mi pokrećemo dvije inicijative da se ova dva pitanja riješe kroz Zaključke.

Zaključak broj 1. Nalaže se Vladi Kantona Sarajevo da uskladi sve zakone i propise koje je usvojila Skupština Kantona Sarajevo sa mišljenjima Ustavnog suda FBIH. Nismo precizirali ovdje rok, cijenimo da Ministarstvo pravde i uprave treba da osmisli tu vrstu dinamike. Ali ne možemo kao Skupština ostati gluhi na mišljenje Ustavnog suda i najveće instance u FBIH.

Drugo, predlaže se Skupštini Kantona Sarajevo da usvoji zaključak a slično onome što je kolega Marić govorio o deponiji Smiljevići, apsolutno podržavamo to, jer to su dvije stvari koje su izuzetno važne. Znači, predlaže se Skupštini Kantona Sarajevo da usvoji zaključak da se zbog alarmantne situacije oko zagađenja zraka u Kantonu Sarajevo, kao redovna tačka na narednim sjednicama Skupštine Kantona Sarajevo nakon zastupničkih pitanja i inicijativa razmatraju informacije i aktivnosti Vlade oko zagađenja zraka u Kantonu Sarajevo. Skoro je godina kako smo imali tu sjednicu, sjećate se da ste odbili naš amandman od 2,4 miliona KM za rješavanje ovog pitanja, tako da cijenimo da Skupština o Smiljevićima i o zagađenju zraka treba u narednom periodu odmah poslije ovih zastupničkih pitanja da raspravlja i pozivam Skupštinu Kantona Sarajevo da podrži ovakva dva zaključka.

Poslanik/zastupnik Haris Pleho:

Zahvaljujem predsjedavajući. Prije svega želim sve srdačno da pozdravim i poselamim kao i gledaoce pored malih ekrana. Ja za danas imam jednu inicijativu i dva zastupnička pitanja. Inicijativa se odnosi prema Vladi, Ministarstvo pravde i uprave Kantona Sarajevo. Podnosim inicijativu Vladi Kantona Sarajevo, Ministarstvu pravde i uprave Kantona Sarajevo da objedini javne nabavke za notarske i advokatske usluge za sva Ministarstva, JU, preduzeća koja bi trošak za takve usluge smanjila ili da se razmotri inicijativa upošljavanja n ovih pravnika ukoliko bi bila jeftinija opcija za objedinjenje javnih nabavki.

Pitanje se odnosi na Ministarstvo rada, socijalne politike, raseljenih lica i izbjeglica. Molim Ministarstvo rada, socijalne politike, raseljenih lica i izbjeglica Kantona Sarajevo da me obavijesti da li Ministarstvo prilikom dodjele subvencija za grijanje vodi računa da građani koji dobivaju subvenciju a pri tome nabavljaju ugalj kao ogrjevno sredstvo, poštuju zakonsku obavezu shodno članu 17 stav 1) Odluke o zaštiti i poboljšanju kvaliteta zraka u Kantonu Sarajevo, službene novine Kantona Sarajevo 23/15. napominjem da ovdje nije riječ o zabrani nabavljanja uglja, nego poštivanje zakonske odluke u vezi s njegovim kvalitetom.

I zadnje pitanje koje upućujem Ministarstvu prostornog uređenja, molim da mi se usmeno odgovori, da li Ministarstvo prostornog uređenja, građenja i zaštite okoliša ima informacije iz kojih rudnika na teritoriji BIH je dozvoljeno prodavati i upotrebljavati ugalj shodno članu 17 stav 1) Odluke o zaštiti i poboljšanju kvaliteta zraka u Kantonu Sarajevo. Prema informaciji koju posjeduje Ministarstvo je obavljalo analize 2013 godine i da li postoje neke nove analize. Molim da mi se dostave rezultati provedenih analiza. Hvala lijepa.

Poslanik/zastupnik Admela Hodžić:

Zahvaljujem predsjedavajući. Pozdravljam sve prisutne kao i sve one koji prate naš rad. Prvo moje pitanje je upućeno ministru Katici.

Obzirom da je eskalirala situacija u Hadžićima zbog velikog broja migranata, te da se slobodno kreću po teritoriji Općine Hadžići pitanje je i za komesara i za ministra MUP-a šta će poduzeti? Da li će povećati broj patrolnih vozila, broj policijskih službenika, da li planiraju pokriti video nadzorom škole, autobuska stajališta i mjesta gdje je zabilježen najveći broj napada? Ja sam jedanput pokretala ovu inicijativu, obrazloženje je bilo da ne može, da je preskupo, i da neće doprinijeti sigurnosti građana. Pa ako je tako, onda nam ne treba ni na ostalim općinama.

Drugo moje pitanje je upućeno za Ministarstvo zdravstva Kantona Sarajevo, Domove zdravlja Kantona Sarajevo, te Uredu za borbu protiv korupcije i upravljanje kvalitetom. Da li je tačna informacija da je direktor JU "Dom zdravlja Kantona Sarajevo" dr. Kulić nabavlja akreditacije zaposlenima u iznosu od 38,00 KM za jednu akreditaciju? Svi znamo da akreditacija košta 5,00 KM. Usluge Domova zdravlja su jako loše, pacijenti se naručuju, a nema reagenasa, aparati su stari, nema medicinskog kadra, a direktor naručuje ove skupe akreditacije. Tražim da mi dostavite svu dokumentaciju o nabavci akreditacija sa svim

pristiglim ponudama, odluku direktora o kupovini iste, kao i da nadležno Ministarstvo i Ured za borbu protiv korupcije i upravljanje kvalitetom izvrše kontrolu te nabavke?

Inicijativu upućujem Ministarstvu saobraćaja. Pokrećem inicijativu prema Ministarstvu saobraćaja da obezbijedi sredstva u iznosu od cca 1.000.000,00 KM za rekonstrukciju i izgradnju puta na dionici ulica XII Hercegovačka - Ban Brdo na Općini Hadžići.

Također inicijativu sljedeću upućujem Ministarstvu saobraćaja. Pokrećem inicijativu prema Ministarstvu saobraćaja da obezbijedi sredstva u iznosu od 350.000 KM za rekonstrukciju i izgradnju saobraćajnice Trzanj-Odžak sa oborinskom i propustom preko rijeke Korča. U dužini saobraćajnice od 315 m. koja povezuje dvije MZ Trzanj i Korču, te ujedno stvara alternativni pravac u slučaju zastoja na magistralnom putu M17. Da se saobraćaj za manja vozila i kamione bez prikolice može od Raštelice do Tarčina preusmjeriti ovim alternativnim pravcem. Zahvaljujem. Ostalo ću dostaviti u pisanoj formi.

Poslanik/zastupnik Samir Suljević:

Hvala. Pozdravljam sve prisutne kao i gledaoce pored malih ekrana. Ja imam nekoliko zastupničkih pitanja i dvije inicijative. Prvo zastupničko pitanje upućujem Ministarstvu zdravstva Kantona Sarajevo. I glasi: koje zdravstvene ustanove su u obavezi vršiti usluge patohistološke analize osiguranim licima? Sljedeća pitanja su upućena KCUS.

1. Zašto KCUS ne želi izvršiti usluge patohistološke analize osiguranim licima i zašto ih naplaćuje?
2. Zašto na zahtjev osiguranih lica ne žele izdati potvrdu o obavezi plaćanja usluge patohistološke analize iako ista spada u paket obaveznog zdravstvenog osiguranja?
3. Da li postoji zvanična odluka menadžmenta KCUS o ne pružanja usluga patohistološke analize ili ona po navodima šefa klinike ili discipline usmenog karaktera?

Naredna tri pitanja idu ZZO Kantona Sarajevo a vezana su za istu problematiku.

1. Da li je ZZO Kantona Sarajevo da li plaća KC usluge patohistološke analiza?
2. Da li je KCUS u obavezi izvršiti usluge patohistološke analize osiguranim licima?
3. I da li imaju informaciju da KCUS ista odbija izvršiti?

Imam dvije zastupničke inicijative.

Prva se odnosi na osnovu člana 213. Poslovnika Skupštine Kantona Sarajevo podnosim inicijativu da Skupština Kantona Sarajevo donese sljedeći zaključak: da se obavezuje Vlada Kantona Sarajevo i Ministarstvo privrede da odmah pristupe realizaciji projekta korištenje obnovljivih izvora energije, izgradnja postrojenja za proizvodnju peleta, na koje u budžetu Kantona Sarajevo za 2019 godinu na razdjelu Uprave za šumarstvo izdvojeno 4.424.000 KM. Obrazloženje neću čitati ali molim da se o ovome izjasnimo-

I zadnja zastupnička inicijativa je vezana za izmjenu Zakona o nabavljanju, držanju i nošenju oružja i municije. Vezano oko nekoliko članova koje ne mogu sada pročitati sve, ali su dostavljeni dole i nabrojane a o istima sam govorio kada je tema bila ova tačka. I koristim ovu priliku da napomenem da nisam dobio odgovor na svoja pitanja i inicijative vezano za semafor na Vrbanja mostu i obilježavanju trake za skretanje kod Meriote, i pod broj dva, nisam dobio odgovor o iznosima odobrenih sredstava sa spiskom klubova koji su u prošloj godini u Kantonu Sarajevo dobili ta sredstva te kriterije za finansiranje istih i nagrađivanje istih. Hvala.

Poslanik/zastupnik Segmedina Srna Bajramović:

Zahvaljujem predsjedavajući. Pozdravljam sve prisutne. Prije svega želim iskoristiti ove svoje tri minute da se javno zahvalim ministru Mandiću koji je u cilju analize stanja i planiranja mjera nakon moje inicijative vezano za područje ulice Hendekuša, našao vremena da zajedno

posjetimo građane i direktno se uvjeri u problem izlivanja fekalnih voda, gdje je ispred Ministarstva koje predvodi, sa svojim saradnicima iz nadležnih komunalnih preduzeća obećao realizaciju kratkoročnih i dugoročnih mjera, koji će problem u prvoj varijanti umanjiti redovnim pražnjenjem septičkih jama, a na kraju kroz izradu projekta i realizaciju kanalizacije definitivno i riješiti. Također želim zahvaliti menadžmentu Toplana i UNSA koji su promptno reagovali na moju informaciju kako postoji objektivna opasnost da zbog administrativnih komplikacija kotlovnica u Kampusu UNSA neće biti spremna za rad, te svojim dogovorom omogućili na vrijeme puštanje u funkciju studentske toplane, čime se otklonio potencijalni problem da studenti ostaju bez opcije grijanja. Želim vjerovati kako je sve ovo suština obnašanja i zakonodavne i izvršne vlasti, kako građani očekuju od nas. Imam zastupničko pitanje. Vlada Kantona Sarajevo je 02.februara 2018 godine donijela Uredbu o osnivanju ureda za borbu protiv korupcije i upravljanja kvalitetom Kantona Sarajevo. Molim menadžment Ureda da mi dostavi informacije o prijavljenim slučajevima korupcije za 2018. i 2019. godinu, te koliko je istih urađeno anonimno, a koliko pod aktivnom registracijom podnosioca iste. Očekujem da informacija sadrži sve relevantne prijave korupcije za koje ste eventualno pokrenuli postupke i postupke za koje ste poimenično utvrdili odgovornost u izvještajnom periodu. Smatram izuzetno važnim da rad Ureda i sve njegove aktivnosti učinimo transparentnim, u smislu konkretnih prijava i postupaka ukoliko se isti vode.

Molim Zavod zdravstvenog osiguranja Kantona Sarajevo da mi dostavi podatke o broju izvršenih kontrola od 2018. godine do danas na osnovu člana 21. Ugovora o pružanju zdravstvene zaštite osiguranim licima Kantona Sarajevo potpisanim sa Kliničkim centrom Univerziteta u Sarajevu i Općom bolnicom „Prim dr. Abdulah Nakaš“, kao i informacije o utvrđenom stanju, te kopije akata tih kontrola.

Još jedno pitanje, molim ZZO KS da mi se dostavi podatke o ukupnom iznosu sredstava u 2017., 2018. i 2019. godini po osnovu redundancije troškova za lijekove i laboratorijske analize, te druge dijagnostičke i terapijske postupke koje su isplaćene pravnim licima odnosno privatnim klinikama, ordinacijama, laboratorijima i drugim privatnim zdravstvenim ustanovama. Toliko zahvaljujem.

Poslanik/zastupnik Sead Milavica:

Zahvaljujem predsjedavajući. Sve vas srdačno pozdravljam. Ja za danas imam dvije inicijative, jednu ću predati u pisanoj formi, a drugu ću evo pročitati. Pokrećem inicijativu prema ministarstvu komunalne privrede, da pristupi izradi propisa kojima bi se definisao rezidentni parking, uslovi njegovog korištenja, kao i mjere za provođenje istih.

Obrazloženje: Veliki broj stanovnika Kantona Sarajevo koji živi u velikim stambenim naseljima suočen je sa hroničnim nedostatkom parking mjesta. To je rezultat dugogodišnjeg nemara kako lokalnih zajednica koje nisu pokazale dovoljno interesa da u okolnostima povećanja broja vozila strateški pristupe problemu nedostatnog parkinga. Dodatni problem predstavlja bahaćenje pojedinaca koji sve češće uzurpiraju više parking mjesta havarisanim vozilima, vozilima koja preprodaju, a u zadnje vrijeme i službenim vozilima zbog pretvaranja stambenog prostora u poslovne prostore. Stoga je od izuzetnog značaja da se konačno krene u realizaciju propisa, kojima će se svakom domaćinstvu na adekvatan način osigurati da koristi parking u neposrednoj blizini stana. Hvala.

Poslanik/zastupnik Samra Ćosović-Hajdarević:

Zahvaljujem. Ja imam dvije inicijative i nekoliko pitanje. Upućujem inicijativu Ministarstvu prostornog uređenja, građenja i zaštite okoliša, Ministarstvu privrede, Turističkoj zajednici Kantona Sarajevo, Sarajevo-šumama i komunalnim preduzećima da se na olimpijskim planinama obnovi i izgradi turistička signalizacija, mjesta za odmor i mjesta za odlaganje otpada, kao i parking prostori kako bi se spriječilo dalje uništavanje šuma, livada i drugih

prirodnih ljepota. Podnosim inicijativu prema prema Ministarstvu saobraćaja Kantona Sarajevo za uvođenje redovne autobuske linije za olimpijske planine Bjelašnicu, Igman i Trebević, tokom cijele godine, kao jedna od mjera zaštite od zagađenog zraka, ali i popularizacije domaćeg turizma. Sljedeća pitanja upućujem Vladi Kantona Sarajevo, Ministarstvu pravde i uprave i Upravi TVSA.

1. Zašto je 13.8.2019.g. v.d. direktorica Ljevak, uručila otkaz ugovora o radu dugogodišnjoj uposlenici koja je zaposlena od 2009. godine, koja nije član Vijeća uposlenika TVSA, te zašto je neposredno nakon uručivanja otkaza dodijeljeno unapređenje predstavniku Vijeća uposlenika sa SSS montažer na radno mjesto sa VSS izvršni producent, bez konkursne procedure?
2. Kantonalna uprava za inspekcijske poslove Kantona Sarajevo utvrdila je nezakonitosti u pogledu ovog unapređenja te utvrdila da uposlenik nema propisane uslove i kaznila finansijskom kaznom TVSA i v.d. direktoricu Ljevak. Zašto v.d. Ljevak tom istom uposleniku nije otkazala ugovor o radu, kao što je postupila u slučaju pomenute uposlenice čime je počinjena diskriminacija?
3. Tražim da mi se dostavi Pravilnik o sistematizaciji radnih mjesta kao i popunjenost sa opisom složenosti poslova radnih mjesta?
4. Zbog čega v.d. direktorica Ljevak ne postupa jednako prema svim radnicima, te da li su radnici koji su se medijski oglasili i ukazali na nezakonitosti u radu v.d. direktorice Ljevak stavljeni u nepovoljniji položaj? Zbog čega kasne Dnevnici pa se emituju jučerašnji, što se desilo prije par mjeseci?
5. Koliko je kazni v.d. direktorica Ljevak platila za 5 mjeseci rukovođenja kao odgovorno lice i TVSA kao pravno lice, čime je nanijela finansijsku i materijalnu štetu preduzeću, a sve zbog nezakonitog rada.
6. Zbog čega v.d. direktorici Ljevak nije u svom radu poštivala Zakon o radu, Zakon o zabrani od diskriminacije, Zakon o zaštiti autorskih i srodnih prava, Pravilnik o radu TVSA?

Zahvaljujem.

Poslanik/zastupnik Amra Hasagić:

Zahvaljujem predsjedavajući. Pozdravljam sve prisutne kao i sve one koji na bilo koji način prate rad današnje sjednice. Ja imam četiri zastupničke inicijative. Posljednju ću predati pismeno a ove tri ću da iščitam.

Upućujem inicijativu Ministarstvu saobraćaja da u skladu sa članom 86 Zakona o uređenju saobraćaja na području Kantona Sarajevo izradi pravilnik kojim se definiše postupak i način uklanjanja oštećenih, dotrajalih, napuštenih i neregistrovanih vozila i olupina, te da pristupi izradi propisa o visini troškova premještanja istih,

upućujem inicijativu Vladi Kantona Sarajevo da se instruktorima u ski školama omogući plaćanje paušala po prijavljenoj školi koja će sa JP ZOI potpisati ugovor o saradnji u iznosu od 200 KM, a ne po pojedinačnom instruktoru kako je do sada predviđeno.

Upućujem inicijativu Vladi Kantona Sarajevo da se za škole skijanja obezbijedi kupovina dječjih ski karata po 50% nižim cijenama od trenutno predloženih bez obzira na broj upisane djece u ski škole da se instruktorima koji potpišu ugovore sa ZOI obezbijedi kupovina tzv tačkica za stazu K1. Hvala puno.

Poslanik/zastupnik Aljoša Čampara:

Zahvaljujem predsjedavajući. Ja imam dva pitanja za Vladu. Evo molim da nam Vlada, premijer ili resorni ministar, u ovom slučaju ministar finansija ili već neko drugi odgovori na pitanje šta je sa štrajkom zdravstvenih radnika u Kantonu Sarajevo obzirom da se radi

vjerovatno o 13 zdravstvenih institucija gdje zdravstveni radnici štrajkuju, građani već trpe određene posljedice i štete u smislu da nemaju adekvatnu zdravstvenu zaštitu, da ne mogu vaditi nalaze, da ne mogu koristiti osnovne zdravstvene usluge. Imam osjećaj da se Vlada ponaša kao da tamo nije štrajk pa molim da mi se odgovori da li ste u kontaktu sa predstavnicima? Usmeno odgovor tražim po obadva pitanja. Ovo je prvo.

Drugo pitanje, isto premijeru od vas ili od ministra finansija ili eventualno direktora Zavoda za izgradnju Kantona, pošto oni valjda prate realizaciju ovih kapitalnih investicija i izdataka da nas ovdje obavijestite kao Skupštinu i građane Kantona Sarajevo da li je tačno da je izvršenje budžeta po pitanju kapitalnih investicija u Kantonu Sarajevo otprilike da se kreće oko 17% za ovu godinu, i prema nekim procjenama koje ste i vi radili, pitanje je da li će do kraja godine uspjeti doći do 20% izvršenje kapitalnih investicija, obzirom da je evo već kraj ili da smo izgubili građevinsku dozvolu, bojim se ako je ovo tačno pored tolikog budžeta koji ima Kanton Sarajevo bojim se da smo izgubili cijelu godinu. Pa evo da nam odgovorite, isto tražim usmeni odgovor i na ovo pitanje. Mi ćemo naravno kao klub izvršiti kompletnu analizu svega onoga što ste vi kao Vlada obećali i resorna Ministarstva po ovome pitanju, tako da ćemo na jednoj od narednih sjednica izvaditi sve te projekte, i sve ono što je bilo napisano i u programu rada Vlade i Skupštine Kantona.

Poslanik/zastupnik Bilsena Šahman:

Zahvaljujem predsjedavajući. Pozdravljam sve prisutne i gledaoce kraj malih ekrana. Imam dva pitanja, i tri inicijative. Prvo pitanje je pa ukoliko ministrica može da odgovori usmeno, ukoliko ne, onda pismeno, Ministarstvo zdravstva. Od Udruženja dijabetičara djece i omladine KS pitanje šta je sa novom Uredbom o ortopedskim pomagalicama koju je navodno Vlada KS usvojila i da li je Uredba objavljena u službenim novima, ako nije zašto?

Drugo pitanje ministru prostornog uređenja, također usmeni odgovor. Da li će i kada biti objavljen novi javni poziv za prinudne predstavnike etažnih vlasnika i zašto je potreban novi javni poziv?

Prva inicijativa je za naknadu za rad u komisijama, odnosi se na izmjene stava 3) člana 36 Zakona o plaćama i naknadama u organima vlasti Kantona Sarajevo. Neću čitati obrazloženje. Dat ću u pisanoj formi.

Druga inicijativa je za platenike koje općine uglavnom dodjeljuju demobilisanim borcima i nezaposlenim osobama. Za navodnjavanje u ovim platenicima potrebna je i struja, a za struju je potreban priključak, odnosno građevinska dozvola. Da se samo izvrši dopuna Zakona o prostornom uređenju Kantona Sarajevo.

Treća inicijativa koju sam zamolila kolegice da prosljede svima, za koju želim da se poslije završetka ove tačke izjasnimo. Predlažem da Skupština Kantona Sarajevo usvoji na osnovu ove inicijative zaključke o zabrani smještaja ilegalnih migranata u napuštene kasarne na području Kantona Sarajevo bez uključivanja šire društvene zajednice kao institucije Kantona Sarajevo. Posebno Vlade Kantona Sarajevo i resornih ministarstava kao što su MUP Kantona Sarajevo. Ministarstvo za rad socijalnu politiku, raseljena lica i izbjeglice. Obrazloženje:

u sredstvima javnog informisanja objavljena je vijest da su premijer Federalne Vlade Fadil Novalić i ministar sigurnosti BIH Dragan Mektić dogovorili da se migranti iz USK presele iz kasarne u Blažuju, Rajlovcu, Semizovicu i Visokom. Smatram da je neodgovorno i neozbiljno da na nekim neformalnim sastancima premijer Federalne Vlade i ministar sigurnosti dogovaraju ovako krupne aktivnosti koje mogu imati izuzetno negativne reperkusije po javni red i mir u glavnom gradu BIH. Ova Skupština Kantona i Vlada Kantona dužne su osigurati građanima u našem Kantonu neometano odvijanje svakodnevnih aktivnosti, a nekontrolisana pojava desetina hiljada migranata bi to svakako ugrozila. Shvatajući težak položaj migranata i njihova neprikosnovena prava, smatram da im se moraju pronaći adekvatni smještajni kapaciteti pred zimsku sezonu ali to svakako nije glavni grad, jer to nije bio slučaj ni u

Skoplju, ni Beogradu, ni Podgorici, pa ne treba ni u Sarajevu. Stoga predlažem nekoliko zaključaka koji se odnose na aktivnosti koje Vlada Kantona Sarajevo treba da poduzme prema drugim institucijama kako bi se spriječila migrantska kriza. Zahvaljujem.

Poslanik/zastupnik Senad Hasanović.

Zahvaljujem predsjedavajući. Pozdravljam sve prisutne u sali kao i gledaoce kraj malih ekrana. Za ovu sjednicu imam jedno pitanje i dvije inicijative. Da li je Vlada Kantona Sarajevo i resorno Ministarstvo upoznata sa problemima koje u svom radu ima Udruženje civilnih žrtava rata Kantona Sarajevo? Da li se poduzimaju ili planiraju poduzeti mjere podrške radu pomenutog udruženja, te sprječavanju samovolje pojedinaca u očitom pokušaju manipulacije nad ovom kategorijom stanovništva i ostvarenja lične koristi, uz najgrublje sprječavanje svake vrste kontrole nad utroškom sredstava udruženja. Obrazloženje:

Prema tvrdnjama velikog broja članova Udruženja civilnih žrtava rata, predsjednice i članova skupštine pomenutog udruženja, aktuelna predsjednica udruženja je od 11.09.2019 godine onemogućila uvid u stanje finansija udruženja, a nakon toga i zaključala prostorije, skinula tablu sa nazivom udruženja, otuđila pečate i dokumentaciju i to iako je odlukom Skupštine razriješena dužnosti predsjednice. Obzirom da postoje osnovane sumnje da je u ovom slučaju na najgrublji način došlo do zloupotrebe položaja i kršenje zakona, cjelokupan slučaj je prijavljen istražnim organima koji će dati konačan sud o nastaloj situaciji. Međutim ako imamo u vidu da se radi o vrlo osjetljivoj kategoriji društva koja je egzistencijalno vezana za rad udruženja koje svojim članovima pomaže kroz razne oblike zaštite i rehabilitacije molim Vladu Kantona Sarajevo i resorno Ministarstvo da iznađu način na koji se može pomoći ovom udruženju u cilju prevazilaženja trenutne situacije.

Inicijativu pokrećem prema KCUS i glasi: pokrećem inicijativu prema KCUS u cilju pojednostavljenja administrativnih procedura za pacijente Dnevne onkološke klinike koji primaju terapiju. Obrazloženje: administrativna procedura koju onkološki pacijenti na KCUS prolaze pri svakoj od neophodnih terapija je izuzetno zahtjevna a naročito za pacijente koji nemaju pratnju. Naime pacijenti moraju prije dolaska na KCUS kod doktora porodične medicine uzeti dvije uputnice, i to za bolnicu i za laboratoriju. Te nakon dolaska u Dnevnu onkološku kliniku obaviti kontrolu kod doktora sa nalazima krvi, nakon čega dobijaju novih 7 uputnica koje moraju odnijeti na šalter. Nakon čekanja da se svi podaci unesu u sistem, pacijenti su dužni popunjenje obrasce odnijeti na šalter blagajne. Tek nakon navedene procedure, pacijent ulazi da primi hemoterapiju koja traje dva do tri sata i izuzetno je zahtjevna. Cijenim da KCUS može za ovakve pacijente pojednostaviti administrativne procedure i to na način da neophodne formalnosti obavljaju uposlenici KCUS. Molim da se zastupnici u Skupštini Kantona Sarajevo izjasne o ovoj inicijativi. Hvala.

Dopredsjedavajuća Danijel Kristić.

Zahvaljujem predsjedavajući. Pozdravljam sve prisutne i gledaoce kraj malih ekrana. Ja imam tri inicijative i jedno zastupničko pitanje. Ovim putem podnosim inicijativu za uvođenje neonatalnog skrininga sluha po otpustu iz porodilišta u Općoj bolnici „Prim.dr. Abdulah Nakaš” i KCUS. Obrazloženje: sluh je jedno od osnovnih čula čovjeka. Rano otkrivanje oštećenja sluha i pružanje odgovarajućih intervencija, jedan je od osnovnih programa zdravstvene zaštite, koji se provode u EU zemljama, zemljama u okruženju kao i pojedinim kantonima u FBiH.

Drugu inicijativu podnosim Ministarstvu zdravstva i JU DZ. Inicijativa za poboljšanje dostupnosti palijativne njege pacijentima oboljelim od malignih oboljenja na području općine Hadžići i formiranje tima za palijativnu njegu pri DZ. Obzirom da se radi o jednom timu smještenom u Novom Gradu, pacijentima sa području Hadžića je teško dostupna, kako zbog udaljenosti, tako i zbog malog broja uposlenih. Često onkološki pacijenti na kućnu posjetu i

ordiniranje adekvatne terapije za bol čekaju duži period te su izloženi velikoj patnji. Jedan od načina za prevazilaženje ovog problema jeste edukacija bar jednog tima pri DZ Hadžići koji bi bili ovlašteni za propisivanje odgovarajuće terapije i palijativnu njegu onkoloških pacijenata. Navedeni tim bi pored edukacije preuzeo i koordinaciju sa palijativnom njegom, ljekarima porodične medicine, te uveliko olakšao kretanje ovih pacijenata kroz zdravstveni sistem. Ovim putem podnosim inicijativu za postavljanje radara na relaciji Hadžići, Pazarić, mjesto Gradac. Svjedoci smo stalnih saobraćajnih nesreća sa težim posljedicama. A često i smrtnim ishodom. Nedavno su na navedenom mjestu smrtno stradale tri osobe dok je u proteklim godinama taj broj žrtava dosta veći. Tu je dionica puta na kojoj se vozi brzo, preglednost puta je loša a ne poštuju se ograničenja brzine. U svrhu smanjenja broja nezgoda, i da se probudi svijest vozača na toj dionici, nadam se da ćete uvažiti ovu inicijativu.

Zastupničko pitanje postavljam za JU Studentski centar. Pitanje glasi kako je moguće da ustanova na čelu sa sadašnjim direktorom podnosi zahtjev za zapošljavanje radnika Ministarstvu za obrazovanje, nauku i mlade Kantona Sarajevo a istovremeno u zadnjih godinu dana je zatvorila pet ugostiteljskih objekata? D ali treba dodatno sa novim radnicima opteretiti budžet firme ili treba adekvatno izvršiti preraspodjelu postojećih radnika u skladu sa zakonom? Također sam JU Studentski centar dostavila tri pitanja prije pet mjeseci. Nikada mi nisu odgovorili pa bih zamolila da mi i na to odgovore.

Podnosim još inicijativu za zapošljavanje socijalnih radnika i psihologa na neodređeno vrijeme u OŠ, posebno škole u kojima je izražena potreba za navedenim kadrom. Kako je i definisano u pedagoškim standardima i općim normativima a obrazloženje ću dostaviti upisanoj formi. Hvala.

Poslanik/zastupnik Zvonko Marić.

Zahvaljujem dopredsjedavajući. Za početak samo želio bih da se osvrnem na izlaganje, odnosno istup premijera Forte. Molim vas gospodine Forto, ja sam zaista strpljiv i pitao sam ono u čemu sam u pravu, ne možete na takav način i takvim manirima da odgovarate na jedno zastupničko pitanje i inicijativu i ukazivanje na vaše propuste. Tim prije, mi imamo o čemu i te kako raspravljati, nemojte to da radite, i da vas samo podsjetim da ste vi i vaša Vlada u ovoj sali i ovom domu samo gosti i prema tome mi bismo vas, a ne vi nas. Nemojte stalno da potenciram takve stvari, jer način i ton na koji ste odgovorili je stvarno uvredljiv za mene. I nadam se da se to više neće ponavljati. A kada smo već kod toga poslovnička intervencija, imao sam je i prešutio sam kao što sam mnogo toga prešutio. Hoću da kažem kada je riječ o pitanjima i inicijativama Vlada Kantona Sarajevo kasni i ne odgovara na moje inicijative i ako su one postavljene prije više mjeseci, više puta ponavljanje, kao što je inicijativa o promjeni Ustava Kantona Sarajevo zbog prava na pitku vodu.. ja nikada nisam odgovorio. I na brojne inicijative ponekad imam osjećaj, a ne volim taj osjećaj da testirate moje strpljenje. Druga stvar, postaviti ću vam jedno pitanje nakon što ste istupili u jednoj TV emisiji vi ste rekli da i nagovijestili mogućnost da bi se Vlada mogla angažirati oko toga da plati bespravno izgrađene objekte Peni plus koji je izgradio 27.000 kvadrata na trasi koja je utvrđena prije 40 godina. Znači potpuno svjesno divlja gradnja je učinjena na tom prostoru, i nakon brojnih reakcija gledatelja koji su to slušali i gledali, i privrednika, da plaćate i da ste spremni plaćati divljim graditeljima ono što su izgradili, da ne ulazim sada u situacije, jer ja podnosim ovu inicijativu i pitanje postavljam u ime Kluba SBB koliko novaca je u tim objektima koji su bespravno izgrađeni, čovjek zaradio? Koliko je uskratio budžet ako znate da je po Zakonu bio dužan da za svaki kvadratni metar plaća 81 KM, to je 2,5 miliona je oštetio otprilike budžet Kantona Sarajevo i sada ga treba nagraditi za to. Ne vidim, to je mislim kontra struke i ekonomske logike i bojim se da takav je pristup u funkciji divljih graditelja. On be bi smio tu zapravo ni biti zato što se otvara ovaj problem, bojim se da on ulijeva u određenom smislu i sumnje koje su bespotrebne u ovo što se dešava vezano za izgradnju I

transverzale ovog kapitalnog projekta. I pitam se zbog čega nisu inspekcijski organi na čelu sa direktorom Halilovićem poduzeli mjeru i izdali nalog da se ukloni ovaj bespravni objekat kao što je to bio slučaj na Gorici, kuća prije nekoliko dana. I u Novom Sarajevu također objekti koji su na divlje građeni. Iz ovog legalističkog ugla treba možda i razmotriti pitanje na koji način da on finansira uklanjanje bespravno izgrađenih objekata a ne da to činimo iz novca građana. I na koncu, nekoliko vrlo zanimljivih pitanja postaviti ću i bit ću veoma kratak ali volio bih da mi se odgovori i usmeno, da li ste razmišljali da s obzirom da objekat nema građevinsku i upotrebnu dozvolu, što znači da nema ovjerenog projekta, evakuacije u slučaju požara nisu potvrđeni statički proračuni temelja, zidova, krovova, nije urađen ni prihvaćen protiv-požarni elaborat, itd. Zanima me.

Dopredsjedavajući Vior Handžić.
Zastupniče Marić četiri minute.

Poslanik/zastupnik Zvonko Marić:

Jedna rečenica, ko će osim vlasnika snositi zakonsku i krivičnu odgovornost ako dođe do nesreće u objektu ili radnika koji bi mogli eventualno da stradaju ili posjetilaca koji obilaze taj tržišni centar? Hvala vam.

Poslanik/zastupnik Vildana Bešlija:

Hvala. Želim prvo da pozdravim sve koji nas na bilo koji način prate. Ja ću pokušati pročitati tri inicijative, a ostalo ću naravno dostaviti u pisanoj formi. Prva inicijativa se odnosi upućujem je Ministarstvu komunalne privrede, UNSA i Komisiji za obilježavanje, čuvanje i njegovanje historijskih događaja i ličnosti. Naime, to je inicijativa za preuređenje prostora kod kampusa UNSA i pretvaranja istog u parkovsku površinu pod imenom Studentski park „Goran Čengić”. Krajem ovog ljeta, radnici Kantonalnog javnog komunalnog preduzeća Park proveli su akciju čišćenja i uređenja Kampusa Univerziteta u Sarajevu, kako bi ovaj prostor uskoro bio pretvoren u zelenu površinu. Ovu aktivnost realizovalo je Ministarstvo komunalne privrede i infrastrukture KS u saradnji sa Rektoratom Univerziteta u Sarajevu. Kako povremene akcije ovog tipa ne bi bile jedini vid ulaganja u ovaj prostor, iniciram temeljito preuređenje istog u svrhu pravljenja parkovske površine. Ova parkovska površina nalazila bi se u centralnom dijelu grada i na usluzi bi bila ne samo studentima Univerziteta u Sarajevu, nego i svim građanima. Naš grad je svakako deficitaran sa parkovskim površinama, a ovaj prostor je zbog svoje lokacije, idealan za tu namjenu. Pored toga, ovim podneskom iniciram da, nakon uređenja i stavljanja na raspolaganje građanstvu, park dobije ime dobitnika priznanja za građansku hrabrost Gorana Čengića. Za dio inicijative koji se odnosi na preuređenje parka molim ministra komunalne privrede za usmeni odgovor o mogućnostima realizacije.

Druga inicijativa se upućujem je Ministarstvu privrede a to je inicijativa za uvođenje granta za poticaj samozapošljavanja za osobe srednje starosne dobi. Naime, ova inicijativa i finansijska sredstva koja bi je pratila odnosila bi se na osobe koje imaju najmanje deset godina radnog iskustva, nezaposleni su, i žele samostalno, svojim radom obezbijediti egzistenciju. To su osobe koje imaju radno iskustvo i vjerovatno posjeduju vještine i znanja te ih vjerovatno finansijska sredstva dijele od realizacije predloženog samoodrživog projekta. Kategorija srednje starosne dobi stanovništva veoma često ostane neprimjetna, malo se govori u javnosti o njima, a činjenica je da ih ima dosta nezaposlenih. Htjeli mi to priznati ili ne praksa je pokazala da starosna dob utiče na manju konkurentnost na tržištu kod drugih poslodavaca, a kako ovi ljudi posjeduju znanja i iskustvo vjerovatno je da će uz pruženu šansu ova mjera pozitivno se odraziti i u smislu njihovog ostanka u BIH te da su od koristi njihovog

samozapošljavanja višestruke.

Treće je pitanje koje želim uputiti ministrici zdravstva. S obzirom da je sistematizacija radnih mjesta u zdravstvu jedna od potpisanih mjera šestorke, molim ministricu zdravstva da mi usmeno odgovori u kojoj fazi je ovaj proces? Hvala.

Dopredsjedavajuća Smiljana Viteškić:

Zahvaljujem kolega. Dobar dan svima. Ja za današnju sjednicu imam dva pitanja. Prvo je upućeno Vladi Kantona Sarajevo. Prilikom imenovanja Vlade KS, na primjedbu da žene nisu dovoljno zastupljene u Vladi, premijer je obećao da će tu nepravdu ispraviti imenovanjima u izvršne funkcije.

Pitanja:

1. Koliko je žena imenovano za direktorice javnih preduzeća?
2. Koliko je žena predsjednica Upravnih odbora, a koliko Nadzornih?
3. Koliko je žena imenovano za povjerenice u Skupštinama preduzeća? I koliko je supervizora na konkursima za zapošljavanje?

Da li se pri pomenutim imenovanjima vodi računa o nacionalnoj pripadnosti izabranih?

Drugo pitanje je Ministarstvu za prostorno uređenje, građenje i okoliš. Na tematskoj sjednici o problemima na deponiji Smiljevići, postavila sam pitanje da li je postojala komisija/odbor/tim za praćenje stanja na deponiji Smiljevići. Kako na sjednici nisam dobila potpun odgovor, osim da je postojao Operativni tim za sanaciju stanja na deponiji Smiljevići, molim da mi pismeno odgovorite:

1. Ko su članovi tima?
2. Kome i kad su dostavljali svoje izvještaje?
3. Po mogućnosti da nam dostavite kopiju bar jednog izvještaja Operativnog tima. Hvala.

Poslanik/zastupnik Damir Nikšić:

Dobar dan. Zastupničko pitanje, imam jedno pitanje. Zamolio bih nadležne da mi daju pismeni odgovor na pitanje: Da li Komisija za pravdu, ljudska prava i građanske slobode još uvijek postoji i zasjeda, tj. koliko se puta do sada sastala i koliko je predmeta do sada riješila? Obrazloženje:

Postoji više razloga zašto ovo pitam, ali niti jedan od njih nije taj što je predsjednica ove komisije na zvaničnoj web stranici Skupštine Kantona Sarajevo, na kojoj je objavljen prikaz aktivnosti kantonalnih zakonodavaca, prikazana kao najmanje aktivna zastupnica.

Svjestan sam da "top lista" najaktivnijih zastupnika objavljena na zvaničnoj stranici SKS ne mora nužno značiti da se radi o najmanje aktivnoj predsjednici jedne skupštinske komisije tako da to nije razlog zašto postavljam ovo pitanje.

Doduše jedan od razloga zašto postavljam ovo pitanje jeste taj da su oni koji rade na web stranici SKS bili aktivni u vezi aktivnosti zakonodavaca, ali veoma malo aktivni u vezi aktivnosti Skupštinskih komisija, jer se na službenoj stranici Skupštine Kantona Sarajevo gdje je predstavljen rad skupštinskih komisija ne mogu pronaći podaci o radu i sjednicama niti jedne komisije osim Prve sjednice Komisije za mlade.

Pošto, za razliku od rada komisije kojom sam do sada predsjedavao, a koji je bio jako dobro praćen i pokriven u nekim medijima (pa čak i previše, jer me kritikuju čak i zbog nečega što nisam uradio, tj. lažno me predstavljaju kao radnika čak i onda kada nešto ne uradim), javnost do sada nije bila u prilici upoznati se sa radom, ili eventualnim neradom Komisije za pravdu, ljudska prava i građanske slobode, pa bih želio doći do te informacije i sam je predložiti javnosti putem svojih medija.

No osnovni razlog zašto bih htio raspolagati tom informacijom i komunicirati tu informaciju javnosti jeste taj što sam ja član te komisije. Kao član te komisije do sada sam primio samo

jedan poziv na prvu i, za sada pretpostavljam, jedinu sjednicu ove komisije koja je održana 24. januara tekuće godine, znači prije devet mjeseci, na kojoj, nažalost, nisam bio u mogućnosti prisustvovati. Stoga imam potrebu izraziti svoju zbunjenost i zabrinutost, i iznijeti više dodatnih pitanja koja me muče po ovom pitanju. Naime, ako su u međuvremenu održane i druge sjednice o kojima nisam bio obavješten, htio bih znati zašto nisam bio pozvan na njih i, ako jesam, gdje je zapelo. Drugim riječima, pitam se:

1. Da li sam u međuvremenu izbačen iz te komisije?
2. Da li sam nepoželjan u toj komisiji (persona non grata)?
3. Da li su se pozivi na sjednice te komisije negdje zagubili u e-mailu?

Ako ništa od gore navedenog nije slučaj, onda ne znam da li da se kao građanin i zastupnik ove Skupštine zabrinem ili obrađujem radom, tj. neradom te komisije. Drugim riječima, pitam se:

1. Da li to što komisija ne zasjeda znači da u Kantonu Sarajevo nema nepravde, tj. da su ljudska prava i građanske slobode na zavidnom nivou?
2. ili to može značiti da je stanje ljudskih prava i građanskih sloboda u Kantonu Sarajevo pogoršano zbog nerada ove komisije.

Jer ako se ispostavi da Komisija za pravdu, ljudska prava i građanske slobode zaista nije održala niti jednu sjednicu u devet mjeseci, i ako se ispostavi da su građani nezadovoljni stanjem ljudskih prava i građanskih sloboda u Kantonu Sarajevo, ako, ne daj bože, neko nezavisno istraživanje neke nevladine organizacije pokaže da su ljudska prava i građanske slobode ugroženi, da su na najnižem nivou ikad, i to upravo u vrijeme vladavine te famozne i izvikane "Šestorke" koju Zapad toliko podržava, onda bi to neki zlonamjernici, neki mediji i portali mogli interpretirati, između ostalog, i neradom predsjednice i članova Komisije za pravdu, ljudska prava i građanske slobode.

A pošto sam ja, ponavljam, član te komisije, razumjet ćete moje strahovanje i moju potrebu ako se zbilja radi o devetomjesečnoj pauzi u radu komisije, da se zaštitim i ogradim, te da ujedno iskoristim priliku da kao građanin, kao zastupnik, kao član te komisije, ali i kao predsjednik u ostavci Komisije za obilježavanje, čuvanje i njegovanje historijskih događaja i ličnosti, izrazim ne samo nezadovoljstvo i negodovanje radom, tj. neradom Komisije za pravdu, ljudska prava i građanske slobode, već i svoju zabrinutost i strahovanje da bi se moglo raditi o mogućoj političkoj blokadi rada ove komisije.

Iskreno želim vjerovati da se radi samo o običnom zastoju u komunikaciji, a ne i u radu ove komisije, te stoga molim da mi se dostavi odgovor u pismenoj formi i da me se izvijesti o dosadašnjem radu, kao i da me se ubuduće poziva na sjednice ove komisije.

Najvažnije, isto tako molim da se ti pozivi, zajedno sa pozivima na sjednice svih ostalih komisija pozivima koji sadrže i dnevni red sjednica uredno i propisno postave na službenu stranicu Skupštine Kantona Sarajevo kako građani i građanke Kantona Sarajevo ubuduće ne bi bili manipulisani od strane medija, već pravovremeno izvješteni o radu i dnevnom redu sjednica komisija njihove Skupštine. Propust koji je do sada načinjen od strane administratora ove stranice meni je nanio veliku štetu po pitanju javne percepcije mog političkog lika i djela, otvorio je prostor za špekulacije i izmišljotine o mom radu kao dosadašnjeg predsjednika jedne komisije, te stoga ne želim da se isto ponovi mojim uvaženim kolegama i kolegicama. Hvala.

Dopredsjedavajući:

Zahvaljujem. Evo na osnovu sugestija zastupnica i zastupnika moram vas zamoliti nešto. Dakle tri minute imate Poslovnikom za inicijative i pitanja. Mi tolerišemo minut više, dakle četiri. Nemojte molim zbog svih ostalih ići preko tog vremena. Zahvaljujem.

Poslanik/zastupnik Elvis Vreto.

Hvala dopredsjedavajući. Koristim priliku da pozdravim sve prisutne i građane Kantona Sarajevo koji nas prate. Ja danas imam dva pitanja i nekoliko inicijativa i tražim odgovore u pisanoj formi. Prvo pitanje se odnosi na Ministarstvo komunalne privrede i infrastrukture i komunalno preduzeće VIK. Kada će izvršiti prijem i preuzeti upravljanje nad izgrađenom vodovodnom mrežom Nahorevo koju realizuje Općina Centar ?

Drugo pitanje se odnosi na Ministarstvo privrede. Koji je trenutni broj zahtjeva koji se razmatra vezano za koncesije, koji su konkretno zahtjevi u pitanju, i kada su podneseni Ministarstvu?

Što se tiče inicijativa prvu podnosim Ministarstvu komunalne privrede i infrastrukture za otvaranje centra za plaćanje komunalnih usluga na području općine Ilidža kao i da Ministarstvo planira sredstva za ovu namjenu u budžetu za 2020 godinu?

Druga inicijativa isto tako je vezana za Ministarstvo komunalne privrede i infrastrukture i JKP Tržnice Pijace da se izvrši rekonstrukcija pijace Telali te prilagodi ista ambijentu Baščaršije. Detaljnije obrazloženje za pitanja i inicijative dostavljam u pisanoj formi. Hvala dopredsjedavajući.

Poslanik/zastupnik Neira Dizdarević:

Hvala dopredsjedavajući. Ja također pozdravljam sve prisutne u sali kao i građane koji prate naš današnji rad. Prvu inicijativu upućujem Ministarstvu zdravstva, Ministarstvu za rad i socijalnu politiku i Ministarstvu obrazovanja Kantona Sarajevo da formiraju radnu grupu koja će biti sastavljena od profesionalaca sa ciljem prevencije i nadzora nad svim oblicima nasilja. Nasilje nad ženama, nasilje nad djecom, vršnjačko nasilje, i nasilje na poslu. U istoj bi trebali biti uključeni zdravstveni radnici, predstavnici centra za socijalni rad, predstavnici škola i sigurne kuće, policije i sudstva a sa ciljem bolje uvezanosti i sinkronizacije aktivnosti koje se sprovode i sada. Ali dosta ne uvezano kao i sama prevencija nasilja. Također predlažem da izvještaj o sprovedenim aktivnostima i efektima istih dostavljaju se Skupštini Kantona Sarajevo najmanje jednom godišnje. Podsjetiti ću nas sve da smo na jednoj od prethodnih sjednica razmatrali zdravstvenu studiju u kojoj je bio naveden podatak da se u toku vremenskog perioda od godinu dana nije zabilježio ni jedan slučaj nasilja nad djecom u zdravstvenim ustanovama. Na žalost situacija u stvarnosti je drugačija i to je pokazatelj da očito nešto ne funkcioniše. Dakle postoje tijela koja rade određene aktivnosti na sprječavanju i prevenciji nasilja ali dosta ne uvezano, shodno tome upućujem ovako, na ovaj način interesorno inicijativu za boljom koordinacijom navedenih aktivnosti.

Moja druga inicijativa upućena je Vladi Kantona Sarajevo i resornim Ministarstvo privrede, Ministarstvo komunalne privrede i Ministarstvo prostornog uređenja, građenja i zaštite okoliša da poduzmu sve potrebne aktivnosti na donošenju pravnog okvira kao i prostorno planske dokumentacije zabranila izgradnja mini hidrocentrala na Crnoj rijeci čija buduća akumulacija je predviđena za vodosnabdijevanje te u budućnosti ne bi bio ugrožen kvalitet vode za piće.

Također podnosim inicijativu da navedeno područje, ukoliko do sada nije, da se proglasi vodo-zaštitnom zonom najvišeg stepena. Toliko hvala.

Poslanik/zastupnik Damir Marjanović:

Zahvaljujem se. Kolega Handžić pozdravljam sve prisutne koji prate zasjedanje Skupštine. Doslovno kroz ovo par pitanja i inicijativa prenijet ću neke informacije koje sam dobio prvenstveno od Vijeća roditelja OŠ „Nafija Sarajlić” već duže vremena imaju problem sa prevozom učenika iz Nahoreva i okolnih mjesta prema OŠ Nafija Sarajlić pa bih zamolio da iz Ministarstva saobraćaja i Ministarstva obrazovanja potvrde ovu informaciju ili demantuju, te da mi pruže informaciju šta su uradili po tom pitanju. Shodno tome pokrećem i inicijativu da ako nije moguće da se riješi problem gradskog prevoza na ovoj lokaciji da se organizira vanredni prevoz za učenike, koji prema informacijama koje imam, pješače 4 do 5 km do

svojih škola kroz jedan poprilično nepristupačan region i mislim da je to jedna velika stvar koja mora da se realizira i riješi čim prije.

Druga inicijativa shodno zaključcima tematske sjednice o obrazovanju, a ona se odnosi i upućuje se prema Ministarstvu za obrazovanje nauku i mlade Kantona Sarajevo uvažena ministrica Bogunić je u većem dijelu svoga materijala prezentirala postojeći dokument koji se zove strategija razvoja obrazovanja u Kantonu Sarajevo. Moja inicijativa je da se taj materijal, bez obzira u kakvom je stanju i bez obzira da li je on u potpunosti prilagođen i da li završen da se što prije, koliko već na sljedećoj sjednici uputi u proceduru da se može što prije pristupiti javnoj raspravi i da damo mogućnost svima onima koji su zainteresirani da izvrše određene korekcije i sugestije tog materijala. Podsjećam zašto je to jako bitno, jako hitno, zato što smo dali rok od 4 mjeseca da se ova strategija usvoji i mislim da bi bilo neophodno već na sljedećoj sjednici taj materijal da imamo u vidu nacrtu ovdje.

Naredna pitanja se odnose prvenstveno na izmjene Zakona iz domena obrazovanja. Isto upućujem Ministarstvu obrazovanja, nauku i mladih Kantona Sarajevo. Mislim da je čak već za ovu godinu planirano bilo već ranije, a evo zaključcima tematske sjednice dali smo rok od nekih 6 mjeseci. Tražim informaciju i odgovor na pitanje u kojoj su fazi izmjene Zakona o visokom obrazovanju, Zakona o osnovnom obrazovanju, Zakona o srednjem obrazovanju usvajanje Zakona o dualnom obrazovanju i svih onih Zakona koji su neophodni da bi se reforma obrazovanja ubrzala. Tako da očekujem da mi se odgovori u što kraćem roku. Isto tako kao treću inicijativu sugeriram, iniciram da se već do kraja godine procedure zvanične, ako već nisu pokrenute o izmjenama ovih Zakona započnu jer podsjetit ću još jednom, rok za izmjene legislativa koje smo naveli u zadnjim zaključcima je šest mjeseci. Hvala velika.

Poslanik/zastupnik Hamed Aljović:

Zahvaljujem dopredsjedavajući. Selamim i pozdravljam sve prisutne. Moja inicijativa je upućena prema Ministarstvu za boračka pitanja Kantona Sarajevo. Pokrećem inicijativu da Ministarstvo za boračka pitanja Kantona Sarajevo u saradnji sa Općinom Trnovo izgradi spomen obilježje ratnom komandantu 1. Viteške motorizovane brigade Enveru Šehović u rodnom selu Bujakovina-Mrežica, Općina Foča.

Moje prvo pitanje je upućeno prema Ministarstvu unutrašnjih poslova i ministrima privrede Kantona Sarajevo.

Molim Ministarstvo privrede i Ministarstvo unutrašnjih poslova KS, da mi odgovori koje mjere će poduzeti da se obustavi organizovana krađa šume na području MZ Tarčin, Općina Hadžići i MZ Rakovica, Općina Ilidza. Napominjem da se ova krađa dešava iz saglasnost pojedinih radnika MUP-a i radnika na čuvanju šume tzv. šumara.

Moje drugo pitanje je upućeno prema ministrici za obrazovanje, nauku i mlade Kantona Sarajevo. Molim Ministarstvo za obrazovanje, nauku i mlade KS, da mi odgovori šta će poduzeti protiv Upravnog odboru JU "Djeca Sarajeva" koji je izabrao VD direktoricu koja ne ispunjava uslove za direktora. Zahvaljujem.

Poslanik/zastupnik Amel Mekić:

Hvala vam predsjedavajući. Pozdrav vama, gledaocima ispred TV ekrana, Vladi, zastupnicima, službama i gostima. Inicijativa prema menadžmentu i direktoru VIK-a. Preuzimanje vodovoda Nahorevo, tačnije Bijela stijena od strane VIK-a i regulisanje vodosnabdijevanja u naseljima Radava i Alapi, po mogućnosti sa izvorišta Bijela stijena. Obrazloženje: prirodni pad je najisplativija varijanta za distribuciju vode u navedenim naseljima ili da se ide na prvobitnu varijantu sa Uroševog vrela koju općina Centar nije još realizovala iako su vijećnici općine Centar slali inicijative, molbe i dopise građana. Također, potrebno je uraditi kanalizaciju za ista naselja Alapi, Radava i Nahorevo. Prelazim na pitanja. Provo pitanje da li je u toku školske 2019/20 planirano zapošljavanje diplomiranih socijalnih

radnika kao stručnih saradnika u školama? Drugo pitanje u kojoj fazi je sanacija bazena na FASTO i da li se u skorijoj budućnosti može očekivati završetak radova i stavljanje istog u funkciju. Pitanje tri, rješavanje pitanja stadiona Koševo tj riješiti pitanje stadiona FK Sarajevo na način da isti bude izgrađen u općini Centar, ako ne budu dobili Koševo na korištenje. Želim da napomenem da je ovo bilo vijećničko pitanje prema načelniku i općinskom vijeću. Također je kasnije sročeno u inicijativu koja je također upućena prema općini Centar i poslana na JU Centar za sport i rekreaciju koja vodi stadion Koševo a čiji je osnivač Općina Centar. I četvrto pitanje, za Ministarstvo obrazovanja, nauke i mladih možete li nam reći šta se dešava sa odlukom NNV Medicinskog fakulteta tačnije šta je sa zabranom koja je otišla prema svim profesorima na rad na fakultetima iz grupacije medicinskih fakulteta, te eventualnoj obustavi nastave na ovom fakultetu. Zabrinjavajuće informacije čitamo iz medija, tražimo da nam se usmeno odgovori šta se tačno dešava na Medicinskom fakultetu. Hvala.

Poslanik/zastupnik Jasmina Bišćević Tokić:

Zahvaljujem predsjedavajući. Evo ja imam danas jednu inicijativu i dva pitanja. Prvu inicijativu upućujem Vladi Kantona Sarajevo i Ministarstvu za rad i socijalnu politiku, raseljena lica i izbjeglice Kantona Sarajevo. Riječ je izmjeni člana 135. Zakona o socijalnoj zaštiti, zaštiti civilnih žrtava rata i zaštiti porodice sa djecom Kantona Sarajevo.

Obrazloženje: Naime, član 135. Zakona glasi: „Dodatak na djecu ne mogu ostvariti porodice u kojima je jedan od članova zajedničkog domaćinstva vlasnik preduzeća ili samostalne radnje ili ima registriranu dopunsku djelatnost, vlasnik je ili posjednik motornog vozila, osim ako su u pitanju osobe sa invaliditetom koje po propisima iz oblasti poreske i carinske politike mogu uvesti ili na domaćem tržištu kupiti motorno vozilo kao ortopedsko ili drugo pomagalo. Izuzetno, dodatak na djecu mogu ostvariti i porodice u kojima je jedan od članova zajedničkog domaćinstva vlasnik ili posjednik motornog vozila, ukoliko se radi o djetetu iz člana 136. stav 1. alineja 1., 2. ili 3.. “.

Predlažem da se kao uslov za ostvarivanje dodatka na djecu briše dio koji se odnosi na vlasništvo ili posjed motornog vozila u potpunosti, obzirom da danas mnoge porodice mogu biti u stanju potrebe, a da su vlasnici ili posjednici motornog vozila čija vrijednost je zanemariva.

Zatim imam pitanje za premijera i želim usmeni odgovor. Premijeru, možete li mi objasniti otkud vam informacija odnosno dezinformacija o platama medicinskih sestara ili tehničara? Na osnovu čega ste izjavili, citiram: „da imaju najnižu platu 1000 i nešto, a prosječnu platu 1500 KM u državnom sektoru“, kada na službenoj stranici Ureda za borbu protiv korupcije stoji da imaju 923 KM. Zašto ste povukli to sa stranice Vlade, zašto niste odmah demantovali jer je to klasična obmana za javnost i stvaranje loših odnosa između državnog i privatnog sektora.

I imam još jedno zastupničko pitanje. Upućujem zastupničko pitanje Ministarstvu zdravstva Kantona Sarajevo i Da lije palijativna njega iz Doma zdravlja Novi Grad (Kumrovec) premještena u Ambulantu Miljacka? Da li pacijenti sa najtežim oboljenjima poput karcinoma i njihove porodice više ne mogu da dobiju svu potrebnu njegu u Domu zdravlja Novi Grad (Kumrovec) nego moraju da traže Ambulantu Miljacka. Ovo se odnosi na sve stanovnike Kantona Sarajevo. Zahvaljujem.

Poslanik/zastupnik Sabahudin Delalić:

Zahvaljujem predsjedavajući. Sve srdačno selamim i pozdravljam. S obzirom da smo već probili neki 10 minuta rok, ja ću svoje inicijative i pitanja dostaviti u pisanoj formi. Mislim da ima previše.

Poslanik/zastupnik Vedran Jakupović:

Zahvaljujem predsjedavajući. Pozdrav svim prisutnim u sali i gledaocima pored malih ekrana. Pitanja za Vladu i Ministarstvo za obrazovanje nauku i mlade. Na tematskoj sjednici Skupštine Kantona Sarajevo ministrica Bogunić je potvrdila informaciju da je lično prijavila inspekciji direktora Osnovne škole Malta zbog načina zapošljavanja radnika u školi za povratnike u Novoj Kasabi. Da li je prije slanja inspekcije tražila informaciju o ovim zapošljavanjima od direktora škole, ako nije, zašto nije?

Na tematskoj sjednici SKS ministrica Bogunić je izjavila da je direktorima škola u KS dostavila zaključke sa stručnog savjetovanja za predmet bosanski jezik/srpski jezik/hrvatski jezik I književnost. Molim da mi se dostavi kada su direktorima škola u KS dostavljeni zaključci, a ako nisu, zašto nisu?

Molim da mi se dostavi dokumentacija o izvještajima o opservaciji stanja učenika s poteškoćama u razvoju iz Centra Vladimir Nazor zbog kojih je Ministrica zabranila isplatu radnicima Centra. Jesu li dostavljeni, kad su dostavljeni I ako nisu zašto nisu? Ako jesu, zašto su isplate obustavljene?

Zašto još uvijek nema konkursa za mobilne stručne timove? Škole čekaju, više od 400 učeničkih IPP- ova sa medicinskom dokumentacijom čeka a Centri su još uvijek blokirani.

Pitanja o načinu isplate nagrada profesorima za postignute rezultate na takmičenjima ću poslati u pisanoj formi.

Pitanje za Vladu KS, Zavod za planiranje KS, Općina Hadžići

Molim Vas da mi se dostavi informacija da li je urbanističkim planom na Velikom Polju na Igmanu planirana izgradnja strelišta za BIATLON. Ako nije, zašto nije obzirom da je riječ o nordijskoj olimpijskoj planini.

Imam tri inicijative. Prva za postavljanje usporivača saobraćaja, oznake škola i stacionarnog radara na dionici Južne longitudinale, ulica Zagrebačka kod Šumarskog fakulteta na isti način na koji je to urađeno u Ulici Terezija u općini Centar.

Druga, ponavljam inicijativu za rekonstrukciju i asfaltiranje Apelove ceste od ulice Dolovi do cilja Bob staze koja je jedina direktna putna komunikacija dijelova Općine Stari GRAD I Kantona Sarajevo sa Trebevićem. Projekcija iznosa je oko 350 000 KM.

I treća inicijativa za uključivanje Ministarstva obrazovanja nauke i mladih i Ministarstva kulture i sporta KS u organizaciju Manifestacije odbrana BIH Igman od naredne godine kao podrška Ministarstvu za boračka pitanja i prilika za dodatnim obrazovanjem učenika iz Kantona Sarajevo o odbrani BIH u kontaktu sa direktnim učesnicima odbrane . Hvala.

Poslanik/zastupnik Igor Stojanović:

Hvala. Pozdravljam sve prisutne. Imam jedno pitanje i jednu inicijativu. Moje pitanje je upućeno Ministarstvu obrazovanja i odnosi se konkretno na gospodina Asima Torlaka zbog kojeg je 2017 godine pokrenuta inicijativa za smjenu u OŠ Hasan Kikić zbog nepotizma. Dakle, nalaz je utvrdio a su prekršene procedure i da je direktor imenovao svoju ženu za nastavnicu u ovoj školi. Nakon što je pokrenuta procedura direktor je dao ostavku a zaposlen je naknadno u OŠ Safvet Beg Bašagić kao nastavnik geografije. Pa postavljam pitanje kako je moguće da neko ko ima nalaz i dokaze za nepotizam da uči danas djecu u nekoj OŠ i šta možemo očekivati sutra od te djece?

Moja inicijativa, upućujem inicijativu prema Vladi. Dakle podnosim inicijativu da se obezbijede sredstva i da pokrenemo proceduru izrade strategije za razvoj sporta u Kantonu Sarajevo zajedno sa kriterijima po kojima bi se dodjeljivala sredstva. Hvala.

Dopredsjedavajući Vior Handžić ima riječ.

Zahvaljujem predsjedavajući. Dobar dan svima. Imam nekoliko inicijativa. Jedna je skoro pa potpuno identična kao inicijativa zastupnika Vreće a vezana je za rekonstrukciju pijace Telali tako da je neću ponovo čitati.

Naredna inicijativa, podnosim inicijativu za planiranje i izgradnju bus stajališta za turistički autobuse i turiste tzv drop off, pick up spots koj u bi pratile unapređenje infrastrukture. Ova inicijativa je nastavak inicijative koju sam podnosio prije nekoliko mjeseci a tiče se pronalaska lokacije za parking turističkih autobusa i obično se parkiraju na nelegalnim parking prostorima oko Vijećnice uglavnom. Preko 90% turističkih grupa koje posjećuju naš grad svoj obilazak starog jezgra kreću od Vijećnice gdje se turistički autobusi zaustavljaju na malom proširenju za autobuse na izlazu iz grada. Taj prostor je potpuno infrastrukturno dekapacitiran za ovu aktivnost jer pored ogromnih gužvi koje izaziva svako zaustavljanje autobusa taj prostor je apsolutno i bez javnog toaleta, mjenjačnice, turističkog info punkta, mape ili bilo kakve informacije bez i jedne infrastrukturne stvari koje su vezane za prostor autobuskog stajališta za turističke buseve. Posljednjih godina sa porastom turističkih posjeta u Kantonu Sarajevo stvaraju se ogromne gužve na istočnom ulazu u grad kod gradske Vijećnice gdje se turistički autobusi zaustavljaju i izbacuju turističke grupe i opet ih kupe na istom mjestu kada se završi razgledanje grada. Turisti trenutno ulaze i izlaze iz autobusa na neuslovnim, improviziranim stajalištima, često dolazi do totalne blokade saobraćaja budući da se radi o veoma prometnoj i bitnoj saobraćajnici. Ovo je prije svega opasno i za turiste i za građane i stvara se veoma ružna slika o gradu prilikom prvog susreta sa destinacijom. Potrebno je što prije prilagoditi i proširiti i unaprijediti stajališta za turističke autobuse u starom dijelu grada, a po uzoru na mnoge turističke destinacije koje su ovaj problem već riješile: Mostar, Dubrovnik, Split npr. primjera radi grad Dubrovnik iskrcaj, odnosno ukrcaj turista u buseve na ulazu u Stari grad naplaćuju 800 kuna ili 110 eura po jednom autobusu bez da je to uopšte uticalo na pad posjeta. Ne treba napominjati da bi ova aktivnost osim većeg zadovoljstva turista mogla obezbijediti i dodatni izvor prihoda po ovom osnovu. To je neki drugi dio inicijative.

Naredna inicijativa. Molim Ministarstvo zdravstva i ZZO Kantona Sarajevo da pristupe izradi on-line vodiča za pacijente i korisnike koji će obuhvatiti sve potrebne informacije o tome šta su prava i obaveze korisnika, kao i administrativni vodič za nove potencijalne korisnike. Vodič bi obuhvatio sve administrativne procedure koje neko treba proći ako želi da postane korisnik Fonda, od toga ko ji su im obrasci potrebni, gdje trebaju otići, koliko novca platiti kao i koja prava ostvaruju. A sve bi bilo podijeljeno na više sekcija: zaposleni, nezaposleni, redovni, vanredni studenti I ciklusa, II ciklusa, III ciklusa studija, izabrani zvaničnik, free lenseri i druga lica koja sama sebi žele uplaćivati zdravstveno osiguranje. U vodiču bi pisale adrese na koje trebaju otići i kontakt telefoni za dodatna pitanja kao i sve o različitim paketima koje Zavod nudi za potencijalne korisnike. Osnovno i dopunsko osiguranje.

I moja treća inicijativa je, inicijativa i svojevrsni apel na osnovu komunikacije i razgovora sa turističkim radnicima i vodičima u Kantonu Sarajevo. Ona ide prema MUP Kantona Sarajevo i Upravi policije, mada ja znam da oni već nešto rade na ovim aktivnostima. Dakle inicijativa da se podhitno, koristeći sva raspoloživa sredstva, primjenjujući i mijenjajući zakonska i druga rješenja, konačno stane u kraj pa nekom vidu organizovanog kriminala koji trenutno imamo u praksi, a tiče se džeparenja. Džeparenje privatnih stvari od građana, ali i turista koji posjećuju grad Sarajevo od strane organiziranih grupa se odvija danas skoro pa nesmetano, i oni svakodnevno operišu, posebno na područjima stare gradske jezgre. To postaje neshvatljivo. Masovna je pojava i bukvalno se otima kontroli. Svakodnevno se dešavaju krađe u našim ugostiteljskim objektima i zanatskim radnjama. Posebno zabrinjava činjenica da se osobe koje svakodnevno krađu i otimaju po Sarajevu jedne te iste osobe.

Predsjedavajući:

Četiri minute dopredsjedavajući. Rekli ste maloprije vi da ne može duže od 4 minute. Hoćemo li mu halaliti?

Dopredsjedavajući Vior Handžić:

Zahvaljujem. A važna je tema. Dakle radi se o jednim te istim osobama, koje iz dana u dan, na istim lokacijama nesmetano i bez straha od bilo kakve sankcije čekaju svoje nove žrtve. Nakon privođenja u stanicu, budu isti dan pušteni, bukvalno hodaju s grupama. Dakle znaju ih turistički radnici u glavu ko se bavi ovim aktivnostima. Prvi korak je da Ministarstvo organizuje neki sastanak, evo ja se nudim, sa turističkim radnicima da se bolje upozna o ovom problemu. Zahvaljujem.

Poslanik/zastupnik Elvedin Okerić:

Zahvaljujem predsjedavajući. Imam jedno pitanje i nekoliko inicijativa pa u skladu s vremenom ću pročitati koliko budem stigao.

Prvo pitanje se odnosi na Ministarstvo obrazovanja. Kada će biti isplaćena sredstva za subvenciju za vrtiće obzirom da roditelji već treći mjesec uplaćuju u vrtićima puni iznos, a da vrtići ne isplaćuju iznos subvencije s obrazloženjem da im Ministarstvo nije uplatilo sredstva. Volio bih da dobijemo usmeni odgovor.

Inicijativa prema Ministarstvu obrazovanja. U saradnji sa Vijećem roditelja Srednje škole Peta gimnazija podnosim inicijativu o nabavci skijaške opreme za učenike ove škole. Obrazloženje: Peta gimnazija je jedina srednja škola u Bosni i Hercegovini koja zajedno sa ostalim smjerovima ima i sportski smjer. Takav smjer učenicima omogućava, da uz redovne školske aktivnosti mogu neometano ispunjavati sve svoje sportske obaveze. U sklopu sportskih aktivnosti po nastavnom planu i programu, učenici se podučavaju osnovnim skijaškim tehnikama. Za te nastavne aktivnosti, obavezna je skijaška oprema koju ova Srednja škola ne posjeduje, te učenici i roditelji učenika samostalno nabavljaju opremu - kupovinom, pozajmicom ili iznajmljivanjem. Često se oprema ne kompletira ili se to ne uradi blagovremeno, što roditeljima učenika, pored velikog finansijskog opterećenja predstavlja i organizacioni problem, a školi i učenicima onemogućava adekvatno izvođenje sportske nastave. Molimo da uzmete u obzir da je skijaška oprema za učenike obavezna i da škola ne posjeduje opremu a roditelji pored redovnih finansijskih izdataka za školovanje djece, najčešće nisu u mogućnosti obezbijediti novac.

Sljedeća zastupnička inicijativa odnosi se na Ministarstvo saobraćaja. Pokrećem inicijativu da se na dijelu ulice Azize Šaćirbegović na dionici saobraćajnice od zgrade „Bosmala“ do „Robota“ Hrasno postavi horizontalna i vertikalna signalizacija, video nadzorni sistem za mjerenje brzine kretanja vozila kao i „ležećih policajaca“. Obrazloženje: Građani naselja Hrasno već duži niz godina se suočavaju sa problemom brze vožnje nesavjesnih vozača u ulici Azize Šaćirbegović, na dionici saobraćajnice od zgrade „Bosmala“ do „Robot Hrasno. Zbog već kontinuirane prakse brze vožnje na pomenutoj dionici, građani Hrasnog su iskazivali svoje nezadovoljstvo takvim stanjem i pisali peticije nadležnim institucijama, međutim nikada nije riješena ova problematika. Poznato je da je ova ulica prometna i da se u neposrednoj blizini nalaze škole i dr. Potrebno je u Budžetu Kantona Sarajevo iznaći sredstva za postavljanje vertikalne i horizontalne signalizacije, ležećih policajaca“ ili video nadzornog sistema za mjerenje brzine kretanja vozila, a sve u cilju stvaranja sigurnijeg ambijenta kretanja pješaka na ovom dijelu naselja Hrasno. I samo ću ovdje naglasiti da imamo još jednu inicijativu koja se odnosi na Ministarstvo zdravstva. Inicijativa za organizovanje rada Područne

ambulante u naselju Binježevo u skladu sa potrebama stanovništva. Obzirom da je ovo jako duga inicijativa neću je čitati već ću je dostaviti pismenim putem. Hvala.

Predsjedavajući:

Hvala kolega Okeriću. Time smo iscrpili pitanja i inicijative zastupnika. Sada imamo odgovore usmene. Evo premijer ide prvi pa ćemo dalje, ministar Mandić se javio.

Premijer Edin Forto:

Dobar dan svima. Imao sam tri pitanja gdje je zatražen usmeni odgovor. Zastupnik Čampara izvršenje budžeta. Ne znam napamet izvršenje budžeta kapitalnih investicija, vrlo brzo ćemo imati izvršenje zvanično. Budžetske teme su sada vrlo aktuelne jer mislim da ćemo već sutra na Vladi usvojiti nacrt budžeta za sljedeću godinu. Imat ćemo stvarno veći broj prilika da prodiskutujemo upravo ovo što ste rekli, izvršenje i sve ostalo. Od toga ne bježimo i radujemo se tim raspravama. Ako promijenite sada ovo iz usmenog u pismeno mogu vam dostaviti pismeno iz Ministarstva finansija ću zatražiti.

Zastupnik Marić je tražio informacije vezano za. A to će ministrica Sofić. Mogu i ja, ali ministrica Sofić.

Prva transversala zastupniče Marić. Ja ne posjedujem dokumentaciju vezano za objekte koji se nalaze na Prvoj transversali, posebno za ove koje ste vi pomenuli. Ja sam nakon vašeg pitanja već tražio od Kantonalne uprave za inspekcijske poslove da izvrše inspekcijski nadzor i da utvrde činjenično stanje vezano za pitanja koja ste postavili. Kada nam se dostavi činjenično stanje, nema problema da prodiskutujemo oko toga šta je najbolji načinu smislu pregovaranja, otkupa svih parcela na Prvoj transversali, uključujući i ove koje ste pomenuli.

Zastupnica Bišćević-Tokić. Plate medicinskih sestara. U Registru stoji 982 KM, međutim postoji nešto što nam je dostavilo Ministarstvo finansija, a to je koeficijent sestre je 2,6 puta tačnije satnica 2,6 puta koeficijent 2,4 puta prosječan broj sati 163 izade 1017 KM. Na to kada dodamo TO, prosječno regres itd, primanja govorili smo o primanjima, izadu na ono što je pisalo. Ono što ste vi pitali da će to proizvesti neki nesporazum između javnog i privatnog sektora bolje je da o tome da o tome sada ne elaboriramo. Bolje za vas i bolje je za svij, zato što argumentacija da su potplaćene ove struke u javnom sektoru u odnosu kada poredimo sa privatnim sektorom to su vjerujte nebo i zemlja. Ja sam napravio istraživanje. Znam tačno kolike su plate u privatnim ambulantama a ove plate u javno sektoru su vrlo dobro poznate i vi ih vrlo dobro znate. Vi ste rekli da sam ja to izjavio. Ja to nisam izjavio ali je bilo objavljeno na službenoj stranici, Facebook stranici. To je povučeno upravo zbog ovog pitanja koje ste vi postavili, jer su mnogo postavili to pitanje. Nije to naša plata itd. Povukli smo, ali stoji po izračunu Ministarstva finansija 1017 KM osnovna plata za SSS medicinske sestre u Registru piše 982. i jedna i druga je značajno viša od sestara koje rade u privatnim ambulantama. Značajno viša.

Predsjedavajući.

Hvala premijeru. Ministar Mandić.

Bit će još, možda neko od ministara odgovori. Evo sačekajte da Vlada završi, pa onda vi ako neko nije odgovorio.

Ministar Srđan Mandić.

Zahvaljujem. Pozdravljam se kolegice i kolege. Prije svega se želim zahvaliti kolegici Segmedini Srni Bajramović. Mislim da je to put kako trebamo svi raditi. Ovo slanje inicijativa pa dok to prođe raznorazne protokole nekada izgubimo vrijeme. Što se mene tiče kada je potreba da se izade na tereni da se priča s ljudima stojim na raspolaganju svima. Ono što možemo završiti na teren i što možemo završiti brzo hajmo raditi. A dopisivanja može ostati za ove neke protokolarnе stvari. Što se tiče pitanja koje sam dobio, prije svega bih odgovorio kolegici Vildani Bešliji. Dakle podsjetit ću vas da smo tokom na zahtjev i u saradnji sa Rektoratom tokom ljeta uradili čišćenje onoga što smo mi nazvali džungla ili prašuma, a to je 8000 kvadratnih metara prostora zaraslog u šibljе. Prostora u okviru kampusa, odnosno bivše kasarne Maršal Tito. Radnici Parka su to u rekordnom roku, nekih 10 dana završili i tu se otvorio jedan ogroman prostor koji je sam po sebi nametnuo ideju da se u nedostatku parkova

u gradu krene u uređenje jednog takvog prostora. S tim u vezi, u okviru našeg Ministarstva se rodila ideja da pošto se taj park nalazi u krugu Kampusa, da se studentima ponudi da oni daju rješenje kako bi taj park izgledao. Odnosno hajde da praktično kažem da sami sebi urade park. S tim u vezi smo s Rektorom nekoliko puta razmatrali ovu ideju i ona će se realizovati na način da će Ministarstvo u saradnji sa Rektoratom raspisati jedan javni poziv na koji će se priključiti grupe interdisciplinarne grupe s različitih fakulteta Arhitekture, Građevine, Šumarstva, Hortikulture. Oni će kandidovati svoje projekte, tri najbolja će biti novčano nagrađena a onaj koji bude, koji stručna komisija ocijeni kao najbolji će biti i implementirani. Ova inicijativa da se tom parku da ime po heroju Goranu Čengiću je samo hajd tako da kažem, kruna na ovo što bi smo mi uradili. Ja sam kontaktirao majku Gorana Čengića, ona je saglasna. Dala je dozvolu. Tako da bi smo eto, mislim na ovaj način, jednu divnu priču, prvo jedan divan prostor dali građanima studentima i građanima na korištenja, i jednom od heroja ovog grada se konačno odužili. Znam da je kolegica Bešlija godinama to pokušavala na području opštine Novo Sarajevo, nije uspjela. Tako da koristim priliku da zamolim, obzirom da je procedura sa skupštinska komisija za dodjelu ovih imena da saglasnost da to učine, mi ćemo u međuvremenu završiti ove proceduralne stvari i ja mislim da ćemo na proljeće moći svi zajedno otići tamo i zajednički se družiti u jednom novom obnovljenom prostoru parka kojeg ćemo evo nadam se nazvati Studenski park Gorana Čengića.

Što se tiče ostalih pitanja. Kolegica Bibija Kerla. Koliko ima motornih vozila. Ja bih vas zamolio da to pitanje prosljedimo, u vlasništvu Kantona, Ministarstvo za komunalnu privredu nema te informacije. To bi trebalo prosljediti Stručnoj službi Vlade Kantona Sarajevo. Što se tiče čišćenja šahtova to nije u nadležnosti RADA nego VIK- i ja ću iskoristiti priliku pošto su direktori VIK-a danas tu, imat će izvještaj da im prosljedimo ovo pitanje u ime vas, pa kada direktor odgovarao i podnosio izvještaj da evo on odgovori. Mislim da se te aktivnosti redovno sprovode ali evo on će dati više detalja. Kao i odgovor na pitanje, dva su pitanja bila oko VIK u Nahorevu. Ja mislim da su te aktivnosti završene, da je VIK već preuzeo ili je u fazi preuzimanja tog vodovoda ali evo, direktor će to reći. Što se tiče prihoda u KJKP i minusa u nekim preduzećima, mi ćemo dostaviti pismeno informaciju. Ali evo, ja ću iskoristiti priliku pogotovo jer ste vi pomenuli preduzeće Park to je na žalost jedna nova crna priča o kojoj ćemo ovih dana izvijestiti javnost. Dakle preduzeće od 300 zaposlenih je u prošlih 10 godina, nemarom struktura koje su upravljale tim preduzećem, došle u situaciju da evo ovog momenta može da bude blokirano. Naime, od duga po osnovu ne plaćanja poreza i doprinosa koji iznosi 3 miliona, uz zaračunate zatezne kamate, taj dug trenutno iznosi 9 miliona. Plus imate tužbe radnika u iznosu 1,3 miliona. One s kamatama izlaze na 2 miliona. Dakle jedno preduzeće relativno malo trenutno ima dubiozu od 11 miliona maraka. O tome ćemo detaljno jednu informaciju podnijeti i Skupštini i javnosti. Ministarstvo je spremno ući u sanaciju ovog preduzeća ali potpuno pod drugim uslovima. Dakle svi oni koji su na bilo koji način doveli do ovoga i dozvolili da se tako nešto desi a koji još uvijek rade u ovom preduzeću, ne mogu biti dalji partneri u izgradnji preduzeća Park. Dostavit ćemo pismeni izvještaj i za Park i za ostale. Ali evo, imao sam potrebu kada ste već pitali da vas informišem oko preduzeća Park. Centar za pružanje komunalnih usluga. To ćemo razmotriti i prosljediti. Još je bilo oko Tržnica Telali, pijaca Telali, to ćemo prosljediti preduzeću Tržnice. Mislim da to ne bi trebalo biti problem. Mislim da sam odgovorio. Ako ima još nešto da mi je promaklo. Evo. Izvinjavam se, da pardon. Pitanje je bilo da li KP RAD raspolaže sa vozilima za odvoženje malih i velikih džipova. Da. Odnedavno imamo dva takva vozila. Uz dva vozila koja mogu voziti i mala vozila. Sada smo trenutno ekipirani. 04.11. možda nisam trebao reći datum. Ovih dana kreće jedna opsežna akcija u saradnji s MUP-om tako da svi ovi vlasnici velikih džipova sada moraju da se zabrinu, jer sklanjati ćemo ih i sada možemo i njima dohakati što se kaže. Eto. Hvala.

Predsjedavajući.

Hvala ministre. Kolegica Šahman, možda će neko iz Vlade odgovoriti pa na kraju. Jel bilo vaše pitanje Mandiću? Jeste. Hajde ostali ste nešto dužni. Etažni? To je za Filipovića. Evo upravo ima riječ. Kolega Filipović izvolite. Prijavite se.

Ministar Damir Filipović:

Sve vas srdačno pozdravljam. Imao sam koliko sam shvatio dva zahtjeva za usmeni odgovor, odnosno na dva pitanja. Prvo je došlo od zastupnika Pleho. Odnosi se na analize uglja koji se koriste u Kantonu Sarajevo. 2013 izvršena je analiza uglja koji se koristi u Kantonu Sarajevo. Konstatovano da sadržaj sumpora se kreće od 0,47% do 3,37%. u zavisnosti od lokacije sa koje dolaze. Ali najviše se na području Kantona Sarajevo koristi ugalj sa područja rudnika mrkog uglja Banovići, koji ima sadržaj sumpora između 2,4% i 2,46 %. znači izvan kontrole koristi se ugalj sa drugim lokacija kao što su Breza, Kakanj, Zenica. A nadležnost nad kontrolom treba da vrši ekološka i tržišna inspekcija jer nije u sistemu, to je nešto što ide mimo sistema. Sa druge strane imao sam pitanje uvažene zastupnice Bilsene Šahman po pitanju prinudnih predstavnika etažnih vlasnika i da li će biti javni poziv. U prethodnom periodu našli smo na propuste u radu prinudnih predstavnika etažnih vlasnika koje mogu imati pa i elemente pojedinih krivičnih djela, a sve to su koristili i upravnici. Odlučili smo promijeniti situaciju u odnosu na prethodno stanje te izmijenili pravilnik na način da na budući javni poziv se neće moći prijaviti oni koji su bili prekršajno kažnjeni. Te u skorije vrijeme možemo očekivati javni poziv i da imamo ljude koji će u konačnici čuvati novac građana i savjesno ga trošiti.

Ministar Admir Katica:

Hvala lijepa predsjedavajući. Lijep pozdrav uvaženim zastupnicima, kolegama, ministrima, predstavnicima medija, građanima Kantona Sarajevo. Po pitanju migranata, na području Šeste PU, odnosno općine Hadžići ja vas mogu informisati da postoji jedan stalni operativni plan MUP-a odnosno Uprave policije koji se svakodnevno provodi na području općine Hadžići. On ima prvenstveno u sebi preventivni karakter. Ja mogu reći da se u velikoj mjeri u odnosu na neki prethodni period u periodu od 01.01. do 01.10. 2019 smanjio broj krivičnih djela koji su počinjeni koji su u vezi sa migrantskom populacijom. Imamo evidentiranih 10 krivičnih djela. Od toga 7 krivičnih djela je takve prirode da su u njemu učestvovala samo lica koja pripadaju migrantskoj populaciji. Jedno krivično djelo počinjeno od strane bh državljanina na štetu migranta, i dva krivična djela u kojima je oštećeni bh državljanin a počinitelj osoba iz migrantske populacije. Kao što sam vam rekao, sve ove aktivnosti su prvenstveno preventivne prirode. Imamo policijske službenike na području PU Hadžići koji djeluju na ovom pitanju. Također jedan tim stalno raspoređen iz Jedinice za podršku MUP-a Kantona Sarajevo koji djeluje na području VI PU. Preventivne aktivnosti se ispoljavaju na tome da se preduzima preventivno represivna aktivnost kolokvijalno nazvana racija. U dva navrata. Posljednja takva je izvršena 03.10.o.g. Rezultovala je time da nisu pronađeni bilo kakva sredstva koja se mogu dovesti u vezu sa izvršenjem krivičnih djela i dobro je da postoji ova mjera jer je ona preventivnog karaktera i ona prevenira i vidimo po rezultatima da je to zaista tako. U ovom periodu zatekli smo 22 neregistrovana migranta. Oni su predati službi za poslove sa strancima. I mi ćemo nastaviti što se tiče nas sa ovakvim preduzimanjem aktivnosti planskim, svakodnevno od strane službenika PU Hadžići kojih je dovoljno i koji rade odličan posao i od strane policajaca Jedinice za podršku koji doprinose ostvarenju ovakvog rezultata. 624 migranta je registrovano, kontrolisano od strane pripadnika MUP-a Kantona Sarajevo a procjena je da je njih oko 700 bilo na području Kantona Sarajevo u ovom periodu. Dakle ja mogu u pisanom odgovoru na pitanje uvažene zastupnice Admele Hodžić zaista detaljno opisati koja su to krivična djela koja su počinjena i kakvo je stanje sigurnosti po ovom

pitanju. A kao što rekoh mi ćemo nastaviti sa ovim preduzimanjem operativnih aktivnosti a po pitanju video nadzora njega ćemo uklopiti u opšti plan instaliranja video nadzora na području Kantona Sarajevo a ko ji se planira od strane MUP-a tokom naredne godine. Ja još jednom na kraju želim podcrtati da je ovo problem, problem migracija jeste globalni problem, na nivou države BIH je problem države BIH, država BIH ima svoje nadležnosti u ovoj oblasti koje prema procjenama mnogih, a i stručnjaka a i svih onih koji se na ovaj ili onaj način bave ovom problematikom nisu adekvatno odgovorili ovom zadatku i mi imamo evo sada dolaze hladniji dani. Imamo već tu karakteristiku boravka migranata na području Bih koja je otežati postupanje policije. I mi moramo uzeti tu činjenicu u obzir prilikom planiranja daljnjih aktivnosti. Mi ćemo ih zaista uzeti. Ja mogu apelovati i na državu BIH, Ministarstvo sigurnosti ali evo i na Federaciju BIH da uzme malo aktivniju koordinativnu ulogu u odnosu na MUP kojima je ovaj problem posebno u USK ali evo i u Kantonu Sarajevo i TK isporučen i postao je sigurnosni problem, ne našom voljom. Eto hvala vam.

Ministrica Amela Sofić:

Dobar dan. Dakle ja sam imala zahtjev za dva usmena odgovora. Mislim da je bilo prvo od zastupnika Čampare. Tačno je, dva mjeseca perzistira štrajk radnika u zdravstvu. Sindikat radnika u zdravstvu podrazumijeva sve one radnike koji su zdravstveni, a nisu liječnici stomatolozi. I one radnike koji nisu zdravstveni radnici a rade u zdravstvenom sektoru. Pregovori traju već duže vrijeme i socijalni dijalog nikada se nije ni prekidaao. Mi sutra imamo nastavak pregovora. Nudili smo kolektivni ugovor i očekujemo da će sindikalni predstavnici na pregovorima prihvatiti nuđeni kolektivni ugovor kako bi iznašao rješenje, jer će kolektivni ugovor dati sigurnost i pravnu zaštitu svim radnicima na ko je se odnosi. Kada je u pitanju pitanje zahtjev Vildane Bešlije, zastupnice, o sistematizaciji. Sve ustanove imaju svoje pravilnike o radu i i u sistematizaciji. One su usklađene sa tim pravilnicima sa kolektivnim ugovorom iz 2017. prema Zakonu od 2016. tako da je to usklađeno 2018. e sada, nakon potpisivanja novih kolektivnih ugovora, i ovo drugo pitanje je vezano sa ovim prvim, može se očekivati novo usklađivanje pravilnika o radu i sistematizaciji zdravstvenih ustanova sa novim kolektivnim ugovorima. Hvala.

Ministar Haris Bašić:

Zastupnice i zastupnici, drage kolegice i kolege sve vas lijepo pozdravljam. Prema mojoj evidenciji imao sam direktno pitanje od zastupnika Vrete. Kolio u ovom trenutku imamo zahtjeva za koncesije i otprilike koje su oni prirode. Dakle u ovom trenutku Ministarstvo privrede vodi 13 postupaka za dodjelu koncesije. Od čega je 6 u oblasti korištenja voda, 2 u oblasti korištenja mineralne sirovine i pet u oblasti energetike. Ovih 13 postupaka su u različitim fazama egzekucije. Neke evo privodimo kraju i Kanton Sarajevo će uskoro da sazna za te uspjehe koje imamo. I pokrenutim procesima i ugovorima koji se potpisuju i koji će Kantonu Sarajevo i državi BIH, pa i naravno kroz lokalnu zajednicu doprinositi budžetima uveliko. To bi bilo otprilike to. I evo koristim ovu priliku da zahvalim zastupnici Vildani Bešliji na inicijativi o kojoj smo mi ranije razgovarali što jednu populaciju koja se često zaboravlja kada govorimo o poticajima na neki način animirala, i animirala mene kao ministra da im posvetimo posebnu pažnju i to ćemo sigurno uraditi. Dakle obezbijedit ćemo naredne godine poticaj za ovu populaciju srednjoročnu koja ne svojom krivicom ostala bez angažmana. Naš cilj nije socijalni angažman jer imamo za to kolegu Malika ispred mene, nego razvoj poduzetništva i buđenje ponovne nade. S tim a ćemo vjerovatno dodati i osobe u mirovini, na sličan način, što se nikad ranije nije desilo. Kolega Aljović je postavio pitanje, nisam siguran jel bilo usmeno ili pismeno ali sigurno mogu kazati da ćemo kolega Katica i ja posvetiti dužnu pažnju navedenim informacijama. I ako se postavi, provest ćemo istragu i što se tiče Uprave za šumarstvo sigurno ću insistirati na svakom detalju angažmana šumara. Ako

se ustanovi da je tako, ja na žalost nemam sumnje da jeste, bit će kažnjeni adekvatno disciplinskim postupcima, boga mi i nešto ću tražiti dalje od toga. A kolega Katica će naći načina da policajce adresira pretpostavljam.

Predsjedavajući:

Zahvaljujem. Zastupnica Kerla je ostala prijavljena. Uskraćena je vjerovatno za neki odgovor. Izvolite.

Poslanik/zastupnik Bibija Kerla:

Nije mi odgovori na pitanje koliko je razvojnih projekata planirano u 2019 godini, a koliko je njih istinski realizovano do današnjeg dana?

Predsjedavajući:

Premijeru jeste li čuli pitanje koliko je razvojnih projekata planirano a koliko realizovano u 2019 na današnji dan? Maloprije je premijer odgovorio čini mi se na slično pitanje kod Čampare.

Premijer Edin Forto:

To je potpuno isto pitanje kao za kapitalni dio budžeta. Ja ne mogu napamet znati realizacije ali vrlo brzo će ove teme doći na dnevni red kod Nacrta budžeta i možemo odmah o tome sve raspraviti i o jednom i o drugom pitanju. Hvala.

Predsjedavajući:

E, dobro. Sada imamo baš puno inicijativa o kojima bi smo se trebali izjašnjavati jel tako. Niko se nije javio, mislio sam da je sve OK. Nezadovoljstva odgovorom. Kolega Čampara izvolite.

Poslanik/zastupnik Aljoša Čampara:

Zahvaljujem. Predsjedavajući. Pa ja sam stvarno nezadovoljan odgovorom upravo iz razloga zato što nisam ni dobio nikakav odgovor od premijera, i onako je, pa u najmanju ruku da vi kažete da već radite na Nacrtu a da ne znate izvršenje budžeta. Ovo je po meni još neviđeno, al eto hvala bogu pa možemo svašta vidjeti i u Skupštini, da ne znate vi kao premijer koji vodi Vladu koliko izvršenje kapitalnih izdataka za 2019 godinu. Stvarno je ovo fascinirajuće. Hvala.

Predsjedavajući:

Još neko se javlja? Niko. Idemo dalje. Dakle izjašnjavamo se o inicijativama. Molim sekretarku i službu da mi pomognu. Ima nekih, uočili smo ovu radne grupe za koju su potrebna sredstva, tako da ona mora ići na Vladu na izjašnjenje pa onda da se vrati nama na izjašnjenje. Uključite kolegu Čelika.

Poslanik/zastupnik Mirza Čelik.

Zahvaljujem predsjedavajući. Pa ja sam se mislio svakako javiti prije nego što pročitate prijedlog zaključka. Činjenica da smo naveli kao radna grupa ili možete nazvati kao grupa zastupnika jer neki zastupnici nisu mogli doći u salu 100 ali su iskazali svoje zadovoljstvo prijedlogom ovog zaključka. Evo ja se zahvaljujem svim onim koji su učestvovali. Razlog zašto je ova grupa zastupnika kazala da se zadužuje Vlada Sarajeva da osigura potrebna sredstva za nastavak psiho-socijalne podrške za iste, nije iz razloga što su potrebna dodatna sredstva. U razgovoru sa ministrom Garibijom, jer je ovdje potreban multisektorski pristup dva Ministarstva, Ministarstvo za rad socijalnu politiku raseljena lica i izbjeglice kao i

Ministarstvo obrazovanja, nauke i mladih. Iz razloga zato što postoje zakonska rješenja za ovu populaciju Ministarstvu za rad te u vezi s tim potrebno izvršiti preraspodjelu sredstava ukoliko bude potrebno, ne trebaju dodatna sredstva za realizaciju ovoga zaključka. S tim u vezi evo ako me možete pratiti svi, za nastavak profesionalnog osposobljavanja ove kategorije osoba radne grupe poput radionice muzičke ne trebaju dodatna sredstva ako pohađaju petorica ili pet korisnika i za dodatnih dva ili tri. Ne znamo sada koliko će biti kada se upišu. Ali ta dodatna sredstva se posredstvom Ministarstva za rad socijalnu politiku i raseljena lica i izbjeglice jer postoje zakonska rješenja za to. Evo ukoliko možete da date riječ ministru Garibiji da objasni da zaista postoje zakonska rješenja za ovo i zato sam kazao da je potreban multisektorski pristup a ne da se samo zadužuje Ministarstvo za obrazovanje, nauku i mlade da iznađe sredstva. Evo ja bih vas lijepo zaista molio da date svakako ovaj zaključak na izjašnjenje a ukoliko bude potrebno da se iznađu sredstva da se kroz ova dva Ministarstva i kroz zakonska rješenja iznađu sredstva.

Predsjedavajući:

Kolega Čelik mi se moramo striktno držati Poslovnik. Vi u zaključku kažete „Zadužuje se Vlada Kantona Sarajevo da osigura potrebna sredstva za nastavak psiho-socijalne podrške”. Ona se mogu osigurati samo ako se odnekud uzmu. Dakle nema novih sredstava u budžetu i ako ih ima nismo ih rebalansom unijeli. Tako da od nekog moraju uzeti. Zbog toga se u ovim slučajevima uvijek da Vladi na izjašnjavanje. Oni će nam reći imamo, uzet ćemo s ove pozicije. Naredna Skupština bit će brže nego što je inače plan. Oko budžeta smo negdje polovinom novembra. Mi već na toj sjednici se možemo izjašnjavati ako insistirate da ostaju sredstva. Ako izbacite ovaj dio sa sredstvima možemo se izjasniti danas. To je takav propis.

Poslanik/zastupnik Mirza Čelik.

Zahvaljujem predsjedavajući. Ja sam svjestan i Poslovnik znam šta nalaže ali evo pokušajte razumjeti one roditelje kojima je jučer uručeno rješenje da njihova su djeca napunila 21 godinu i da od danas oni ne pohađaju tu nastavu. Ako je potrebno da se Vlada izjasni evo ja stojim na raspolaganju, zaista kao i svi oni koji su učestvovali u donošenju ovog zaključka za potrebna sredstva. Evo ako će ta sjednica biti za nekih 15 dana ja bih molio Vladu zaista da se izjasni po ovom zaključku i evo da ostavimo izjašnjavanje na sljedećoj sjednici Skupštine Kantona Sarajevo kako bi mogli djeca koja su ispisana biti ponovo upisana u ove ustanove koje sam naveo u zaključku.

Predsjedavajući:

Hvala kolega Čelik. Sigurno se svi pridružujemo inicijativi i na Vladu apelujemo da nam do naredne sjednice odgovori stavom a da se mi izjasnimo na narednoj sjednici o ovoj inicijativi kolege Čelika i radne grupe.

Sljedeći je kolega Senad Hasanović. Zastupnička inicijativa prema KCUS u cilju pojednostavljena administrativnih procedura za pacijente dnevne Onkološke klinike koji primaju hemoterapiju. Imate obrazloženje u tekstu ispred sebe. Molim zastupnike da se izjasne o inicijativi kolege Hasanovića. Ako nemate hoćete da pročitam sve. Teksta sam pročitao. Samo obrazloženje sam onda dužan. Administrativna procedura koju onkološki pacijenti na KCUS prolaze pri svakoj od neophodnih terapija je izuzetno zahtjevana a naročito za pacijente koji nemaju pratnju. Naime pacijenti moraju prije dolaska na KCUS kod doktora porodične medicine uzeti dvije uputnice, i to za bolnicu i za laboratoriju. Te nakon dolaska u Dnevnu onkološku kliniku obaviti kontrolu kod doktora sa nalazima krvi, nakon čega dobijaju novih 7 uputnica koje moraju odnijeti na šalter. Nakon čekanja da se svi podaci unesu u sistem, pacijenti su dužni popunjenje obrasce odnijeti na šalter blagajne. Tek nakon navedene

procedure, pacijent ulazi da primi hemoterapiju koja traje dva do tri sata i izuzetno je zahtjevna. Cijenim da KCUS može za ovakve pacijente pojednostaviti administrativne procedure i to na način da neophodne formalnosti obavljaju uposlenici KCUS. Molim da se zastupnici u Skupštini Kantona Sarajevo izjasne o ovoj inicijativi.

Molim rezultate glasanja. ZA 32 PROTIV I SUZDRŽANIH NIJE BILO.

KONSTATUJEM DA JE SKUPŠTINA USVOJILA OVAJ ZAKLJUČAK.

Inicijativa kolegice Šahman. Imate li ovo, ovo je baš dugo. Služba jesu li dobili, svi smo dobili na sto, ja sam vidio da su dijelili. Obrazloženja su inicijativa se tiče migrantske krize i prijedloga Federalnog premijera i resornog državnog ministra Mektića da neke centre presele u neperspektivne kasarne u Blažuju, Rajlovcu, Semizovcu i Visokom. A glasamo o zaključcima koji kažu:

1. Nalaže se Ministarstvu unutrašnjih poslova Kantona Sarajevo da odmah zatraži informacije od Ministarstva sigurnosti BiH u vezi sa prijedlogom da se migranti smjeste u neperspektivne kasarne na području Kantona Sarajevo (Blažuj, Rajlovac i Semizovac).
2. Nalaže se Vladi Kantona Sarajevo da o ovoj inicijativi obavijesti lokalne zajednice koje gravitiraju ovim kasarnama, kako bi bile uključene u donošenje relevantnih odluka.
3. Nalaže se Vladi Kantona Sarajevo da obavijesti Vijeće ministara BiH kao i operativni štab za migracije, kao i federalnog premijera Fadila Novalića da se suzdrže od bilo kakvih daljih aktivnosti bez zvanične komunikacije sa institucijama Kantona Sarajevo.
4. Ukoliko se ukaže potrebnim Vlada Kantona Sarajevo će imenovati posebnog povjerenika za ova pitanja koji će redovito izvještavati Vladu Kantona Sarajevo i Skupštinu Kantona Sarajevo o stanju u oblasti ilegalnih migracija, sa pravima i dužnostima koje će utvrditi Vlada Kantona Sarajevo, a u skladu sa važećom legislativom.

Molim zastupnike da se izjasne. Molim rezultate glasanja. ZA 32, PROTIV I SUZDRŽANIH NIJE BILO. KONSTATUJEM DA JE SKUPŠTINA USVOJILA OVE ZAKLJUČKE.

Inicijativa kolegice Kerle. Pokrećem inicijativu o vraćanju sudskih taksi u prostorije Kantonalnog suda Sarajevo. Obrazloženje ste čuli i u samom čitanju. Imate i u materijalu. Molim zastupnike da se izjasne o ovoj inicijativi. Kolegica Dizdarević izvolite.

Poslanik/zastupnik Neira Dizdarević

Samo kratko radi političke korektnosti, samo bih zamolila da se u obrazloženju termin invalidne osobe zamijeni terminom osobe sa invaliditetom ako je to.

Predsjedavajući:

Nisam čitao obrazloženje. Onda sugerisemo da se invalidne osobe zamijeni terminom osobe sa invaliditetom. I molim zastupnike da se izjasne uz ovu korekciju o inicijativi kolegice Kerle.

Molim rezultate glasanja. ZA 31 PROTIV I SUZDRŽANIH NIJE BILO.

KONSTATUJEM DA JE SKUPŠTINA USVOJILA OVU INICIJATIVU.

Inicijativa kolege Suljevića obavezuje Vlada Kantona Sarajevo i Ministarstvo privrede da odmah pristupe realizaciji projekta korištenja obnovljivih izvora energije, izgradnja postrojenja za proizvodnju peleta koji je u budžetu Kantona Sarajevo za 2019 godinu na razdjelu Uprave za šumarstvo izdvojeno 4.424.066. to su obezbjeđena sredstva. Tako nam izjašnjenje Vlade ne treba.

Kolega Dević ima komentar izvolite.

Poslanik/zastupnik Mahir Dević:

Ako sam razumio ovdje postoji budžetska stavka, postoji projekat koji se nije još uvijek počeo realizirati. Ne vidim ni jedan razlog da mi to nešto zaključkom. Ali evo podržavamo, ako će zaključak to ubrzati na neki način ako se tu ništa ne radi jer stvar već postoji. Na neki način trebala je da bude pokrenuta procedura rada po toj tački, stavci budžeta kada već postoji.

Predsjedavajući:

Hvala kolega Dević. Inicijativa za izjašnjavanje pa kako ko hoće. Molim zastupnike da se izjasne o inicijativi kolege Suljevića. Molim rezultate glasanja.

ZA 28, PROTIV NIŠTA, SUZDRŽANIH 2. KONSTATUJEM DA JE SKUPŠTINA USVOJILA OVU INICIJATIVU.

Imamo još dva zaključka Kluba SDA.

Nalaže se Vladi Kantona Sarajevo da uskladi sve zakone i propise koje je usvojila Skupština Kantona Sarajevo sa mišljenjima Ustavnog suda FBiH.

MOLIM ZASTUPNIKE DA SE IZJASNE. MOLIM REZULTATE GLASANJA.

ZA 18, PROTIV 12, SUZDRŽAN 2.

KONSTATUJEM DA JE SKUPŠTINA, OSIM AKO NEKO NE TRAŽI POJEDINAČNO IZJAŠNJAVANJE.

Okerić pojedinačno izjašnjavanje. Kolegica Dizdarević evo Okerić je zatražio. Izvolite.

Sekretar po ovlaštenju Almira Kulovac Šetkić provodi prozivku zastupnika:

Aljović Hamed ZA

Bešlija Vildana PROTIV

Bišćević-Tokić Jasmina ZA

Čampara Aljoša ?

Predsjedavajući:

Nije za. Kolega Deviću grubo kršite Poslovnik. Kolega Deviću, upozoravam vas. Ovo što radite je manipulacija, i ovo što radite je prevara. Ne možete za kolegu kojeg nema u sali reći za i time obezbijediti potreban broj glasova.

Sekretar po ovlaštenju Almira Kulovac Šetkić:

Dakle, Čampara Aljoša je odsutan

Čelik Mirza ZA

Ćosović-Hajdarević Samra ZA

Delalić Sabahudin ZA

Dević Mahir ZA

Dizdarević Neira PROTIV

Duraković Jasna OPRAVDANO ODSUTNA

Handžić Vibor PROTIV

Hasagić Amra ZA

Hasanović Senad ZA

Hodžić Admela ZA

Jakupović Vedran PROTIV

Junuzović-Kaljić Amra SUZDRŽANA

Kerla Bibija ZA
Konaković Elmedin PROTIV
Krstić Danijela PROTIV
Marić Zvonko SUZDRŽAN
Marjanović Damir SUZDRŽAN
Mekić Amel PROTIV
Memić Arijana PROTIV
Milavica Sead ZA
Nikšić Damir SUZDRŽAN
Okerić Elvedin PROTIV
Pecikoza Fahrudin ZA
Pleho Haris ZA
Poturak Dževad SUZDRŽAN
Srna- Bajramović Segmedina SUZDRŽANA
Stojanović Igor SUZDRŽAN
Suljević Samir PROTIV
Šahman Bilsena SUZDRŽANA
Viteškić Smiljana ZA
Vreto Elvis SUZDRŽAN

Predsjedavajući:

Kolega Čampara se vratio u salu. Izvolite izjasnite se.

p.o. Sekretar Skupštine Almira Kulovac Šetkić:
Čampara Aljoša dakle ZA.

Predsjedavajući:

ZA JE GLASALO 15 ZASTUPNIKA, PROTIV 10, SUZDRŽANIH 9. KONSTATUJEMO DA SKUPŠTINA NIJE USVOJILA OVAJ ZAKLJUČAK.

Zaključak dva Predlaže se Skupštini Kantona Sarajevo da usvoji zaključak da se zbog alarmantne situacije oko zagađenja zraka u Kantonu Sarajevo kao redovna tačka na narednim sjednicama Skupštine, nakon zastupničkih pitanja i inicijativa razmatraju informacije Aktivnosti Vlade oko zagađenja zraka u Kantonu Sarajevo.

MOLIM ZASTUPNIKE DA SE IZJASNE O OVOJ INICIJATIVI.

ZA JE GLASALO 32, PROTIV I SUZDRŽANIH NIJE BILO.

KONSTATUJEM DA JE SKUPŠTINA USVOJILA OVAJ ZAKLJUČAK.

I time smo iscrpili materijal za prvu tačku zastupnička pitanja, inicijative i odgovori.

Prelazimo na implementaciju dnevnog reda.

AD – 2.

a) Informacija o realizaciji mjera za sanaciju i reorganizaciju KJKP "GRAS"d.o.o. Sarajevo

b) Informacija Uprave KJKP „Vodovod i kanalizacija”d.o.o Sarajevo za period od 14.06.2019.godine do 15.09.2019. godine

a) Informacija o realizaciji mjera za sanaciju i reorganizaciju KJKP "GRAS"d.o.o. Sarajevo je materijal koji se kvartalno razmatra. Kako smo razmatrali na protekloj sjednici, danas konstatujemo da nemamo ovog materijala.

Pod ovom tačkom imamo materijal koji je prošli put kasnio. Obrazloženje smo čuli.

b) Informacija Uprave KJKP „Vodovod i kanalizacija” d.o.o Sarajevo za period od 14.06.2019.godine do 15.09.2019. godine

Molim predstavnika Predlagača da podnese uvodne napomene. Sa nama je direktor ovog preduzeća gospodin Emir Hadžiahmetović, izvolite na binu i informišite Skupštinu.

Direktor KJKP VIK Emir Hadžiahmetović: UVODNO IZLAGANJE

Predsjedavajući:

Ostanite direktore tu. Ide sada serija pitanja. Što ne budete tu su saradnici, ako bude nešto da ne znate pošaljite pismeno. Idemo redom pitanja. Kolegica Bibija Kerla se javila. Sporije postavljajte. Direktore hoćete li olovku, pišite.

Poslanik/zastupnik Bibija Kerla:

Prvo pitanje koliki je ukupni trenutni dug VIK-a? Drugo pitanje, koliko je procentualno izvršena zamjena starih vodovodnih cijevi u zadnjih 9 mjeseci u Kantonu Sarajevo? Primaju li uposlenici VIK redovno plate, TO i uplaćuju li se redovno penzijska osiguranja za uposlene radnike? Koliko je zaposlenih novih radnika u zadnjih 9 mjeseci? Kada će konačno postrojenje za prečišćavanje otpadnih voda Butila dobiti upotrebnu dozvolu? Kakve su posljedice u vezi pitanja EBRD kredita, ko plaća penale za neizvršavanje projekata i u kom iznosu? Šta je to što pravi gubitak od 7,13 miliona KM u prvih šest mjeseci o.g. i znači li to da će gubitak VIK ovim tempom na kraju godine biti oko 14 miliona KM? Imate li u planu mijenjati cijevi u ulici Gornja Breka? I ovo zadnje pitanje što ste sada upravo rekli u vezi individualnih bušotina. Zašto retroaktivno naplaćivati nešto ukoliko niste na vrijeme donijeli odluku Zakon ili neku drugu odredbu koja bi sankcionisala ovu nezakonitu radnju naših sugrađana? Hvala lijepa.

Predsjedavajući:

Jeste li direktore uspjeli? Odgovarat ćete kada svi završe. Ako nešto bude, ponovit će zastupnici. I samo malo lakše, kolegica Bibija Kerla je malo brže čitala.

Poslanik/zastupnik Fahrudin Pecikoza.

Pa ja bih radi koncentracije predložio da nakon svakog pitanja zastupničkog jer ovo će biti malo a vjerovatno. OK. Ja sam htio pitati direktora, pošto je trenutna situacija koliko sam ja shvatio iz vašeg izvještaja da mi vodu uvozimo kupujemo sa Jahorinskih vrela. Mi smo ovisnici o vodi od dobre volje naših susjeda. Pa sam htio pitati pošto vidim da je u Sarajevu izgradnja oko 10.000 novih stambenih jedinica, zgrada, nebodera itd da li je konsultovan VIK od strane nadležnih ministarstava kada daju već dozvolu za gradnju takvih objekata d ali je vas neko pitao da li mi imamo vodu, da li ćemo moći uopšte snabdijevat vodom te objekte jer ako se nabavi novih 10.000 stambenih jedinica u Kantonu Sarajevo, a mi nemamo trenutno vode ni za ove koji jesu tu. Ja ne razumijem ni to nadležno Ministarstvo ni Vladu zašto izdaje dozvolu, gradimo objekte vidimo velika gradilišta na Bjelašnici i to će nas skupo koštati, da snabdijemo vodom Bjelašnicu, ispast će gore litar, ko litar Evijana. Znači moramo voditi da li vas iko konsultuje da li ste ikada i zaprimili bilo kakvu, date svoje mišljenje da li ćemo imati vode za ove nove stambene objekte koji se grade. Koliko sam ja shvatio iz vašeg izlaganja, mi ovisimo o božjoj volji, ako kiša padne imat ćemo vode. I o volji komšija ako oni budu imali viška vode da nam prodaju. To stanje je ja mislim da dovodi u jednu jako, jako tešku situaciju

građane Kantona Sarajevo koji su na legalan i legitiman priključili se na vodu. I sada da mi koji živimo tu moramo trpiti neke nove stambene, poslovne i bilo kakve objekte i onda imati redukcije zbog toga što nemamo koliko sam ja shvatio vode. Hvala.

Poslanik/zastupnik Mirza Čelik:

Zahvaljujem predsjedavajući. Pa evo i mi smo dobili priliku da pitamo jer sam ja tražio da se realizuje zaključak, a to je da nas redovno informiše VIK o stanju u VIK-u. I evo prošli put smo imali sjednicu pa nismo imali materijale za stanje u VIK-u odnosno građani su vjerovatno bili zainteresovani pa su posredstvom nas tražili da ove informacije dobiju. Evo zahvaljujem svakako Ministarstvu i vama na informaciji. Vidio sam u samoj informaciji da su nekoliko sporazuma potpisani poput sa Centrom općinom za izgradnju vodovodne i kanalizacione mreže u Kranjčevićevoj ulici u iznosu od 1,6 miliona KM a 200.000 za ulicu Koševo i rekonstrukcija vodovodne mreže 30.000 u Halida bega Hrasnice. Ja vas pitam da li ste i jeste li imali kontakte s lokalnom zajednicom Općina Ilidža. Nacrt budžeta je u pripremi, kako lokalnih zajednica tako i Kanton Sarajevo pa b ih evo iskoristio priliku svakako da pozovem i Ministarstvo naravno trebate vi biti ti ko ji će inicirati u Nacrtu budžeta da se nađe nekoliko projekata tiču se općine Ilidža. Izgradnja rezervoara Crvene 1.400 kubika je planirano. Znae da je to područje koje pokriva Blažuj i Osjek pa je neophodno izgraditi taj rezervoar evo pitanje da li postoji opravdana mogućnost da VIK kao i ministarstvo sufinansira ovaj projekat. Rekonstrukcija i izgradnja vodovodne mreže u ulici Bunica - Hrasnica. Ulicama Bandurice stari Kovači MZ Hrasnica, također. Izgradnja vodovodne mreže u ulici Rakovička cesta. To je nastavak izgradnje. On je planiran budžetom lokalne zajednice jednim dijelom, ali evo bilo bi dobro da bude planiran i kroz VIK, odnosno posredstvom Ministarstva. Izgradnja kanalizacione mreže, odnosno kolektora otpadnih voda iz Rakovice, treća faza, planirano je 1000 dužnih metara. Projekat je revidovan, vi to znate, građevinska dozvola postoji. Da li postoji također mogućnost da VIK učestvuju u izgradnji istog? Butmirska cesta u Butmiru. Tamo postoji već dugi niz godina problem sa kanalizacionom mrežom. Lokalna zajednica je također kroz svoj budžet planirana svoja sredstva. Jedan dio sredstava neophodna je podrška vas i resornog Ministarstva. Kanalizaciona mreža u Starom drugu Halida bega Hrasnice, m vidim da ste vi planirani 30.000 za izgradnju vodovodne mreže. Ali bi trebalo koordinirati sa lokalnom zajednicom kako bi se i kanalizaciona odnosno fekalne kanalizacione mreže radile u ovoj ulici Halida bega Hrasnice. I izgradnje fekalne kanalizacione mreže u ulici Vlakovo? Također ovih nekoliko projekata ja ću svakako vas kontaktirati i postaviti ću vam pitanje kako bi mogli reagovati promptno a nacrt budžeta ispred nas kantonalni, da vi reagujete. Ovo su sve zaista problemi lokalne zajednice na koji treba posvetiti posebnu pažnju. I znate da je baš kritično na ovim područjima gdje sam i kazao. Hvala.

Poslanik/zastupnik Vildana Bešlija:

Hvala. Ja ću evo pitati konkretno vezano za ugradnju vodomjera u stambenim zgradama. Naime, obratio mi se jedan stanovnik, tačnije radi se o Bakarevića 2, na Bistriku. Možda vam je poznato. To je manja stambena jedinica sa pet stanova. U kojoj su negdje prije više od 2 godine dva stana ugradili taj vodomjer. I u svojim prostorijama stana. I to je uredno zaprimljeno od strane VIK. Međutim nakon toga, ovaj neki problem datira možda otprilike oko 18 mjeseci, jedna osoba, jedno domaćinstvo nije u stanju da taj vodomjer da ga zaprimi VIK zato što se nalazi u stanu, i zahtjeva se da preostali stanovi ugrade vodomjere i da bude izmješten u haustor. Pa eto htjela bih samo da vidim jel postoje određena uputstva na ko ji način se ustvari rješavaju takve stvari. Jer mislim da nije u redu da se ovako nešto dešava. Eto voljela bih čuti malo o tome.

Poslanik/zastupnik Mahir Dević.

Zahvaljujem. S obzirom na činjenicu da ste vi direktore imenovani u junu 2019 koliko se sjećam, kao ispred NIP-a, kao kadar NIP-a na poziciju direktora Vik-a koja količina vode se upumpavala u sistem u junu 2019 godine kada ste vi došli na poziciju direktora u VIK, a koja se količina upumpava danas nakon tri mjeseca u vodovodni sistem? I da li tu postoji neka vrsta poboljšanja? Očigledno prema našim informacijama da mi tu nemamo nikakvih poboljšanja. To je jedno.

Drugo pitanje je po kom osnovu je angažovano više vaših savjetnika koji rade zajedno s vama, po kojoj vrsti ugovora rade kod vas, s obzirom da znamo da je pozicija savjetnika nešto što je zabranjeno u Kantonu Sarajevo? Zašto se kupuje voda sa Jahorinskih vrela ako je prethodna uprava, kao što smo informisani, mi kao Skupština, dovela sistem vodosnabdijevanja na taj nivo da je prestala potreba kupovine iz ovog pravca a i znatno je smanjena kupovina iz drugih pravaca? Evo to su ta tri pitanja za početak.

Poslanik/zastupnik Zvonko Marić:

Zahvaljujem predsjedavajući. Ja ću samo ponoviti i zamoliti premijera Fortu da ono što sam u malo pređašnjem obraćanju rekao da odgovore samo na inicijativu koja je vezana za promjenu Ustava zbog prava za pitku vodu, pošto govorimo o ovom segmentu našeg života. Volio bih da dobijem neki odgovor da znam kako ćemo dalje i šta ćemo. Imam nekoliko pitanja tradicionalno kada je riječ o VIK. Mislim da ću nastojati da se ne ponavljam sa nekim kolegama ali ono što je direktore vrlo značajno, meni je drago da ste vi popravili koliko znam, budući da je to bilo na sjednici komisije, 1087 kvarova ste u proteklom periodu otklonili i povećali sigurno kapacitet vode, pretpostavljam. Volio bih da nastavite u tom smislu. Što se tiče pitanja ja sam i u prošlom mandatu nekoliko puta pominjao ugradnja satova, kako je moguće da na istoj vertikali nekim ljudima omogućeno da naprave satove, ugrade satove a nekima ne. Čemu ta vrsta diskriminacije? I nikada nisam dobio adekvatan odgovor vezano za to. Kažete da ste smanjili količinu zahvaćene vode ali ugrozili ste biološki minimum rijeke Bosne. Ja ću vam poslije pokazati dio korita evo tu je slika, ovo su ovi mobitelima je puno toga pohranjeno, i uvijek konsultujem svoje bilješke, evo flora i fauna je uništena na ovom dijelu rijeke Bosne. Evo tu može da se vidi. Dakle, zašto stoji skraćenica FOPIP molim vas. Pojasnite jer gledatelji sigurno ne razumiju. Ovo me uvijek podsjeća na neku ratnu terminologiju i skraćenice. FOPIP za koje ćete raditi tender. Molim vas da mi kažete informaciju o stanju kolektora Bjelašnica, Igman Hadžići. To sam nekoliko puta ponovio, nikada pravi odgovor nisam dobio. Kada ga mislite rekonstruirati u potpuno? Do kada će kanalizacija zagađivati Vrelo Bosne? Zna li da su uzorci sa Vrela Bosne u većem dijelu godine van standarda i ne zadovoljavaju kriterije i uslove iz pravilnika. Pa na pojedinim mjestima na Ilidži imate mjerenje rezidualnog hlora o čemu sam i ranije govorio koje dostižu gornje granične vrijednosti kako bi se fekalne bakterije sa Vrela Bosne uništile. Dakle, ako mi možete odgovoriti na to pitanje konkretno iz tog razloga što smo čuli da je Ešerihija koli prisutna u svim izvoristima na Vrelu Bosne i dakle to je vrlo alarmantno stanje i volio bih da se to popravlj a znamo odakle Ešerihija koli potiče, naravno iz fekalnih voda. Ko čini novi tim za implementaciju NRV ako mi možete odgovoriti na to pitanje, pitanje projekata i zašto je došlo do formiranja tog tima? To jest novog tima? Da li se među članovima nalaze pripadnici određenih političkih partija? Da li je moguće napraviti fizibiliti studiju da bi se ugradnja solarnih panela, da li bi ugradnja solarnih panela donijela smanjenje troškova za električnu energiju koji troše pumpe? Da li sistem vodosnabdijevanja Trnovo isto tako ne vrši pumpanje vode na Babin Do iako je manja nadmorska visina koju treba savladati nego sa Bačeva i da li i tu treba uspostaviti ekonomsku cijenu vode? Napomenuo bih samo jednu stvar, ja sam i ministra Mandića, on mi je dao odgovor da nisu nadležni za formiranje te ekonomske cijene i ne znam zbog čega se i dalje diskriminiraju građani koji troše vodu po

istoj cijeni kao i oni koji su na visinskim dijelovima ili padinskim dijelovima gdje se ispumpa voda i pun se više struje troši a posebno mislim na naselja na Bjelašnici. Ja sam postavljao to pitanje i red bi bio da se to uradi što prije iz prostog razloga što se vrši diskriminacija običnih građana jer oni snose dio troškova ispuštanja vode na Bjelašnici gdje su rezidencijska naselja. Ukoliko ste potpisali ugovor za vodu sa Jahorinskih vrela, da li je moguće kompenzacija za cijenu odvođenja kanalizacije, to sam bezbroj puta u prošlom mandatu pitao iz Istočnog Sarajeva, koje završava na Butilama? Ili ako to nije moguće, kada ćemo početi naplaćivati to? Oni nama naplaćuju vodu. Meni je drago zbog vašeg ugovora, koliko znam dobili ste sada po cijeni 0,38 feninga, bilo je 0,50 feninga. Ali mene interesira kako mi ne naplaćujemo pročišćavanje tih otpadnih voda? Oni nama pitku vodu naplaćuju a mi smo očigledno ako je to cilj više politike ja se bojim da to nije u redu iz prostog razloga što ne trebamo biti osuđeni na to da pročišćavamo nečije fekalne vode a da nam oni pitku vodu prodaju ili kompenzacija ili da se uspostavi cijena za tako nešto. I molim vas ako je moguće samo da još mi prokomentirate vezano za ono što kanite sada uraditi. Ja znam da imate velike planove ali kredit EBRD zanima njegova implementacije u kojoj je to fazi i na koji način će se izvršiti utrošak i šta su zapravo prioriteti. Ja znam da niste vi čovjek kontinuiteta, promaklo vam je puno toga, ali ne bih da vam zagorčavam život jer se prvi put nalazite pred nama, pa ćemo ostaviti za drugi put. Hvala vam.

Poslanik/zastupnik Jasna Duraković.

Zahvaljujem predsjedavajući. Srdačno pozdravljam sve prisutne. Obzirom da se evo danas prvi put javljam, kao i uvaženog direktora i ja sam svjesna zaista činjenice da ste vi evo tek nedavno preuzeli ovu dužnost i obavezu i da je ovo jedan mukotrpan čini mi se dugotrajan proces koji treba da uslijedi da bi se mnogobrojni nagomilani problemi unutar VIK počeli rješavati. Da ne kažem da se rješavaju, ali počinju rješavati. Evo u tom kontekstu mene zanima jedna zaista stravična slika po pitanju tih nepravilnosti ili da tako kažem sistemskog kvara koji postoji prosto godinama na koji se svjesno i svi smo mi toga svjesni mnogobrojni građani i građanke žale. Prosto jedna nefunkcionalnost u određenim naseljima koja se tiče samih, to su sistemski kvarovi, tako bih rekla uslijed ne znam punjenja vodovodnih cijevi sa zrakom, viška zraka gdje se prosto potrošnja mjesečna povećava na neki maksimum koji je potpuno nelogičan, ispada da u dijelovima stanovima gdje imate jednog penzionera koji živi u 40 kvadrata račun za vodu iznose enormne iznose kao da je autopraonica u pitanju. Dakle prosto neprihvatljivo, nečuveno i evo kada, zanima me kada će se ti kvarovi na mjeračima početi rješavati. Jer imate taj problem koji je zaista dugi niz godina ništa se ne radi. Niko nije snosio odgovornost za ovakve probleme a ljudi logično. Naravno VIK je uvijek bio hitar u izdavanju naloga da se ukoliko se račun ne plati automatski ide na sud, da se žali da se ukida vodosnabdijevanje tim stanarima ili tim korisnicima koji zaista ni krivi ni dužni trpe ovaj režim. Ne znam kako bih to drugačije nazvala. Diktatura koja je prosto neprihvatljiva u današnjem nekom modernom životu. Posebno ti ugroženi, marginalizirani ljudi koji imaju jedva neka primanja ili penzije od 350 KM. Prosto nelogično da ljudi dobijaju račune ustaljene redovite u iznosu od 10 KM i onda odjednom dobijete račun koji je ne znam preko 100 KM. I očekuje se od njih da oni to plate. Evo kada zaista možemo računati da će se ti problemi, to su sistemski kvarovi ko je nužno moramo početi? Evo kada vi očekujete, koje su vaše projekcije i hoćemo li se konačno s tim pozabaviti malo ozbiljnije? Toliko hvala.

Poslanik/zastupnik Aljoša Čampara:

Zahvaljujem predsjedavajući. Pa evo nekoliko pitanja. Postoje neke informacije da već u Starom Gradu postoje redukcije već nekoliko dana? Možete li mi odgovoriti da li je to tačno i da li se možda radi o samo opravci nekih kvarova? To je jedno pitanje. Drugo kako su angažovanje cisterne za čišćenje kanalizacione mreže u krugu Energoinvesta ko ja nisu u

nadležnosti VIK-a jer tamo nema javne mreže? I ako su angažovani ko će platiti iste i koliki su troškovi do sada ovih radova? Vi ste u medijima izjavili da je akademska pamet evo citiram otprilike, akademska pamet Sarajeva je podbacila posljednjih 50 godina, naročito posljednjih 20 godina vezano za VIK. Pa sada pretpostavljam da s vama dolazi ta pamet u smislu obezbjeđivanja vode u Sarajevu samo putem gravitacije. Pa bih volio da znam kako mislite to uraditi, jel ovo Jahorinsko vrelo sa Pala koje dolazi? Koja bi cijena te vode bila, koliko to može podmiriti grad Sarajevo? I jesu li to dovoljne količine? I spomenuli ste još i ovaj izvor iznad Vogošće pa me interesuje da li bi to dovoljno bilo kao alternativa da se smanji električna energija da se ne prepumpava voda imajući u vidu situaciju u Sarajevu glede ove gravitacije i dopremljivanja vode građanima. I četvrto pitanje, najavili ste zatvaranje vode ovim velikim nelegalnim potrošačima. Ja se apsolutno slažem. Možete li nam samo reći kome ste do sada zatvorili i ako niste nikome zatvorili kada mislite ovima koji krađu vodu zatvoriti vodu naravno u skladu sa zakonom. I da nam kažete ko su ti ljudi da javnost zna jednostavno o kome se radi a ukoliko je to sve tačno odmah da znate da imate punu našu podršku da tim nelegalnim korisnicima vode, pogotovo ovim velikim isključite i zatvorite vodu. Hvala.

Predsjedavajući.

Molim vas da poštujuete naše goste s tim vaša od danas naknadna pamet. Nije primjereno kolega Čampara. Dopredsjedavajuća Danijela Kristić ima riječ. Replika ne može. Poslovnička intervencija može. Ja vodim sjednicu, ukazujem na propuste .nemojte vrijeđati goste koji dolaze i nemojte govoriti ljudima koji dolaze ova vaša ko biva od danas pamet. Intervencija na koji član Poslovnika? Šta sam pogrešno po Poslovniku uradio, kolega Čampara.

Poslanik/zastupnik Aljoša Čampara.

Dakle ja apsolutno niti sam koga želio povrijediti, ja sam citirao šta je gospodin rekao. U intervju. Evo mogu vam ponovo pročitati ako hoćete. Direktor je rekao da je akademska pamet zakazala posljednjih 50 godina u Sarajevu a naročito u posljednjih 20 godina. I ja pitam, ako je zakazala da li je ovo sada nova pamet koja dolazi? Samo sam to rekao.

Predsjedavajući:

Ja vas nisam prekidao, direktore nemojte govoriti. Veze nema s Poslovnikom. Ovo je bila replika, zloupotrijebili ste moju dobru volju da vam dam riječ. Poslovnički ništa ovdje nije bilo. U buduću ću voditi računa kada tražite poslovničku intervenciju. Hvala vam.

Poslanik/zastupnik Elvis Vreto:

Hvala predsjedavajući. Nekoliko pitanja. Neka od pitanja su već postavljena pa da ne ponavljam. Da li je ustanovljeno ko je odgovaran što se nije planirano kvalitetno zbrinjavanje mulja na uređaju u Butilama? Kakvo je trenutno stanje i kako se mulj zbrinjava? Gdje se odlaze? Šta se poduzima na rješavanju tog problema? Drugo moje pitanje je koliko je VIK uključena u planiranje izgradnje kolektora otpadnih voda Smiljevići Zabrđe? Koje se aktivnosti trenutno provode i možete li nam dati informacije po ovom pitanju? Što se tiče nekih od pitanja koja sam već postavljao, ja bih vas zamolio zaista da mi date odgovor kada će VIK riješiti problem snabdijevanja priključenja na vodovodnu mrežu građana koji stanuju na nadmorskoj visini iznad 700 metara? A radi se o novo izgrađenoj vodovodnoj mreži u prostoru Rakovice. Ti građani su uplatili, sklopili ugovor sa lokalnom zajednicom. Uplatili za priključak ali još uvijek već dvije godine čekaju na priključenje. Obrazloženje je da se nalaze na nadmorskoj visini koja je iznad 700 metara, što VIK predstavlja problem. Po informacijama koje imam lokalna zajednica je uradila projekte. Ja vas zaista molim da se aktivno uključite kao novi menadžment sa lokalnom zajednicom, odnosno sa opštinom Ilidža na rješavanju ovog pitanja. I ja bih volio da mi date informaciju da li već po ovom pitanju

nešto se poduzima. Eto toliko hvala.

Dopredsjedavajuća Danijela Kristić:

Zahvaljujem predsjedavajući. Prije svega zahvalila bih se direktoru na iscrpnom izlaganju. Da li je tačna informacija da vam hoteli Ilidža nisu dopustili da izvršite kontrolu? Kako ste riješili taj problem? Da li je bilo još takvih slučajeva= ako je odgovor da, možete li navesti koja su to pravna lica. Hvala.

Poslanik/zastupnik Amel Mekić.

Hvala predsjedavajući. Kada planirate položiti vodovodne i kanalizacione cijevi u novoj ulici koja spaja gornju Breku i ulicu Nedžada Musića, trasirana ulica a radovi stali zbog ne polaganja cijevi. Hvala.

Poslanik/zastupnik Bilsena Šahman:

Hvala. Samo kratko. Od građana su stigla pitanja. Zašto na području Pazarića nema vode tokom dana i zašto se mijenjaju satovi odnosno vodomjeri koji su novi i ispravni?

Dopredsjedavajući Vibor Handžić:

Zahvaljujem direktore na izlaganju. Čestitam vam na imenovanju i uspješan rad vam želim. Ja imam jedno kratko pitanje. Kasnije ću u diskusiji sve ostalo govoriti. Šta se dešava, možda ste vi govorili o tome a da ja nisam čuo, izvinjavam se unaprijed. Šta se sa vodovodom Nahorevo dešava? Jel postoji neki kontakt s opštinom Centar ili VIK ostaje pri svom ranijem stavu da neće preuzimati nadležnost, pošto je on trenutno lokalni vodovod? Zahvaljujem.

Predsjedavajući:

Zahvaljujem. Ovo je još jedna situacija kada imate more pitanja. Više desetina ili stotina. Tako da ćemo i direktoru dati vrijeme da se pripremi za odgovore. Ja ću dati pauzu od pola sata, ako hoćete sada pauzu za ručak, izjasnite se. Da za vrijeme ručka direktor sa saradnicima pripremi odgovore a da u nastavku nakon odgovora taman čujemo i raspravimo ovu tačku. Dakle, pauza sat vremena. Sat i 15 je standardno. Molim da se izjasnite sat i 15. Pa požurite, ranije ćemo početi ako stignete.

Molim rezultate glasanja. Za većina. Manjina protiv. I manjina nije glasala. Ručak je do, sada je 13,22. pa eto oko, probajte oko 14,30. ili 14,40 da krenemo.

NASTAVAK NAKON PAUZE

Predsjedavajući:

Nastavljamo sa radom današnje sjednice. Direktore Hadžiahmetović nemojte sjedati. Hajte vi na binu i odgovarajte.

Direktor KJKP VIK Enver Hadžiahmetović:

Dakle, jedno od pitanja je bilo koliki je ukupan dug VIK-a. On glasi 5 miliona KM. To je dug prema dobavljačima, s tim da od ovih 5 miliona KM 2,1 milion se odnosi na Sporazum o plaćanju električne energije za ove pumpne sisteme od prije. To je dug koji je od prije i koji smo mi naslijedili. I on se jednostavno prebacuje iz godine u godinu i on je 2,1 milion. Tako da je faktično stanje da dug 2,9 miliona KM za 2019 godinu. Za ovaj period.

Predsjedavajući:

Kolegice Kerla molim vas nemojte to uraditi. Ne možemo ovako.

Direktor KJKP VIK Enver Hadžiahmetović:

Napominjem da je taj isti dug bio prošle godine u ovom periodu 6,5 miliona. Tako da je sada trenutno 1,5 milion manje duga u odnosu na posmatrani period prošle godine. Drugo zamjena cijevi, koliko je cijevi zamijenjeno. Pošto imamo u našem radu cijevi koje smo mi direktno mijenjali, imamo cijevi koje smo mijenjali putem općina koje su radile na svom dijelu gdje smo učestvovali paralelno jednim dijelom i mi jednim dijelom i općine. U konačnici, ovu cifru, ovaj odgovor ćemo vam pismeno proslijediti pošto sada trenutno mislim da ne bi mogli konkretno taj odgovor dati. Da li se primaju redovno plate. Svakog 15 u mjesecu u skladu sa zakonskim propisima, radnici zaposleni VIK-a dobivaju iznos koji je zakonom plata, doprinosi i sve ostalo. Koliko je ljudi zaposleno. Ove godine je zaposleno, dan prije nego što sam ja došao, došao sam 14. juna a 13 juna, odnosno 12 juna je primljeno 120 ljudi i to je taj broj ljudi koji je zaposlen u ovoj godini. Dozvola za Butila. Prije dvije godine je završen projekat prečistača postrojenja u Butilama. To postrojenje je u konačnici završeno i gotovo, međutim nadzorni organ koji je bio nadležan za sprovođenje radova na ovom postrojenju, Una consalting dala je svoj izvještaj koji nadležna inspekcija, odnosno nadležno Federalno ministarstvo prostornog uređenja nije prihvatilo iz razloga što za pojedine dijelove poslova nisu imali odgovarajuće licenciranu struku i iz tih razloga već pune dvije godine to postrojenje ne može da dobije upotrebnu dozvolu. Taj problem sam naravno naslijedio. Nova uprava je to naslijedila i mi smo pokrenuli aktivnosti i mislim da ćemo jako, jako brzo dobit tehničku komisiju od strane Ministarstva da se izvrši prijem Butila. Nadamo se da će to biti vrlo brzo jer je Una consalting će dostaviti novi izvještaj sa licenciranim stručnim licima koji su izvršili nadzor nad radovima u ovom projektu. Kada se tiče EBRD penal u julu mjesecu je platila Vlada Kantona u iznosu od 105.000 eura, negdje cca 200.000 KM zbog toga što nismo na vrijeme uzeli sredstva koja su nam tim projektom odobrena. Dakle, prethodni PIU tim koji je vršio sprovođenje ovog EBRD kredita zbog kašnjenja, zbog nedovoljnog angažmana, zbog situacije u kojoj smo odbili tendere i samog kašnjenja došao je prvi taj penal. I on je u iznosu od 105.000 eura. Mi smo kao firma ćemo pokrenuti unutar nas kao interni nadzor, internu kontrolu da vidimo da li je u tome zaista neko od postojećih radnika zaposlenih učestvovao ili bio uzrokom ovog plaćanja penala. Gubitak od 7,13 miliona koji je bio u ovom periodu kojeg ste naznačili. Ove godine smatramo da će on u konačnici biti ispod 13 miliona. Po našoj nekoj procjeni oko 12,5 miliona. Ili ako znamo da je prošle godine on bio 14,6 miliona, cijenimo da ćemo ovu poslovnu godinu imati manji gubitak u odnosu na prošlu za 2 miliona KM. Uglavnom ovaj gubitak se odnosi na troškove amortizacije uglavnom i djelomično struje. Naše odredište, naša strategija, cilj je da u naredne četiri godine ako bog da taj dug svedemo na neku pozitivnu nulu jer obično JP su ona koja posluju tu negdje oko nule. Negdje oko te tzv pozitivne nule. Ako bude se išlo ovom dinamikom mi se nadamo da u nekom periodu od narednih tri, do četiri godine ćemo moći da ovaj dug ovo poslovanje svedemo na nulu. Naredni je bilo zašto vodu kupujemo, je li to Božja volja, zbog čega se kupuje voda, šta je u pitanju, moramo reći da vodu koju mi sada trenutno i koju smo kupovali to je voda sa Jahorinskih vrela i to je voda sa Peračkog vrela od firme Bags energetika Vogošća. Kupovina vode sa Jahorinskih vrela je tehnički jedino moguće rješenje zbog toga što imamo iznad rezervoara, odnosno naše četvrti (nerazumljivo) komore imamo takvu situaciju u kojoj ne možemo drugačije snabdijevati taj dio našeg stanovništva osim sa ovog dijela. Osim toga, naša stanica, podstanica na Hrasnom ima samo jedan trafo i jednostavno nije projektovana da ovoliko količinu vode baca na ovaj gore dio. Bez obzira da li mi uzimali to zbog količina vode, da li to uzimali zbog cijene koju smo uspostavili, itd trenutno su takve tehničke karakteristike našeg pumpnog postrojenja, našeg pumpnog sistema da jednostavno ne bi mogli. I ovo je sada veliki problem jer u posljednjih 13 do 20 dana kako je količina vode sa tih Jahorinskih vrela smanjila imamo problem sa ovim trafoom. To je stanica na Hrasnom koja jednostavno vrlo često izbacuje. Tako da imamo situaciju da možda svakih 15 do 20

dana naše elektro službe vode veliku borbu sa elektro energetskim sistemima, pumpnim sistema. Stalno se vinkljuju motori, to je zaista jedna veliki problem. Tako da mi htjeli ili ne ovu vodu moramo uzimati iz tehničkih razloga. E sada kada uzimamo iz tehničkih razloga onda je uzimamo i iz onih drugih razloga. To je koliko god vode uzmemo sa Jahorine i sa Peračkog vrela, toliko ćemo manje uzeti sa Bačeva. Automatski čim ostane u Bačevu imamo tu neku zalihu koju ćemo koristiti upravo u ovim trenucima kada je nestašica vode, da ne bi bilo redukcija. Inače cijena od 0,38 feninga koju sada plaćamo Jahorinska vrela, ona je u svakom slučaju manja u odnosu na pumpanja sa Bačeva jer pet puta se vrši prepumpavanje da bi došlo na ovaj gore dio sad o kojem smo govorili. Ta cijena je zaista tehnički, ekonomski jako velika. Gdin Čelik čini mi se, bilo je da li smo sa lokalnom zajednicom sa općinom centar Kranjčevićeva ulica Koševo da li je to bio dogovor sa lokalnom zajednicom. Mi smo sa općinom centar kao i sa svim drugim općinama uspostavili takav odnos u kojem vršimo stalne, imao stalne sastanke razgovore, dogovore tkao da i u ovom slučaju. Kranjčevićeva kao i samo Koševo i svi drugi projekti koji su na lokalitetu ove opštine ali i drugih opština radimo zajedno. S jedne strane kada se tiče konkretno ove ulice Koševo, opština Centar je tražila hitno da postupimo. Zašto? Zato što je prethodna uprava VIK rekla da su cijevi dobre da ne treba vršiti promjenu kanalizacionih i vodovodnih cijevi. Međutim kada su krenuli u izgradnju ove Koševske ulice naišli su na jedno haotično stanje. Mi smo se dobro organizovali i evo završili smo to. Kada se tiče Kranjčevićeve to je na neki način veza bila Vlada Kantona općina Centar i VIK i mi smo uzeli dio posla koji se tiče vodovoda, a što se tiče kanalizacije, to će raditi izvođač koji je dobio na tenderu. Rezervoar Crkvine, Nadosjek. Mi smo dole bili i razgovarali smo dole je projektna dokumentacija koju radi općina u toku, mi smo s njima u vezi. Mi smo dali projektni zadatak. U stalnoj smo vezi kada se tiče tog dijela i kada se to završi mi ćemo naravno vidjeti da. I kada se tiče predstava pogotovo iz vodnih naknada itd da se taj dio na neki način definiše zajedno sa nadležnim Ministarstvom. Mi kao VIK i naravno općina Ilidža koja je tu kao lokalne zajednica. Halid bega Hrasnice ulica, tamo se radila kao što znate kanalizacija. Mi smo iskoristili priliku dok se radi kanalizacija imamo tu jedan katastrofalan sistem vodovoda, vodovodnih cijevi. Mi smo uspjeli da u taj rov isti, pošto je već to otvoreno i evo završili smo, čini mi se danas da je sam vidio da smo konačno to završili. Tih nekih 30.000 KM i to je VIK mi smo to kao firma smo podnijeli taj trošak i mi zamijenili tu određenu količinu instalacija tako da smo iskoristili taj momenat dok je ta ulica dok se ona već radi da ne biva puta radili to isto. Kolektor Rakovica također smatram da možemo, da ga možemo finansirati putem vodnih naknada da tu treba također dogovor između opštine, VIK-a i Vlade Kantona kao i ova kanalizacija u Butmirskoj cesti. Ono što mogu reći jeste da mi održavamo mjesečno kontakte i radne sastanke sa općinom Ilidža. Da je ta veza, m odnosno taj link u jednom dobrom dijelu. Da se dogovaramo razgovaramo i mi smo spremni. Zaista smo otvorili vrata prema svakom načelniku i prema svakoj općini, tako i prema Ilidži i nadam se da ćemo i ova sva pitanja koja se tiču toga uredno izvršavati i davati podršku s naše strane. Vildana Bešlija, vezano za vodomjere koji se nalaze u zgradama. Moram reći da smo mi zatekli odluku. Ja sam zatekao odluku u kojoj je nemoguće stavljati vodomjere u postojeće stare objekte zgrade i stanove. Bila je odluka u kojoj ako sada nedostaju negdje dva u unutrašnjosti ne može se to raditi, mora se raditi nova vertikalna. Mi smo prije možda nekih čak i mjesec dana, možda i manje već imali sastanak sa svim upraviteljima i evo u pripremi je nova odluka. Ona će biti jakom jako brzo. Ja se nadam u narednih možda ne znam neka me moji poprave u narednih 10 dana da ćemo omogućiti demokratsko pravo svakom građaninu da mjeri svoju potrošnju. Mislim da je ta odluka bila po meni lično naopaka. Zašto? Zato što zbog nekih gubitaka, nekih troškova, nekih radnji, koje ja sada evo ne znam više ni ja šta je u pitanju smo tako odlučili. Mi želimo da svako plati onoliko koliko potroši. Da bi to platio koliko potrošio on mora da mjeri svoje. I omogućit ćemo svakom stanaru da može u svom stanu da ima. To je za ove stare objekte. Za nove

objekte nećemo to dozvoliti. Za nove objekte će biti šahtovi na javnoj površini gdje ćemo to raditi. Jer imamo problem znate kako je. Ne javi, ne želi da uđe da se očitava na vrijeme itd. Ali za ove stare mi nemamo druge opcije nego da im dozvolimo i mislim da je to šteta a veći neki demokratski princip u kojima ćemo ljudima omogućiti oni koji su zaista takvi, a to su uglavnom penzioneri i studenti da mogu mjeriti svoju potrošnju vode. Gospodin Dević je pitao kakva je potrošnja juni 2019 septembar 2019. u junu 2019 godine prema našoj tabeli imali smo 2731 l/s kojeg smo uzeli, zahvatili, a septembru je to bilo 2642 l/s. Znači vidimo da je ovdje skoro 100 litara u sekundi je manje vode uzeto. Automatski se vidi da je sistem unutra bio bolji, prihvatljiviji, manje je bilo isticanja čim je manja zahvaćena količina vode. Međutim, voda se ne mjeri nikada mjesec za mjesecom, nego se voda mjeri za period, jer nije isto zahvatanje u maju mjesecu i julu mjesecu ili januaru mjesecu i septembru. Kada se tiče uporednog dijela recimo septembar 2018 i septembar 2019 onda je to sljedeće: u septembru 2018 je 2854 l/s bila, ove godine 2642 l/s. Što je 212 litara u sekundi manje zahvaćeno. Znači 200 l/s je ušteda, a 200 l/s u sekundi to je kao jedan Ilijaš, možda čak sa Brezom zajedno da se može napojiti vodom, jer koliko ja znam Ilijaš troši negdje oko 150 l/s vode. Znači to su značajne količine vode. Ako bi se to pretvorilo u kubike to bi bili možda milioni kubika vode koji su se uštedili i koji su ustvari sada našli svoje pravo mjesto jer nema redukcije. Dakle ta statistika govori da smo ipak nešto radili, da nije u pitanju šuplja. Druga pitanja savjetnici. Ja nemam ni jednog savjetnika. Ja Enver Hadžiahmetović direktor VIK-a nemam ni jednog savjetnika. Konačan odgovor. Dalje, svaki direktor i svako ko dođe u neku firmu, obično ga nekoga mora biti uzrokom, kako se to kaže sevepom, kako se to u nas kaže. Znači mene je dovela NiP, ja nisam član stranke NiP, evo tu je predsjednik te stranke. Došao sam ovdje po nekom drugom svom cilju, međutim kada se dođe u jednu firmu, obično ta stranka koja te dovela želi da ona na neki način ima neku, hajd da vodi neku politiku upravljanja tom firmom. I obično se u tu formu dolazi sa pet, šest prvih nekih rukovodilaca. Ja sam došao u firmu, uzeo sam četiri izvršna direktora, sva četiri su bila iz postojeće garniture. Nisam nikoga uzeo izvan te garniture. Ja imam četiri, evo su dva direktora tu što su kod mene, imaju još dvojica. Znači sva četiri izvršna direktora su iz postojeće, čak i direktoricu koja je bila prije mene i nju sam ponudio da bude moj prvi saradnik. Ona to nije prihvatila. Znači u nju sam ponudio, ako želite. Evo ja sada to govorim, ona to može da me demantuje ako tako nije. Dakle nije bilo u interesu da se tu pravi sjeća glava. Nisam nikoga od neke bivše te, da sam kako se to sada zove kulturno, mobing. ne. Evo vidite i ovo, evo 105.000 eura je sredstava nepažnjom otišlo, penal. Ni tu nismo provodili. Mislim da to nije prioritet. Mislim da je prioritet bio da imamo vodu ovdje u gradu i mislim da smo tu na neki način zaista uradili najveći posao. Tako da savjetnika nema. Mi, imaju određeni konsultanti koji su radili, vi znate da je konsultant bio i u prošloj Vladi, gospodin Šečić Nedim iz Zenice, koji je napravio takvu sličnu stvar NRV-om u Zenici i mi ga sada koristimo ovdje itd. Ali ja savjetnika nemam. Isto je bilo pitanje vezano za Jahorinska vrela. Maloprije sam rekao, sa Jahorine uzimamo vodu po 38 feninga, smatram da je to cijena koja je manja od našeg pumpanja gore. To je voda koja je gotova, hlorisana voda, dobra voda. Međutim evo u zadnjih mjesec dana nemamo ni te količine, ni te vode odozgo. Imamo tek toliko da jedva podmirujemo to stanovništvo koje ne može na ovaj naš sistem da se. Jednostavno to je neko tehničko pitanje. Nisam ga ja uslovio. To je tehničko pitanje gdje se ne može drugim sistemom osim sa odozgo sa Jahorine. I smatram da u narednom periodu, evo i to mogu da kažem, treba ići na to da se odozgo uzme, ne 5, 10, 15 litara, da se uzme 500 litara. Moja će biti intencija da se gravitacijom dobije 50% a 50% ide iz Bačeva odozdo. Da Bačevo bude samo rezerva vode, a da dobijamo gravitacijom, znači: Peračko vrelo, Jahorinska vrela, Crna rijeka, Bijela rijeka, itd. To je intencija i to je ono što ćemo mi raditi na tom planu. Rekao sam već maloprije, isto je pitanje bilo, naša stanica u Hrasnom ne može jednostavno ne može tehnički sa jednim trafoom da radi, da vrši prepumpavanje vode, toliku količinu vode za ovaj gore dio. Gospodin Marić,

diskriminacija, satovi. Na ovo sam pitanje već smo odgovorili. Diskriminacija će biti eliminisana kada sada s upraviteljima napravimo novu odluku i mi budemo pratili to. Znači jednostavno sada je takva situacija i to je naslijeđeno zaista. I ne samo ovo, mnogo drugih stvari je naslijeđeno. Ali evo, nastojimo da to rješavamo step by step. Korak po korak. Prvo prioriteti jer smatram da se ne možemo baviti nekim stvarima da smo prije toga zanemarili sistem popravke gdje smo omogućili da ne bude redukcije. Moramo na neki način ali ova diskriminacija će se morati eliminisati. Imamo mi tu još elemenata i tehničkih i tehnoloških koje ćemo uključiti da sistemom većeg nadzora softverskim vođenjem itd, izbjegnemo sve ove probleme koji će biti sa bilo kakvom diskriminacijom. Biološki minimum, ova suša je učinila svoje i ovo pokazuje kakva je situacija kod nas, ako je Bosna takva kakva jeste. Ali evo jedna možda konkretna stvar koja bi se mogla riješiti na neki način, to je sada novi projekat. Mi dnevno iz Butila 166.000 kubika vode čiste vode izbacimo prerađene u rijeku Bosnu. 166.000 kubika. 50 miliona kubika na godišnjem nivou. Dakle ja ne znam sada, ali ta dionica od našeg izvorišta, od našeg filterskog postrojenja pa tamo do spajanja sa Željeznicom, tih nekoliko metara ili stotina metara ili ne znam ni ja koliko, možda se ta voda može ubaciti u taj dio, zbog biološkog opstanka životinja i ostalo. Znači ta je moguća opcija i šteta je velika da vodu koju mi na Butilama dobijemo, ta voda je tehnički ispravna, njoj treba samo zadnja faza a to je eventualno koagulacija, flokulacija u kojoj ćemo još dotjerati i hlorizacija. Znači da na neki način je učinimo i mikrobiološki čistom. Ta voda na zapadu i nekim drugim krajevima, Turska ona se pije. Da sada ne govorim za arapski svijet. Ona bi bila za arapski svijet idealan voda za piće. Ali činjenica je da zaista skoro 2000 l/s vode dnevno ispuštamo, odnosno 166.000 dnevno ispuštamo u rijeku Bosnu. Na taj način mi pomažemo Crnomorski sliv i kompletan vodotok rijeke Bosne da bude u najboljem najekološki prihvatljivijem dijelu. Govoreno je nešto vezano za Trnovo, Crna rijeka, Babin do, ne znam da li je gospodin Marić, da li me je razumio kada sam govorio u prvom dijelu svog izlaganja prošli put da smo mi već bukvalno mi smo već na putu da Bjelašnicu prebacimo na Trnovo, a svakako Crnu rijeku treba sačuvati i treba ozbiljno razmišljati da se napravi jedan mega projekat gdje bi Sarajevo dobijalo vodu gravitacijom. Na taj način zamislite mi godišnje 10 miliona maraka dajemo za struju. Evo sada zamislite da sa tog dijela uzimamo vodu i da ne plaćamo 10 miliona KM, za nekih pet, šest, deset godina maksimum bi se investicija otplatila samo po osnovu struje, da ne kažemo po nekim drugim stvarima jel. FOPIP to je program unapređenja finansijski i operativnih performansi preduzeća. Kada se radi projekat EBRD oni žele da uz taj projekat ide i taj tzv. FOPIP. Zašto? Da se prave usporedbe i da se vidi koliko ono što se radi operativno na terenu, koliko je to finansijski isplativo. Stranci, Europska banka, Svjetska banka i svi oni koji daju pare žele da vide kakva je to finansijska mogućnost preduzeća u odnosu na operativnost. I taj FOPIP je trebao da ide paralelno sa EBRD-om, pošto se iz EBRD to finansira, to su grant sredstva. To su sredstva grant. To nije kredit. FOPIP nije kredit, to je grant. I taj FOPIP je pao zajedno sa EBRD mi ćemo raspisati novi tender, novi natječaj za FOPIP da bi našli neku kuću koja će da prati finansijsko operativno poslovanje našeg preduzeća. Vezano za hlor, vezano za ovo stanje kada se tiče Bačeva, hlorinacije, mi smo, i to sam zatekao. To je klasični hlor koji je naravno dozvoljen, iako u nekim državama je to malo zabranjeno da kažemo. U nekim državama EU-. Mi smo te da kažemo razmišljali o tome da vidimo da ove godine možda nešto napravimo dalje, a to je da umjesto klasičnog hlora uzimamo hlor dioksid koji je dozvoljen u svim zemljama Šengena. Ako to mognemo da uradimo prije nešeg raspisivanja tendera tamo kada će to već biti, to je krajem ove godine, za iduću godinu imali bi možda umjesto klasičnog hlora, hlor dioksid koji je kudi kamo zdraviji, bolji za zdravlje građana. Cijena vode, vjerovatno se smatralo upravo ovo za bacanje na Bjelašnicu, itd. Pa žalosno je zaista da vodu uzimamo u zadnjoj tački. Znači voda sa 2200 metara, ili koliko već nadmorske visine dođe na 450 metara nadmorske visine i onda je mi sa 450 metara bacamo ponovo na 2000 metara.

Ustvari mi je bacamo prvo ide do Mojmila, odnosno do Hrasnice, ide potom na Hrasnički stan i mi gledajte u jednom trenutku bacamo vodu na visinu 850 metara. 85 bari je opterećenje. Pa mislim koja je to struja, koji su to gubici, koja je to cijena vode? Znači da je gora vode 40 KM po kubiku bila bi, ne bi bila skupa. Sada evo mi smo već uradili, pokrenuli smo taj proces i nadamo se da ćemo u narednih nekoliko dana taj dio eliminisati. Tako da mislim da ćemo na ovaj način riješiti ovo pitanje koje je gospodin Marić postavio. Kompenzacija vode Istočno Sarajevo kanalizacije koju oni koriste. Mi smo bili kao uprava gosti direktora VIK-a Istočno Sarajevo, gospodina Jovana Katića koji je bio jako spreman. Jako je spreman da završimo te poslove i mi smo se dogovorili, mi smo napravili jedan da kažemo doduše to je više jedan usmeni dogovor prije konačnog sporazuma kojeg ćemo napraviti a to je da nam on odredi, da nam on ustvari kaže koliko ima priključaka na njegovog vodovodnoj mreži u Istočnom Sarajevu a da onda mi sračunamo koliko je to, koja je to cijena, kolika je cijena tog odvoda koja bi koštala te kuće, a da mi onda za taj iznos uzmemo vode. Tako da to bude kompenzacija 1:1. on kaže ako ćemo ići po nekom sistemu bez dogovaranja, ja ću kanalizaciju i fekalije u Željeznicu pa kaže imat ćete to dole. Znači mi samo možemo u jednom korektnom razgovoru sa njima doći do jednog finog sporazuma. I mi smo na pragu toga i zaista su oni spremni na to i mi ćemo vrlo brzo napraviti jedan sporazum gdje ćemo reći, mi preuzimamo ne znam 300 do 400 l/s fekalija, a za to ćemo dobiti ne znam 40 ili 50 litara vode iz Tilave i na taj način ćemo također omogućiti i povećati svoje rezerve na Bačevu. EBRD već sam o tome govorio, prvi dio je elektro energetski dio 5,5 miliona KM. Drugi dio do 10 miliona je 4 miliona rekonstrukcija vodovoda, narednih 10 miliona eura će ići kada ovo završimo. Vjerovatno će tu biti rekonstrukcija vodovodnog sistema i eventualno softversko vođenje sistem daljinsko rukovođenje kvarovima itd. Kako bi smanjili curenje vode, odnosno kako bi povećali efikasnost našeg cjevovoda. Kolektor na Bjelašnici je opravljen. To je znači veoma važno. Ovo što je bilo na Vrelu Bosne, fekalije jedne godine koje su zamutile. Odnosi se na Vrelo Bosne, to je 15 l/s . sam se odnosi na vrelo. Ne na vodozahvat Sarajevo polje, nego samo na Vrelo Bosne, i tih 15 l/s je bilo u jednom trenutku pucanjem jedne cijevi s fekalijama problem. Nadam se da je to prevaziđeno. To je bilo prije par godina, i smatram da trenutno nemamo nikakvih pokazatelja da može i jedan problem biti sa kvalitetom vode koju mi isporučujemo građanima. Gđa Duraković vezano je za ove kako da kažem slabosti naše systemske itd. 10 KM duga, 100 KM se plaća. Ovo sve što, to stoji. Ali vjerujte ne može se ni preko noći uraditi. Nama sada treba zaista vremena da poredamo. Mi 31. januara je dat rok da završimo novu sistematizaciju, novu organizaciju poslova. Mi tu moramo napraviti organizacioni sistem koji je sposoban da preuzme sve ove obaveze. Na zapadu organizacioni sistemi su oni koji rade a ne autoriteti. Dokle god bude ovaj VIK funkcionisano zato što je direktor takvi, ili neki tehnički direktor ili neko drugi, od te firme nema ništa. Kada se napravi sistem koji treba da radi, onda je pogodan. Onda nema veze ko će biti direktor. Znači mi jednostavno moramo da pravimo ambijent u svom preduzeću, da vratimo povjerenje građanima jer građani nemaju baš dobro mišljenje o VIK-u. I jednostavno sada je to zaista veliki problem i mi se nastojimo na svaki način. Ima i onih koji rade namjerno protiv. Politika je ušla u sve pore pa i kod nas. Imamo nekih inženjera ko ji ne rade ono što im se kaže. Imamo i nekih drugih koji ne rade. To su opstrukcije. Ali i te opstrukcije nadamo se da će vrijeme učiniti svoje. Vidjet će ljudi da nisu bili u pravu. Gospodin Čampara, čini mi se da je govorio vezano za Energoinvest, kanalizacija ispumpavanje. Mi imamo ugovore sa firmama gdje vršimo ispumpavanje septičkih jama. Kako god je to urađeno u svim opštinama, tako je urađeno i na Ilidži. Tako je urađeno u Energoinvestu. Mi imamo ugovore sa tim firmama. Mi to radimo iako u Energoinvestu imamo staru kanalizacionu mrežu koja je aktivna, koja još uvijek postoji. Mnogo firmi je tu otvorenu u tom dijelu. Mi želimo da napravimo ambijent tim ljudima a sve u skladu sa zakonom, da oni mogu da dobiju dozvole da rade svoj posao, da zapošljavaju. Dole je zaposleno negdje oko 1200 ljudi u tom krugu i mi smo spremni da u

skladu sa zakonskim okvirima napravimo tim ljudima ambijent. A to je da često vrlo često, po potrebi stalno, svakodnevno vršimo crpanje septičke jame, jer dole nemamo gravitaciono-kanalizacionog sistema, na žalost. Tu se mora praviti ili novi kolektor ili se mora raditi pumpanje tih fekalija, znači drugih opcija nema. A to će se znati tek onda kada vidimo šta je u regulacionom planu. To će lokalna zajednica Općina Ilidža sa svojim stručnim službama, da se vidi šta je to je li to poslovna zona, je li to industrijska zona, šta je planirano s tim. U ovoj sadašnjoj opciji kakva jeste mi vršimo stalno ispušćavanje postojećih septičkih jama. I imamo ugovore sve u skladu sa zakonom. Ovo kada se tiče akademske pameti. Pa naravno, maloprije sam rekao, pa naravno Bernulijeva jednačina je jasna, voda ide niz brdo, ne može ići uzbrdo. Znači onaj ko je projektovao sistem u zadnjoj tački nije dobro projektovao. Dakle u Zenici imamo vodovod u kojem je godišnje struje se potroši 10.000 KM a kod nas se potroši 10 miliona KM. Znači ne samo u Zenici, takva je i Tuzla, takvi su ostali veći gradovi. Sarajevo je obrnuto. 92% imamo pumpanja. Pet puta prepumpavanje. 10 miliona KM potrošnja električne energije. Pumpamo na Bjelašnicu 850 ili već koliko metara pumpano vodu goru. Pa to, mislim ta pamet vjerovatno nije dorasla, ili nije. Mi znamo prije rata da su bili projekti Crna rijeka da su bili projekti i neki drugi itd ali zašto se na to čeka. Da li je neki drugi lobi, karikiram, elektro ili neki drugi da kaže pa hajmo mi struju ćemo plaćati, jer 10 miliona KM to su značajna sredstva, ubire Elektroprivreda. Šta je tu u pitanju ne znam. Ali tehničko rješenje nije dobro. Gdje god smo došli u Njemačku, Švedsku, Holandiju pitali su nas ima li i jedan inženjer u vašoj firmi. Reko ima 76 inženjera. Pa kaže kako ima inženjera kada vi 92% pumpate vodu. Evo sada smo bili kod prije mjesec dana kod gospodina Forte došli su iz Giza, to znamo Njemačka jedna velika kompanija koja se bavi vodama, i pitao me je gospodin zaista ja vas ne razumijem. Vi za nas ne postojite. Vi za nas ne postojite jer vi 92% vode pumpate. Vi za nas ne postojite. Vi ste jednostavno amortizovana firma koja ne može da opstane. Ja kažem evo mi opstojimo i radimo da kažem ne dobro ali radimo u nekoj granici u kojoj možemo da radimo zaista. I mi ćemo nastojati ova uprava ako dragi bog dadne da tako bude da to u naredne dvije tri četiri godine popravimo na sistem makar 66 – 34. ono 2/3. A ako ne i više. Ako to uradimo imat ćemo bolju vodu, kvalitetniju vodu, imat ćemo rezerve. Onda će Bačevo biti rezerva. I neće više biti pitanje da li ima kiše ili nema kiše. Tako da to je jednostavno. O tome sam htio da kažem, ja nisam gospodine Čampara, ja nisam ta pamet. Ja sam samo onaj koji sam prepoznao problem a vjerovatno će pamet neka doći koja će to uraditi. Ko je isključen? Isključeni su hoteli Ilidža 18. juna smo isključili hotele Ilidža sa VIK-a. Kako oni rade, kako oni i dalje rade to nije više pitanje JP VIK. To pitajte nekog drugog. Koga ćete pitati ne znam. Evo ja nisam ni pravnik ni ekonomista, ja sam mašinski inženjer. Koga ćete pitati ne znam. Ali oni rade. Isključen je i hotel Green prije nekog vremena, i on radi. Znači kako radi, ne znam zaista. Ali očigledno da rade jel. Mi ne možemo dole da uđemo. Naša se voda koristi. Eto tako, to je ovako. Mi ćemo isključiti i sve ostale. Mi smo bili u kontroli u Coca-Cola vrlo brzo ćete dobiti izvještaj. Ova Vlada možda i Skupština šta smo, kakav je tamo nalaz. Imamo dogovor jedan sa Holivudom i Hilsom, sa njima da razgovaramo također o odvodnji. Ali šta je suština. Suština je da se zahvati 2 do 3 miliona litara vode tu, a za odvodnju nema ni marke. Ta praksa neće moći. Ili će moći. Ali evo građanstvo treba da zna. Ovo su štete milionske, a to će vrijeme pokazati ako bog da. Dalje, gospodin Vreto, mulj na Butilama. Faza II je završena na Butilama. I evo sada ću vam reći, to je najveći ekološki projekat na Zapadnom Balkanu u zadnjih pet godina. Najveći projekat. I evo 99 % građana Sarajeva to ne zna. Ne znaju ni zastupnici ovdje. Znači mi 2000 l/s vode tehničke vode koja se može piti ako se kloriše izbacujemo iz sistema. Međutim, ne znam evo, nemamo još upotrebnu dozvolu. To je sada. Nadamo se da ćemo je dobiti brzo jer mislimo da su sve izvršene sve te stvari. Taj mulj, mi ga privremeno ga tu lociramo u krugu Butila. On bi se trebao rješavati u nekoj fazi III: znači Butila faza III. Da se smanji ta količina. Ne može raditi to VIK. To je mega projekat. Prema tome, vjerovatno u nekom narednom periodu ćemo

tražiti da li su to grant sredstva da se riješi. Da li će se rješavanjem Smiljevića moći riješiti i pitanje Butila. To su stvari koje mi objektivno možemo dati samo neke ulazne parametre a ne možemo mi to riješiti. Ono što se čuje to nije mulj koji je tu da znate. Ono kada se malo čuje iako kada prođete kraj Visokog čuje se pet puta više. A naseljeno je mjesto, ali eto niko ne komentariše jer tamo 2000 ljudi vjerovatno radi i niko. Ovdje vidimo da imaju te, kao čuje se kada se ide onim putem. Međutim to je zbog procesa koagulacije u onim bazenima. Tako da bez obzira kolika će biti količina mulja u konačnici taj će se proces uvijek čuti. Jedino da to zatvorimo u neku fabriku da nije pod vedrim nebom i da imamo nekakve prečistače tog mirisa, ili kako se već zove smrada, ne znam ni ja. To je činjenica. Taj mulj se nadamo da će u nekoj fazi III otići da će on biti. Iznad 700 metara Rakovica općina zašio nema vodu. Pa gledajte, mi smo za svaki slučaj gdje god se radi cjevovod mi dajemo stručno mišljenje. Mi kažemo ne možete preko te kote jer hidraulički nije moguće. Matematski nije moguće. Zašto? Pa ako imamo rezervoar na 680 metara, pa naravno da ne možemo na 700 metara vodu izbacivati. To je sasvim normalno. Da bi izbacivali onda moramo praviti neku podstanicu, neki hidrofleks ugrađivati. To je struja, to je ovo, to je ono. Ali i to nije problem ako se dogovara i razgovara sa Ilidžom. Ja moram reći, evo bez obzira na sve to, mi se dogovaramo i razgovaramo sa Ilidžom. Ne interesuje nas uopšte koja je politička opcija. I zaista smo napravili već evo i za ovu stvari za sve ostale stvari dobre poteze. Dobru saradnju smo pokazali. Dobre razgovore. Imamo dobre zaključke. Mi smo sa Novim Gradom neki dan dogovorili ina Zabrdju, na Briješću gore kanalizaciju koja je nemoguća misija bila. Mi smo dali svoju da kažemo saglasnost i učešće u tom projektu da se završi ta kanalizacija. I ne znam šta već, da spominjem Centar, Vogošću itd. Jednostavno lokalna zajednica i VIK su otvorili vrata i za svaki problem koji stoji ovdje on će se rješavati na tom fonu. Gospođa Kristić hoteli. To sam već odgovorio. Hoteli Ilidža nismo ušli u njih. Od 18. juna oni za nas ne postoje. Troše vode, koliko troše, šta troše ne znamo. Koliko, šta je dalje? Ne znamo. Eto ja neću dalje ništa govoriti. Gornja Breka ulica Nedžada Musića. Ovdje ova se dionica ne može raditi dok ne uradimo prije toga donju dionicu, a to je Gornja Breka odnosno ulica Hamida Beširevića jer ona je recipijent znate. Ne možeš raditi kanalizaciju negdje a da je ne možeš negdje ubaciti. Moraš prvo napraviti ono odakle će ići ta kanalizacija. Kada napravimo taj recipijent onda ide ona u recipijent. Mi smo u toj fazi razgovara sa općinom Centar da se ide u te razgovore i baš je bio ovaj gospodin Karamustafić prije nekoliko dana i već smo o tome razgovarali. Nadamo se da će to biti u nekom skorijem periodu. Zašto se mijenjaju novi satovi. Ne znam o čemu se radi. Ali imamo jednu varijantu. Mi imamo pametne satove tzv sa modemom gdje s eoni očitavaju daljinski. Imamo svoje centre. E sada šta se može desiti? Ako imamo neki slučaj gdje mi želimo da posebno očitavamo, ugradimo taj sat, ali ako nakon pet, šest mjeseci nema više potrebe za tim satom koji je ugrađen, mi ga skidamo i stavljamo drugi. Moguće je da se novi satovi mijenjaju samo iz razloga što se radi o tzv pametnim satovima sa lođerom „data loggerom”, tzv pametni satovi. Ako je to u pitanju, ako ne onda sam spreman da odgovorim kasnije ono što je neko htio drugo da kaže. Nahorevo. Imali smo čini mi se par pitanja za Nahorevo. Gledajte, čim sam došao ovdje 15 juna načelnik Opštine Centar mi je na prvom radnom sastanku, jer prvi sastanak koji smo imali mali smo s opštinom Centar. Naša četiri direktora i njegovih četiri pet pomoćnika, sjeli smo i dogovarali smo. On mi je odmah rekao šteta je da na JKP Vareš održava sistem Nahoreva. Odmah smo mu rekli nikakav nije problem izaćemo na teren. Izašao sam na teren, pet puta sam bio na Nahorevu. Pet puta. I vidjeli smo određene anomalije. Rekli smo mu, ne može, rekli smo im, pardon, općini Centar da se moraju izvršiti određene korekcije. A to je, jer u šahtovima smo vidjeli fekalije. U šahtovima za vodu smo vidjeli da su bili puni fekalija. Tri šahta. Rekli smo ova tri šahta morate izmjestiti. Morate ih rekonstruisati. Zatvarači, znate kada ide, onaj koji izvodi, izvođač radova, njemu je teško u asfaltu da napravi kapu neku i da može tu da bude zatvarač za neku sekciju. Nego šta uradi? On spuca asfalt a to što ti sutra ne možeš tu sekciju da zatvoriš vodu

kada je kvar. E šta su uradili gore, ista stvar. Znači zatvarača nema, a kada nestane vode, kada je problem na jednom mjestu mora se zatvoriti vodovod. Cijeli sistem. Međutim rekli smo im ovako pošto je to problem koji mi ćemo riješiti, jer nama je interesu da to riješimo, imamo građane, mi ćemo i takav preuzeti i 08.10. je trebalo da bude preuzimanje tog nahorevskog cjevovoda. Znači 08.10 smo mi trebali da uđemo da to preuzmemo i da sa tog cjevovoda napojimo 18 kuća na Poljinama i 34 kuće na Kromolju, kako se zove Gornji Kromolj. Međutim do dan danas nismo dobili povrat i ne znam o čemu se radi. Ali evo koliko sam razumio da će naše tehničke ekipe VIK i općine centar izaći ove sedmice na teren da to konačno riješimo jer ipak su tu u pitanju građani. Građani moraju da imaju vodu. Ja mislim da sam ono što sam zapisao da sam odgovorio. Ako ima nešto još ja sam na raspolaganju. Hvala vam.

Predsjedavajući:

Samo sekund ostanite. Bibija Kerla nije dobila odgovor. Ima li neko da nije dobio odgovor. Kerla, Marić, Vreto.

Poslanik/zastupnik Bibija Kerla:

Ja nisam dobila odgovor na dva pitanja i jedno mi je skroz ostalo nerazjašnjeno. Ja sam pitala koji je ukupni akumulirani dug sa danom 30.10.2019.. ja nisam pitala dug za 2019? nego sam pitala koji je do sada ukupni dug VIK-a?

Direktor Enver Hadžiahmetović:

dobit ćete tokom to tokom dana ili sutra. Je li problem?

Poslanik/zastupnik Bibija Kerla.

Ali imali ste sat vremena da se pripremite. Zato smo vam dali.

Direktor Enver Hadžiahmetović:

Pa da sam imao tri dana, nemam informaciju tu sada. Evo mi ćemo vam prva sekunda koja budemo imali mi ćemo vam odgovoriti. Eto.

Poslanik/zastupnik Bibija Kerla.

Govorili ste o individualnim bušotinama koje ste sada spomenuli kao neke tužbe u vezi tih individualnih bušotina ali niste donijeli prije toga nikakvu odredbu ili bilo koji Zakon koji bi regulisao naplaćivanje tih vrsta voda koje su ljudi sami sebi napravili. Pa me interesuje zašto retroaktivno naplaćivati nešto ukoliko nije bilo u Zakonu predviđeno.

Direktor Enver Hadžiahmetović:

Znači u Zakonu je predviđeno da ne možete imati dvojno korištenje vode. Znači ne može. Zakon kaže ne može. Dalje, ako si to radio, mi ti možemo naplatiti samo zadnje tri godine kao pravnom licu. Fizičkom licu samo jednu godinu zato što nastupa zastara. Ono što je bilo prije tri godine, mora neko odgovarati. I neko će odgovarati zato što od 2004 do 2016 godine niko nije fakturisao to. To će neko odgovarati vjerovatno. Trebalo ako bude države. Ako ne bude, onda ne treba ni nas biti ovdje.

Poslanik/zastupnik Bibija Kerla.

Ja imam primjer gdje ima već pet godina dug.

Predsjedavajući.

Kolegice Kerla molim vas da diskutujete kasnije a sada smo na pitanjima. Kasnije. Sada samo

ova pitanja na ko ja niste dobili odgovor samo ih ponovite.

Poslanik/zastupnik Zvonko Marić.

Zahvaljujem predsjedavajući. Zaista vi ste po prvi put pred nama nekako mi je neugodno da vam govorim ali za ubuduće molim vas direktore, molim vas, ja mislim da vi trebate da prekinete taj kontinuitet politike koji Vlada u VIK. I da nam odgovarate na zastupnička pitanja na pravi način. U redu, ispravna je voda vi ste regulirali to što se tiče Vrela Bosne. Skinite onu tablu gdje piše da voda nije za upotrebu. Naredite da se skloni ona tabla o kojoj govorite da voda nije ispravna za piće na Vrelu Bosne. Ako je sve u redu.

Predsjedavajući.

Možete li pitanje na koje niste dobili odgovor. Ovo su komentari. Komentara nemate ljudi moji. Imate diskusije. Pitanja na koja niste dobili odgovor.

Poslanik/zastupnik Zvonko Marić:

OK. U diskusiji ću vam nekih stvari još reći. Ali neodgovorno je od vas da tvrdite na taj način kako je to sve u redu, ispravno a znamo da nije. Hvala.

Poslanik/zastupnik Elvis Vreto.

Hvala predsjedavajući. Na jedno pitanje nisam dobio nikako odgovor. Izgradnja kolektora otpadnih voda Smiljevići Zabrdje. Jeste li uključeni u planirane aktivnosti? Možete li nam dati informaciju šta se trenutno radi po tom pitanju. Na ova dva pitanja sam dobio djelimičan odgovor. Vezano za Butile. Ja nisam osporavao rad prečistača i ulaganje u prečistač. Već sam pitao ko je odgovaran što nije planirano odmah u studiji zbrinjavanja mulja. A ne da imamo problem nakon toga koji se sada pojavio i koji razumijem da vi pokušavate i želite riješiti i on će se vjerovatno u budućnosti riješiti. Na to se to pitanje odnosilo. A vezano za ovo iznad 700 metara nadmorske visine za građane koji stanuju na području MZ Rakovica, meni je zaista drago i ovo naravno nije kritika upućena vama. Drago mi je da imate jednu novu komunikaciju, zdravu komunikaciju sa lokalnim zajednicama jer jedino to način da se to pitanje riješi takav pristup. Ono što meni, malo mi smeta naravno, ja razumijem i taj segment, vi kažete mi se dogovaramo. Ja vas pitam kada ćete se vi sa lokalnom zajednicom dogovoriti, to građane interesuje i kada ćete problem taj riješiti. Ovo naravno ne aludiram. Vi ste tek tu par mjeseci. Preuzeli ste ovu funkciju i ja od vas očekujem da ovo pitanje aktuelizirate i riješite sa lokalnom zajednicom.

Predsjedavajući:

Molim sve ostale tri sata, 44 minute, na svakom pitanju diskutujete. Pitanja ponovite na koja niste dobili odgovor. Kolega Mekić.

Poslanik/zastupnik Amel Mekić:

Halapi i Rada VIK. Dva naselja prije Nahoreva, jedno pet šest kilometara. Odmah iznad pionirske doline. VIK kada će biti urađena. Postavio sam pitanje.

Poslanik/zastupnik Mahir Dević.

Pitao sam koju vrstu ugovora imaju ovi vaši konsultanti, evo nećemo ih zvati savjetnicima, konsultantima. Niste mi taj odgovor dali.

Predsjedavajući:

E dajte još to. Imate ovaj. Kolega Vreto, Mekić i Dević.

Direktor Enver Hadžiahmetović:

Alep i Rada su da kažemo bili i uvijek su aktuelni u ovim među-agencijskim razgovorima, odnosno razgovorima sa opštinom Centar. Ono što ja znam, to je da se na tom području davale dozvole kada su se kuće pravile po osnovu čini mi se septičkih jama, nepropusnih septičkih jama, koliko ja znam. Da bi mogao dobiti dozvolu da gradiš kuću morao si da. Prema tome, šta je problem. Problem je što je tu nastao jedan kaos u smislu da te jame septičke nisu u funkciji nego te fekalije idu pored i one se dole sabiru gdje se sabiru. Ono što znam da je općina centar, to pitanje stavila na dnevni red i da će se rješavati. Ali ja ne znam možda moji mogu da kažu nešto više i tome, evo ja prihvatom ali znam da je to na neki način na tapetu. Da je to na neki način u nekoj vrlo brzom bliskoj perspektivi da se to radi. Kada se tiče Smiljevića, jel ima Aida nešto, kada se tiče kolektora ovog. Mogu li da vam odgovorim to posebno ako nije problem? Znači konsultanti imaju ugovor o djelu dok traje EBRD. Pazite, došao je direktor koji je preuzeo sve iz VIK-a. VIK koji je pasivan, koji je korumpiran, koji je takav kakav jeste, ja nisam mogao, nisam taj kapacitet da mogu da stavim kompletne stvari pod kontrolu. Zbog toga smo, zbog EBRD koji je bio propao, i kojeg smo izvukli iz mrtvih angažovao ljude koji su, smatrao sam u tom trenutku da se mogu angažovati i oni su ugovor o djelu. Nisu savjetnici oni jednostavno su, nisu zapošljavani po sistemu, to su ugovori odjelu. I oni su privremenog karaktera i nadam se da će to vrlo brzo biti kraj toga. Ja se nadam da će u naredna mjesec dana, kada EBRD krene svojim tokom, više neće biti potrebe za tim. Savjetnike nemam.

Predsjedavajući:

Direktore evo, kako se ovo zove vatreno odmjerenje snaga. Ovako vam je to, ovo vam je Skupština Kantona.

Direktor Enver Hadžiahmetović:

(direktor je u početku govorio bez mikrofona) ja prihvatom svaku stvar koja je dobro namjerna. Ja znam da ono što on radi da je to dobro namjerno. Znači mi smo spremni za svaku stvar koju nam kažete da je primjenjujemo. Ne samo vi nego svi ovdje iz ovih klupa. Nije nam želja da na bilo koji način bilo šta protežiramo osim napretka. Prema tome, sve što budete, spreman sam 24 sata, moj mobilni telefon je na svim društvenim mrežama, i gdje god, imate u svako doba dana i noći. Interes je da popravimo stanje, a vjerujte da ovo stanje nije tako jednostavno posložiti.

Predsjedavajući:

Hvala vam. Idemo na raspravu o informaciji o stanju snabdijevanja Kantona Sarajevo vodom. Kolega Mahir Dević prvi se javio.

Poslanik/zastupnik Mahir Dević.

Hvala. Namjerno u uvodu u ovu tačku sam postavio ova pitanja ciljano da bih se mogao uporediti neki period. Doduše on je uzet u obzir kvartalno. I vidimo da tu nema nekih značajnijih statističkih pomaka. Ono što ima jesu neki projekti koje je radila i evo osmislila i prethodna uprava. Naravno uvijek se uprava naslanja na upravu, ne dođe neko što kažu na neki prazan prostor pa da on počne od nule. I razumljivo mi je da i direktor je tu jako kratko, svega nekoliko mjeseci. I mi i ne možemo očekivati na neki način neke što kažu velike

rezultate. Malo mi je ovo frapantno ostalo ipak dovođenje četiri, pet ljudi kao u smislu ja ulazim u neki sistem ko ji je korumpiran, koji je ovakav, onakav, trebaju mi ljudi imamo tamo ljude ko ji su zaposleni, koji rade na plati, tako da zaista direktore ako ima neko da je tamo korumpiran ja se nadam da ste takve prijavili istražnim organima. Jer ono što nas će kao Klub prije svega ovdje zanimati, prije svega to su rezultati. Nećemo širiti naravno danas posebno diskusiju, samo iz jednog jedinog razloga, zato što ćemo vam ostaviti naravno vremena i prostora da vidimo da li smo imali ponovo velika obećanja i neke isprazne riječi iza kojih ne stoji konkretna djela i mjerljivi rezultati. Tako da su ova pitanja otprilike išla u tom pravcu. Naravno mi ne mislimo zaista da je rješenje da mi kupujemo vodu sa Pala i sa Jahorine itd. Niti to sistemsko rješenje treba da ide po nama u tom pravcu. Mi treba da imamo sistem koji je u potpunosti u našim rukama, koji ne treba da bude sutra neka pozicija za trgovanje, za pregovaranje, za ucjenjivanje itd. Podržavamo naravno ukoliko ste pojednostavili ste to kao da je to vrlo jednostavno uraditi, promijeniti način snabdijevanja i smanjiti troškove. Podržavamo takvu vrstu priče. Evo svjedoci smo da je i prethodna uprava nešto tako pokrenula, željeli bi da uspijete u vašim namjerama i zaista da vidimo te pomake koje ćete vi napraviti u VIK-u u Sarajevu. Ukoliko to uradite nemojte imati sumnje da ćemo mi pozdraviti takve pomake i znati ih valorizirati na pravi način. Tako da neću danas dalje širiti sa diskusijama, sa nekim stvarima, koje vjerovatno su i vas zatekle. Ostavit ćemo vam prostora i vremena, s obzirom da imamo ovu tačku dnevnog reda kao redovnu informaciju i u narednom periodu, pratiti ćemo, ostaviti ćemo određeni vremenski period nakon koga ćemo podvući liniju, da vidimo na bazi mjerljivih podataka da li ste vi napravili iskorake u odnosu na prethodne uprave ili upravu koje su bile u VIK-u. Želimo vam u tom smislu puno sreće i nadam se da ćete napraviti neki rezultat u tom preduzeću. Hvala.

Predsjedavajući:

Hvala kolega Deviću. Dopredsjedavajući Vibor Handžić.

Dopredsjedavajući Vibor Handžić.

Zahvaljujem predsjedavajući. Imat ću kratku diskusiju. Direktore zahvaljujem vam se još jednom na izlaganju, na ovim iscrpnim odgovorima na sva pitanja koja ste dobili., mislio sam to u pitanjima postavljat ali vi ste već u svom izlaganju dali dobar dio odgovora na moje pitanje a i isto pitanje je postavio zastupnik Marić pa ste vi na to pitanje odgovorili. Meni je drago što ste vi ovdje u svojoj diskusiji, potakli i povelili priču o razlozima kašnjenja realizacije prve tranše EBRD kredita. Ja sam sa bivšim menadžmentom pokušavao kada smo imali takve informacije na sjednicama Skupštine raspraviti te stvari, međutim nikada nisam dobio odgovor od njih. Ni usmeni. A obećali su mi pismeni odgovor, pa mi ni pismeni odgovor nisu dostavili. Što je mene, iskreno da vam kažem navelo da sumnjam da je greškom ljudskog faktora, i to će se na kraju ispostaviti kao istinito, kasnila realizacija tranše, zbog greške u tenderskoj proceduri. 50 miliona KM se prošli mandat, prošli saziv Skupštine Kantona Sarajevo odlukom zadužio za rekonstrukciju vodovodne mreže. Znate li vi koliko je 50 miliona KM? I moram reći da je svaki zastupnik koji je glasao za to zaduženje bio i te kako hrabar. Jer dati u ruke 50 miliona KM nekom menadžmentu koji nije ni jednu cijev u zemlju zakopao već je počeo plaćati penale. Dakle u predradnjama smo bili 100 i koliko hiljada u gubitku, a dali smo tim ljudima u ruke 50 miliona KM. Govorili ste o poboljšanju komunikacije sa lokalnim zajednicama. Meni je to drago da ste vi tu priču intenzivirali. Ja imam jednu sugestiju za vas, molim vas radite na tome da se ta komunikacija i dalje intenzivira i upotpuni. Zato što sam ja bio vijećnik 6 godina, znam kakvi su problemi na terenu. Opština uloži 10 ili stotine hiljada KM da rekonstruiše određenu ulicu, onda VIK za mjesec dana izađe na teren, raskrči tek asfaltiranu ulicu da promijeni kanalizacionu cijev i ona je već svježja za ponovnog renoviranja. Molim vas da intenzivirate tu komunikaciju, odnosno

da imate sa lokalnim zajednicama tu sinhronizaciju kada se radi opravka ulica, i kada ujedno treba popravljati kanalizaciju. Ja iskreno da vam kažem, vi niste dugo tu, vidim iz vaših izlaganja iscrpnih da se vi i te kako miješate sebi u posao. Ja vas ohrabrujem da nastavite istim tempom. Vi radite, vratite vi građanima normalno vodosnabdijevanje, vratite ove nelegalne priključke. Natjerajte ih da plaćaju onoliko vode koliko troše. Neće vas niko od nas ni zamarati ni pitati koliko konsultanata imate. Sto ih imajte ako treba samo da građani imaju normalnu isporuku vode. Zahvaljujem se.

Poslanik/zastupnik Zvonko Marić:

Zahvaljujem predsjedavajući. Dakle nastojat ću ne dugo s obzirom da uvažavam sve ovo što je direktor rekao i znam s kojim se problemima susreće i volio bih da samo direktor kako je prepoznao da su moje dobre namjere, isto tako ja prepoznajem u njegovom istupu dobre namjere, međutim potkralo mu se nekoliko stvari, ne zbog njega možda, nego suradnika koji ga pripremaju za ovakvu vrstu istupa. Samo ću vam reći nekoliko stvari direktore. Naravno želim da uspijete u ovome i nadam se da ćemo surađivati s obzirom da sam ja stjecajem okolnosti predsjedavajući Komisije koju ste pomenuli, a u čijem resoru je upravo i VIK. Vi ste rekli da nikada niste čuli o pomoru ribe. A ja sam na sjednici, evo ima, ja ću vam reći mislim da bi ljudi iz vašeg poduzeća morali da vode računa jer nikada ne pitam nešto na pamet. Nastojim da bude to vrlo ozbiljno i argumentirano. Kaže ovako: „Zastupnik Zvonko Marić je na 13. radnoj sjednici Skupštine Kantona Sarajevo održane 25.09.2019 u okviru tačke dnevnog reda Poslanička pitanja i inicijative i u skladu s Poslovnikom itd. U prilogu kaže izvorišta pomora ribe”. Ja sam postavio to pitanje. O tome su mediji govorili i ja sam sukladno tome postavio to pitanje i tako da ne može se reći da vas niko nije izvijestio o tome, a tim prije što su i mediji pisali o tome. Ja sam maloprije pokazao korito rijeke Bosne kako otprilike ide i šta se zapravo tamo dešava. I fotografije vam mogu ustupiti vrlo rado. I volio bih da gospodine direktore također imate u vidu zaključak prethodne Vlade, u vrijeme kada je čini mi se premijer bio i predsjedavajući Konaković donesen jedan zaključak da se Bags i Peračka vrela ustupe VIK-u. Ako ima potrebe, ako želite ja ću vam pročitati šta ovdje piše, da bi ste vi trebali preuzeti sve ono, jer je to vlasništvo Kantona Sarajevo. I morate voditi računa o tome. Ja znam da ste tek tu, ali ovo potpuno dobronamjerno govorim, iz prostog razloga što kaže dosadašnje raspolaganje i korištenje cjelokupnog vodovodnog sistema od strane preduzeća Bags energotehnika d.d. Vogošća nije imalo zakonsko uporište. Ali niko od nadležnih organa i institucija nije ni bio zainteresiran za bilo kojim promjenama, podržavajući prešutno status kvo. Ono što je neupitno, uvažavajući postupanje u skladu sa zakonom je da se navedeno izvorište transportni cjevovod sa pripadajućim opremom i objektima, te distributivna mreža, zaključno sa priključcima, pazite ovo sada, pojedinačnih potrošača mora odmah preuzeti od strane KJKP VIK Sarajevo u skladu sa ustavnim nadležnostima, zakonom i provedenim propisima. Dakle to piše. I ja insistiram samo da se, direktore ako mogu da vas zamolim, kada postavljam pitanja, to ja činim dugi niz godina, za ispravnost vode. Nemojte vi da se utrkujete da odgovarate, jer ja vas i ne pitam to pitanje vam ne postavljam. To što vi mjerite za ličnu upotrebu, za internu upotrebu VIK-.a o ispravnosti vode. Pa ne znam da li je vama u interesu da preuzimate odgovornost što ste naslijedili neispravnu vodu za piće? I vama je u interesu da se angažira neko, ili to će Vlada učiniti, ili resorno Ministarstvo itd da se neka neutralna agencija koja ima ISO standard, za razliku od svih drugih koji u BIH nemaju, izvrši mjerenje i da znate, i da podvučete crtu i da kažete od danas je nova politika, pokušat ćemo da popravimo kvalitet vode u svakom smislu kako bi građani napokon dobili zdravu vodu. Vodu za piće, a ne tehničku vodu. I nema potrebe da se oglašavaju niti vaše strukture niti vaš menadžment vezano za to, jer nisam vama postavio pitanje, i ne znam otkud vi u tome. Pazite, kada mi Zavod za javno zdravstvo odgovori sljedećom rečenicom: „O svim odstupanjima blagovremeno izvještavamo inspeksijske organe”. Ako je voda ispravna, o

kakvim odstupanjima je onda riječ. Ne razumijem. Dakle treba ponekad pročitati između redova. Ja sam novinar, ja to znam da pročitam. I neumjesno je od njih da odgovaraju na takav način. Zato znam da imate pune ruke posla. Ne bih želio da vam otežavam. Mnogo toga bih još mogao da kažem i o cijeni vode, itd. O ekonomskoj, i svemu onome o čemu sam u prethodnom mandatu govorio, ali eto treba vam dopustiti da dođete do daha i da napokon okrenete jedan novi list kada je riječ VIK, gdje je složena situacija uvijek bila. Ja to što vi radite, nikada ne bih radio. Hvala.

Poslanik/zastupnik Bibija Kerla:

Prije svega da se zahvalim direktoru na iscrpnom izvještaju, na iscrpnim odgovorima na pitanja, međutim moram da priznam da nisam zadovoljna na najvažnijem pitanju a to je dug VIK-a u ovom trenutku. Mene u po noći da neko probudi da pita Biba koliko vam je lični rekord na 500 metara u brzom klizanju, ja ću reći 44,60. Znači, direktor VIK-a trebao je istog momenta kada je došao i sjeo na stolicu i pita koliki je dug VIK-a u ovom momentu. Isto tako mi se desilo danas da premijer KS ne zna izvršenje budžeta na današnji dan, a znamo vrlo dobro svi da je to tačno. Znači nemojmo se igrati nekih stvari koje nisu za publiku. Znači trebamo da odgovorimo tačno na ono šta se pita. Toliko hvala lijepa.

Poslanik/zastupnik Bilsena Šahman:

Hvala. Ja zaista ovog puta moram ovog direktora da pohvalim. I da kažem da je ovo primjer čovjeka koji je došao iz struke. Za četiri mjeseca je ovdje nama odgovorio na 95% pitanja koja smo postavili. Evo ne znam, sada sam vam proguglala i biografiju i zaista se vidi da ste čovjek iz struke gdje ima dosta i privatnog sektora, da ste radili, i samim ovim što ste pokazali da ste zadržali svoje izvršne direktore koji su ljudi iz struke, ste pokazali da politika treba da igra ulogu u javnim ustanovama, ali ne i politikantstvo i mijenjane statuta i akrobacija da bi se uhljebili neki, nego ste zadržali struku i svaka vam čast. Hvala.

Poslanik/zastupnik Damir Nikšić:

hvala. Slično kao i u slučaju deponije Smiljevići, prošli put, pretprošli put, ja i u ovom slučaju mislim da jedan direktor ne može ni promijeniti ni spasiti stanje VIK-a u gradu i Kantonu i mislim da je problem mnogo veći i da kao što smo čuli, razni sektori moraju surađivati. I čuli smo ovdje i da se zabetonira taj poklopac, to šta je bilo. Znači ovi koji prave ceste rade na svoj način, niko nikoga. Preklapaju ste ti neki planovi i dužnosti. Sektori moraju sarađivati i mi zastupnici isto tako. Osjećam da mi zastupnici moramo podržati ne biti previše kritični s obzirom da se radi o havariji grada koju smo dopustili, dozvoli da se ovih godina pred našim očima desi. I moramo zamoliti javnost da shvati problem, da shvati u kakvom smo problemu jer imamo totalno nekontrolisan, koliko sam shvatio, nekontrolisanu i bespravnu izgradnju, imamo zagađenje isto tako nekontrolisano zakonima, i svim i svačim. Ne znam ni kako će kanalizacija istrpiti i kako će voda doći do svih tih stambenih jedinica koje su izgrađene. Kako i kojim dozvolama i na koji način. Mislim stvarno ovaj direktor se nalazi u veoma, uspjeli smo zaključiti veoma nezavidnoj situaciji. I mislim da ne trebamo sada biti previše strogi kao što vidim da postoje neke tendencije ili ne znam šta. Mislim da moramo kao što sam i prošli put rekao, da moramo svi zajedno da djelujemo ako želimo da vidimo ovaj grad da uopšte postoji kao funkcionalan grad za jedno pet ili deset godina. Tako da u tom duhu bi i s tom porukom bi eto završio ovu moju raspravu. Hvala.

Poslanik/zastupnik Mirza Čelik:

Zahvaljujem predsjedavajući. Pa evo ja sam postavio nekoliko pitanja uvaženom direktoru i zaista evo ohrabren sam nekako i nadam se da ćemo svi zajedno u narednom periodu, ovo što sam kazao za Ilidžu iznaći i sredstva i mogućnosti VIK-a i posebno resornog Ministarstva da

se ovi ključni problemi na području općine Ilidža riješe. I nadam se da prije nacrt budžeta kao što sam i kazao da će direktor sa resornim ministrom i sa načelnikom općine Ilidža iznaći mogućnost da sjednu i da se probaju dogovoriti neke stavke koje će se unijeti u Nacrt budžeta, kako lokalne zajednice Ilidže, tako i Nacrt budžeta Kantona Sarajevo. Ponovit ću da je rezervoar Crvine zaista nešto što treba MZ Blažuj i Osijek u vodosnabdijevanju od 1400 metara kubnih. Rezervoar je nešto što bi riješilo uveliko vodosnabdijevanje tog područja i mislim da bi zaista u narednom periodu 2020 budžetsku godinu trebalo riješiti izgradnjom vodovodne mreže u ulici Bunica Hrasnica. Evo planirano je nekoliko oko 300 metara i ulica Pandurica, Stari Kovači u MZ Hrasnica II u dužni od 2600 metara. Mislim da projektna dokumentacija za sve ovo postoji i saglasnost lokalne zajednice za sufinansiranje tu, tako da evo i ova Rakovička cesta, mislim da 2600 metara je planirano. Ove podatke dobivamo od stručne službe općine i mislim da evo oni su spremni zaista svi da se krene u realizaciju. Izgradnja kolektora otpadnih voda u Rakovici III faza. Mislim da je to nešto što bi trebali završiti. To nije nešto sada pretjerano ni puno novaca, ali znamo svi šta znači za Rakovicu, problem ovih voda. Butmirska cesta, tamo se nije ulagalo dugo vremena, a evo kada prođete Ilidžom, Butmirskom cestom tamo kada su kiše velike imate često zakrčenje saobraćaja, pa čisto zbog tih otpadnih voda i projekat je ja mislim 1,6 miliona. Lokalna zajednica bi zaista značajna sredstva odvojila za ovaj projekat i još dva projekta koja ću napomenuti, a to je rekonstrukcija fekalne kanalizacione mreže u ulicama Stari drum, Halida bega Hrasnice, Vrelo i Bunica II faza, kao i izgradnja fekalne kanalizacione mreže u ulici Vlakovo u iznosu od 300. 000. i evo nadam se da ste sve zapisali i da ćete zajedno sa resornim ministrom posjetiti lokalnu zajednicu i zaista krenuti u realizaciju ovih projekata. Hvala još jednom.

Predsjedavajući:

Kolegice Kerla vama je druga diskusija. Ja koristim pravo na prvu, pokušat ću da ne budem širok iako bih zaista volio danas o VIK govoriti na dugo i naširoko. Ne bih nas vraćao ali bih nas ipak podsjetio na period od prije nešto malo više godinu i po, dvije dana, u kojima je ovo bio grad sa redukcijama koje su u kontinuitetu trajale 15 godina. Intenzivirale su se u periodu od prije 2 godine i na dnevne redukcije. Ako se sjećate za neke vjerske praznike nije bilo vode u jutarnjim satima. Stanje u Sarajevu je bilo katastrofalno. Menadžment koji je bio prije ovog menadžmenta bolje je radio posao od prethodnog. I ja sam ne želim sada da govorim o svojoj ličnoj ulozi o tome i onih koji se danas hvale tim menadžmentom. Vrlo korektno su uradili neke procese koji su bili najbitniji. Oni se zovu otklanjanje kvarova na vodovodnoj mreži, kojih je u tom periodu, podsjećam nas sviju, na dnevnoj bazi bilo više prijavljenih nego otklonjenih. Tako da je pored evidentiranih 1000 i nešto kvarova, svakodnevno rastao broj kvarova. I podsjećam da smo tada u VIK imali tri ekipe za otklanjanje kvarova i da smo tada u onim famoznim javnim nabavkama kupovali putnička vozila umjesto bagera, a smo kupovali skupe telefone umjesto krampi i lopata. I da smo, moram reći zaslugom tadašnje Skupštine Kantona u jednoj maratonskoj sjednici u Gradskoj upravi, Skupština mimo politika odlučila da tamo mimo politika promijeni drastično stanje i zbog toga mi danas imamo, možemo to slobodno reći, uredno snabdijevanje. Pored svih zasluga u proteklom periodu, ja ipak tek sada mogu odahnuti, jer mislim da je ovaj menadžment na viši nivo podigao ozbiljnost procesa u samom VIK-u. Iz ovih nekoliko strana vidi se nekoliko ozbiljnijih i mnogo bitnijih strateškog pristupa rješavanju ovog problema. Prvi put ogovorimo o tome da ćemo imati pravu kalkulaciju vode, da znamo šta nam znači formalno to što na Sedreniku iz osam, devet puta prepumpavamo, i koja je objektivna realna cijena takve vrste isporuke vode. Po prvi put ste otvorili Pandorinu kutiju koju niko nije smio. To što direktor kaže ne znam šta je dalje, ja ću vam reći par ekskluzivnih, vrlo interesantnih informacija. Kada je VIK isključio Hotele Terma sa snabdijevanja, dalje aktivnosti preuzelo je resorno Ministarstvo privrede. Pa je u nekoliko navrata poslalo dopis toj famoznoj Agenciji za slivove rijeke Save kojoj se

prijavljuju zahvaćene količine vode i onda nam je, nakon moram reći pritiska, ta Agencija dala jedan šokantan papir ko ji ja posjedujem. U kom piše da ti Hoteli ne prijavljuju godišnje geotermalnu vodu koju zahvate niti 1 kubni metar a da onu koju zahvate ustvari za nju nemaju pravo to je ova pitka, za koju nemaju te vodne saglasnosti. Više milionska je to šteta, i mogli smo je utvrditi tek nakon što ste vi uradili hrabro svoj dio posla. Da vi niste isključili, mi nikada ne bi smo došli od ovih podataka. Ima jedan šokantan podatak Federalne uprave inspeksijske koja po istoj prijavi. U jednoj je prijavljen VIK. Izade na Peračko vrelo i tamo utvrdi da nema dovoljno papira, administracije, nemate papire za vodozahvat. Naloži zatvaranje isti dan Peračkog vrela i zaustavljanje vodozahvata državnoj kompaniji izrekne sankciju. Ista inspekcija Federalna odlazi u kontrolu privatniku na Ilidžu, Hoteli Terme, ustanovi identičnu stvar, da nema dozvolu za vodozahvat i u rješenju kaže ali smo obaviješteni da je u toku sudski proces pa ćemo mi sačekati dok to završi sud. U takvoj mi državi živimo. U jednoj zaista kompleksnoj, korumpiranoj, sistemu koji se održava na vaše poslovanje. Vi ste meni personalno ulili nadu da će ovo dugoročno strateški biti riješeno. Druga stvar, kojoj se najviše u ovoj sali raduje ministar Srđan Mandić jeste što su otkočili taj proces EBRD kredita. Vama je osnivač, vlasnik Skupština Kantona Sarajevo, Vlada Kantona Sarajevo naložila kao preduzeću da implementirate zakup za koji su se prethodni ovdje sazivi borili se danima, jednoglasno donosili odluku o zaduženju a iz VIK-a nam stručnjaci govorili kako oni ne žele to da implementiraju. Tobože strah ih je hoće li VIK moći vraćati tu ratu kredita jer je on krajnji korisnik EBRD kredita. Eto neće, nego će doći neka Vlada koja će ugastiti VIK i ostavit će 450.000 ljudi bez vodosnabdijevanja. Mi to nismo mogli objasniti prethodnicima. Na tome znam koliko se Mandić iscrpljivao u pokušajima da se i do ovog FOIPA i PIU tima i procesa i tendera. Mi nismo mrdnuli ni milimetra dok vi niste došli. To je takvo olakšanje jer mi sada imamo implementaciju 50 miliona KM za rekonstrukciju vodovodne mreže u stanju kada ona već funkcioniše dovoljno dobro da vi ni sada nakon 60 dana suše niste imali redukciju. Evo pet minuta, neću dalje, to su stvari u kojima svaka vam čast. I zaista smo ohrabreni uz naravno činjenicu da ćete od ove Skupštine, onako kako ste to danas imali, sigurno biti kritizirani i pitani, ali nekako, ja mislim pogotovo narednih mjeseci kada pokažete prihodovnu stranu, kada pokažete za ovo kratko vrijeme koliko ste isfakturisali ovih nezamislivo nefakutiranih strani. Nezamislivo je da 14 godina niko nije pomislio da odvodnju fakturiše. Ja vas samo molim pošto ste stručnjaci, saberite nam to sve, saberite to u jednoj svojoj dubinskoj analizi i recite ovim ljudima ovdje koliko su nas koštali takvi menadžmenti, takve Vlade. Takvi pojedinci, da onda izračunamo koliko smo mi benefita s tim parama mogli uraditi. Samo vas to molim. Ja nekada možda izgledam kao policajac, ali mislim da je to suština. I još vas molim donesite nam brzo informaciju o svim javnim nabavkama u VIK-u o kojima mi čujemo, čitamo pa ćemo vas zamoliti da mi u jednom detaljnijem dokumentu dostavite i te informacije. I ovo je danas trajalo dugo ali mislim da je imalo smisla. I nemojte se vi uznemirivat, nije dugo bilo VIK-a i prošli put vidjeli smo da nije bila vaša greška. Korespondencija je bila. Ali smo očekivali izvještaj o radu, nije ga bilo pa su zastupnici čekali. Zato je ovo danas izgledalo kao tematska sjednica o VIK-u ali ste mogli vidjeti ozbiljnost pristupa ovih ljudi koji ovdje rade.

Kolegice Kerla druga diskusija.

Poslanik/zastupnik Bibija Kerla.

Pa ovom zadnjom rečenicom koju ste vi sada rekli oduzeli ste mi upravo onu riječ koju sam ja htjela reći. Za današnju drugu diskusiju u vezi VIK i za mnogobrojna pitanja nije kriv direktor. Kriva je Skupština i Vlada Kantona Sarajevo. Znači mi svi smo krivi jer nismo, mi smo donijeli zaključak da se svakih mjesec dana dostavlja izvještaj od VIK-a i Grasa, pa smo onda donijeli odluku da se svaka tri mjeseca dostavlja taj izvještaj. Danas smo se naljutili zato

što ni jedan od zastupnika ne zna, da li je Dević ili neko drugi tražio izvještaj od Smiljevića. A to smo donijeli zaključak na zadnjoj tematskoj sjednici da svaka sjednica treba da ima izvještaj za Smiljeviće. Znači nije kriv direktor za današnju dugu raspravu i sve ovo, nego smo krivi mi koji se ne pridržavamo svega onoga što mi sami donosimo. Hvala lijepo.

Predsjedavajući:

Hvala kolegice Kerla. Time smo, evo u 16,15 završili raspravu po ovoj Informaciji. I nema niko prijavljen. Zaključujem raspravu.

KONSTATUJEM DA JE INFORMACIJA PRIMLJENA K ZNANJU.

Idemo na tačku tri.

AD - 3.

PRIJEDLOG ZAKONA O IZMJENAMA I DOPUNAMA ZAKONA O DRŽAVNOJ SLUŽBI U KANTONU SARAJEVO - SKRAĆENI POSTUPAK

Prijedlog ste dobili uz poziv za sjednicu.

U skladu sa članom Poslovnika 158. stav 2) molim predstavnika Predlagača da nam ukratko navede razloge za donošenje Prijedloga zakona po skraćenom postupku.

Ministrica Lejla Brčić:

Dobar dan. Lijep pozdrav svima. I građanima i građankama koji prate današnju Skupštinu Kantona Sarajevo. Ispred sebe imate Prijedlog izmjena i dopuna Zakona o državnoj službi. Kako je u obrazloženju, i navedeno, radi se o vrlo kratkim izmjenama Zakona odnosno usaglašavanju sa federalnim propisom. Iz tog razloga se predlagač odlučio na skraćenu proceduru. Ako ima pitanja ja sam na raspolaganju.

Predsjedavajući:

Izvolite kolegice i kolege. Da li ima li pitanja? Nema. Ovo se tiče samo skraćenog postupka. Otvaram raspravu. Niko se ne javlja za raspravu. Ostanite tu, pošto ćete možda ustvari, ne znamo još. Zaključujem raspravu. Molim prvo službu da pozove kolege zastupnike u salu.

MOLIM ZASTUPNIKE DA SE IZJASNE DA LI ĆEMO PRETRES PRIJEDLOGA ZAKONA O IZMJENAMA I DOPUNAMA ZAKONA O DRŽAVNOJ SLUŽBI U KANTONU SARAJEVO PROVESTI PO SKRAĆENOM POSTUPKU.

Molim rezultate glasanja.

ZA 20, PROTIV 6 I SUZDRŽANO ništa. Nije glasalo 9. pa molim kolege da malo se uozbilje da uđu i da glasaju.

POŠTO JE SKUPŠTINA PRIHVATILA PRIJEDLOG DA SE PRETRES PRIJEDLOGA ZAKONA PROVEDE PO SKRAĆENOM POSTUPKU SADA MOLIM PREDSTAVNIKA PREDLAGAČA DA PODNESE UVODNE NAPOMENE.

Ministrica Lejla Brčić. UVODNO IZLAGANJE

Predsjedavajući:

Ima li pitanja? Kolegica Jasmina Bišćević-Tokić.

Poslanik/zastupnik Jasmina Bišćević-Tokić:

Zahvaljujem ministrice. Pa evo u obrazloženju razloga donošenja rekli ste da nije precizno

razjašnjeno pitanje razrješenja lica koja nisu državni službenici, a čiji se radno pravni status uređuje Zakonom o državnoj službi. Možete li to da kažete da odgovorite, da li je u trogodišnjoj primjeni tog Zakona uočeno samo to pitanje kao neprecizno ili ima i drugih pitanja koja nisu precizno definisana? Da li je bilo u vezi s tim određenih problema u samoj primjeni Zakona? Odnosno da li je urađena analiza primjene Zakona. Drugo pitanje vezano za član 1 prijedloga Zakona, evo upravo ste rekli da se iza imenovana, stavlja riječ razrješenje i da će se vršiti u skladu sa federalnim zakonom o vladinim imenovanjima. Možete li mi tačno navesti član tog Zakona koji u suštini bi radio razrješenja koji je definisala.

Poslanik/zastupnik Damir Nikšić:

Samo sam htio pitati da li je konsultovan sindikat u vezi ovoga?

Ministrica Lejla Brčić:

Pitanje zastupnika Nikšića je lakše pa ću krenuti s odgovorom na to pitanje. Naravno konsultovani su svi sindikati na koje se odnosi ovo pitanje: Sindikat policijskih službenika i oba sindikata državnih službenika na Kantona Sarajevo. Dobijena su pozitivna mišljenja. Istina, izdvojeno je mišljenje organizacione jedinice Sindikata pri Zavodu za planiranje iako moja obaveza nije da vam to iznosi ali smatram da trebate biti pravilno informisani, jednako kao što sam i Vladu prilikom iznošenja ovog propisa informisala. Tamo se spočitavalo da se na ovaj način rukovodioci diskriminišu u odnosu na ostale kategorije na koje se Zakon odnosi. Ja se apsolutno ne mogu složiti jer onda bi se moglo tretirati da su državni službenici diskriminirani u odnosu na rukovodioce u postupku postavljenja odnosno imenovanja. Jer je mnogo teži pristup državnoj službi, državnim službenicima, prolaze kroz konkursne procedure, postoje komisije, nego što je to konkursno imenovanje imenovanih lica. Tkao da evo to su bile negdje osnovne zamjerke, ali to je samo jedna izdvojena sindikalna organizacija. Tri sindikata su dala pozitivna mišljenja.

Što se tiče pitanja zastupnice Bišćević-Tokić nisam sigurna da li sam najbolje shvatila, da li ste mislili da li ima drugih pitanja koja nisu precizirana vezano za rukovodioce ili generalno za Zakon.

Predsjedavajući:

Kolegice Bišćević-Tokić iako vas pita vi se javite ja vam dam riječ i odgovorite. Vi konstantno galamite iz prve klupe. To nigdje ne piše. Ni u jednom pravilu ponašanja ne piše da vi možete vikati s mjesta iako vas neko pita. Ni ja ni vi ni niko u sali. Molim vas da se javite, i odgovorite ako vas nešto ministrica pitala. Komunicirajte onako kako je Poslovnikom predviđeno.

Dević Poslovnička intervencija. Čega član 11 na šta se odnosi, citirajte ga, šta kaže član 11. vi ćete pošto vi govorite o Poslovniku. Član 11, poglavlje 3 kaže, imate riječ.

Poslanik/zastupnik Mahir Dević:

To se ne treba kazati. Treba kazati samo član Poslovnika na koji se ja referiram. Ministrica je pitala kolegicu i ona je davala odgovor.

Predsjedavajući:

Vi mene ubjeđujete Deviću da kolegica Bišćević treba vikati iz prve klupe zato što je ministrica nešto pitala. Hajte se uozbiljite. Kolegice Bišćević-Tokić molim vas prijavite se. Nemojte više maltretirati Poslovnik. Ovo vam je drugi put Klub SDA danas.

Poslanik/zastupnik Jasmina Bišćević-Tokić
nećete me predsjedavajući uopšte uspjeti zbuniti.

Predsjedavajući.

Kolegice Bišćević-Tokić ja ne uspijevam ništa niti pokušavam. Nemojte, zato što se trebate ponašati poslovnički. Nemojte ponovo galamite. Moj posao je da držim red. Moj posao je da u ovoj sali držim red, vi galamite iz prvog reda. Dakle, niko niti, niti vas stenogram čuje, niti vas gledaoci čuju, samo vas mi u sali čujemo., dakle kršite Poslovnik. Poslovnik govori da se javite dobijete riječ, i govorite. I zato to morate shvatiti. Ja vas ništa ne učim samo ono što je moja obaveza govorim. Morate poštovati Poslovnik. Izvolite gospođu Bišćević-Tokić. Završila je gospođa Bišćević-Tokić. Ministrice izvolite.

Ministrica Lejla Brčić:

Ukoliko se pitanje odnosilo da li Postoje druga pitanja koja nisu precizirana vezano konkretno za ovu odredbu. Mislim da ne postoje jer je praktično samo nekoliko članova Zakona se odnosi posredno na ovaj član 9 koji govori o imenovanjima lica koja nisu državni službenici a primjenjuje se Zakon o državnoj službi. Ukoliko je generalno postavljeno pitanje, da li postoje druga pitanja generalno iz Zakona o državnoj službi koja nisu dovoljno precizirana postoje. Ona zahtijevaju više vremena, to je nešto što je reformski potez. U programu rada.

Predsjedavajući.

Gospođu Brčić molim vas sačekajte sekund. Gospodine Dević smirite se, nemojte galamiti iz prve klupe danas. Šta je s vama danas? Šta se dešava? Zašto galamite, moram vas upozoriti da galamite ponovo, čuju vas sve kolege. Nemojte kada neko govori stalno galamiti, nemojte vikati iz prvog reda. Niste, nemojte dovikivati bez da se prijavite. Pauza 5 minuta zbog kolege Devića.

NASTAVAK NAKON PAUZE

Predsjedavajući:

Ministricе Brčić izvinjavam se. Ja sam zaista dužan samo zbog kolega samo pročitati ono zbog čega me vi prozivate. Član 11 stav 3) na koji se vi pozivate kaže: „Predsjedavajući i njegovi zamjenici imaju pravo u svako doba dati ostavku ne mjesto predsjedavajućeg odnosno zamjenika predsjedavajućeg Skupštine. I alineja zadnja predsjedavajući Skupštine. Na to ste se vi pozvali. Član 11 stav 3). sada će kolegica drugo. A ovo što je moja obaveza i dužnost. Član 85 Poslovnika kaže: „ Poslanik/zastupnik može da govori pošto zatraži i dobije riječ od predsjedavajućeg. I to samo o pitanju o kojem se raspravlja. Dakle Poslanik/zastupnik u raspravi ne može odgovarati bez stenograma i bez mikrofona. I nema veze ko je koga šta pitao. Kada bi smo svi tako radili znate li na šta bi ova Skupština ličila. Dakle galamite, i samo vas dvoje ste prenervozni. Molim vas da se smirite i da nastavimo Skupštinu u duhu kakvom danas radimo cijeli dan. Ministricе Brčić vama se izvinjavam, zaista ne mogu dozvoliti u sali da se ovakve stvari dešavaju. Dević poslovnička intervencija.

Poslanik/zastupnik Mahir Dević:

Član 11 stav c) ne smije koristiti izraze i riječi koje mogu vrijeđati i omalovažavati drugoga i drugačijeg, izraz ili mimiku ili njihove sinonime koji vrijeđaju ljudsko dostojanstvo i

narušavaju dignitet Skupštine, te potiču na mržnju i nasilje. To je stvar etičkog kodeksa predsjedavajući. Poglavlje tri.

Ministrica Lejla Brčić:

Hvala lijepo. Nemate potrebe predsjedavajući, ni vi niti bilo ko od zastupnika da se izvinjavate nama članovima Vlade, kako je danas jasno rečeno, mi smo gosti ovdje i zaista jesmo. Ovo je vaša Skupština vi ste naš poslodavac i imate pravo na raspravu u skladu sa Poslovníkom. Dakle da nastavim. Postoji čitav niz pitanja iz Zakona o državnoj službi koja nisu dovoljno dobro precizirana. Međutim ona će biti jedan reformski proces koji će se desiti u prvom kvartalu sljedeće godine, formirat ćemo radnu grupu u kojoj će biti predstavnici sindikata, predstavnici Ministarstva, vjerovatno i eksperti sa strane, u kojem ćemo pripremiti sistemsku jednu izmjenu. Detektovali smo da postoje nedostaci i u nagrađivanju i u sankcionisanju državnih službenika što je ključno za kadrovsko upravljanje i smatram da je to prostor za unapređenje, jer treba nagraditi ljude koji dobro rade u državnoj službi. A takvih je mnogo. Ali jednako tako treba postojati prostor za adekvatno sankcionisanje onih koji ne odrađuju dobro svoj posao i ne zarađuju platu. A na žalost i takvih imamo u državnoj službi. Pitali se koji tačno član Zakona o vladinim, ministarskim i drugim imenovanjima govori o razrješenjima, to je Zakon koji je generalno jako mali, on ima nekih 16 ili 17 članova i cijeli Zakon govori o principima i procedurama imenovanja i razrješenja. Kao što sam već napomenula i sudovi su već zauzeli praksu da se ne može da lica koja su imenovana po tom Zakonu, ne mogu tražiti sudsku zaštitu, zato što im je zaštita obezbjeđena putem institucije Ombudsmana koja daje preporuke prema organu koji je izvršio imenovanje ili razrješenje ukoliko taj organ ne ispoštuje preporuke. A institucija Ombudsmana ima pravo da uputi zahtjev odnosno informaciju zakonodavnom tijelu koje onda ima mogućnost da sankcioniše. U ovom konkretnom slučaju ako Vlada ne ispoštuje preporuku, institucija uputi takvu informaciju prema Skupštini Kantona koja Vladu može sankcionisati na način da je razriješi, tj da ide u postupak imenovanje Vlade. Tako da evo , to bi bili moji odgovori vama.

Predsjedavajući:

Zahvaljujem ministricu Brčić. Da li predstavnici radnih tijela žele riječ? NE. Otvaram raspravu.

Poslanik/zastupnik Jasmina Bišćević-Tokić:

Prvo pitanje koje sam pitala, ministrica mi nije odgovorila na sva pitanja. Ali vjerovatno je to bila i poenta predsjedavajućeg u cijeloj farsu da omete ono što je trebala da odgovori. Znači pitala sam je, pošto je rekla da nije precizno razrađeno pitanje razrješenja, da zato je pravni razlog donošenja ovog Zakona o tome. Da li je uradila trogodišnju analizu primjene tog Zakona, da li je bilo drugih pitanja koja nisu precizno definisana. Da li je bilo u vezi s tim određenih problema u primjeni Zakona, odnosno da li je urađena sveobuhvatna analiza primjene Zakona. Navedeno pitam ministricu iz razloga što smatram da je trebalo uraditi analizu Zakona cijelog, te onda ići u proceduru sveobuhvatne izmjene Zakona, a ne samo jednog segmenta i to kroz skraćeni postupak. Jer se bojim da ćemo opet doći u situaciju da zbog eventualno drugih pitanja idemo opet u istu proceduru. Pitala sam vas tačno da mi definišete kojim članom Zakona o vladinim imenovanjima radite razrješenja. Molila sam vas decidno da mi kažete jer mijenjate član 22 Zakona o državnoj službi. Iz materijala koji sam pročitala piše da iza imenovanja ćete staviti razrješenja. I da će sve ići pod zakonom o ministarskim i vladinim imenovanjima. Pa ja stvarno ne mogu da vjerujem ministrici da ovakve stvari ne znate. Članom 14 Zakona o ministarskim vladinim i drugim imenovanjima u FBiH bilo je regulisano pitanje razrješenja do 2003 godine. Ali je isti brisan izmjenama i dopunama tog Zakona iz 2013 godine. Član 14 je potpuno brisan izmjenama i dopunama pa

se postavlja pitanje kako je predlagač našao uporište u nepostojećoj zakonskoj odredbi da definira predloženi član 1 prijedloga Zakona. Vi nama predlažete ovdje ministricu pravde da radimo razrješenja u skladu sa zakonom koji ne poznaje član razrješenja. I naravno da mi niste znali odgovoriti. Kako ćete odgovoriti kada u Zakonu o vladinim imenovanjima ne postoji tačno razrješenje. Naime član 22 stav 1. i 2., Zakona o državnoj službi u Kantonu Sarajevo utvrđeno je da rukovodilac samostalne uprave i samostalne upravne organizacije imenuje i razrješava Vlada Kantona, gradonačelnik, odnosno načelnik a rukovodioca uprave i upravne organizacije koje se nalaze u sastavu Ministarstva imenuje i razrješava Vlada Kantona na prijedlog ministra, a u Gradu i općini gradonačelnik odnosno načelnik. Stavom 3) tog člana utvrđeno je da se imenovanja lica iz stava 1 i 2 ovog člana vrše u skladu sa zakonom o ministarskim, vladinim, i drugim imenovanjima u Federaciji. Dakle ministrica samo imenovanja. A ne razrješenja. Mi ne možemo stavljati razrješenja po ovom Zakonu kada ga nema. Ne postoji. Molila sam vas da objasnite kojim članom, niste objasnili. Što znači da u članu 1 nacrtu Zakona ne možete dodati riječi „da se i razrješenja vrše prema tom zakonu”. Vi možete urediti da se razrješenja rade nekim drugim zakonom, u članu 22 stav 3) ne može ovako stajati. Nemate zakonsko uporište ni pravno u tome. Dalje članom 2) nacrtu Zakona mijenjaju se stav 5 i 6 člana 27 i dalje razrađuje pitanje razloga i postupka za razrješenje. Smatram da je isto nepotrebno jer je važećom odredbom člana 27 stav 5 i 6 utvrđeno da lice iz člana 22 stav 2 i 3 mogu biti razriješena i prije isteka mandata u slučaju ako se u svom radu ne pridržavaju Zakona, podzakonskih akata, smjernica, zaključaka i drugih akata zakonodavne ili izvršne vlasti, te da postupak za razrješenje tih pokreće organ koji ih je imenovao a provodi se po proceduri utvrđenoj podzakonskim aktom Vlade koji uređuje disciplinski postupak. U skladu sa navedenim Vlada Kantona je na 66 sjednici održanoj 22.12.2016 godine na prijedlog Ministarstva pravde i uprave uz podršku sindikata donijela uredbu o pravilima disciplinskog postupka za disciplinsku odgovornost državnih službenika u organima državne službe u Kantonu Sarajevo. Ovom Uredbom utvrđen je detaljan postupak utvrđivanja odgovornosti lica iz člana 22 stav 1 i 2 Zakona, povrede radnih dužnosti iz člana 55 tačka 3 i 4, kao i kazne prema članu 8 do 9 ove Uredbe. Ako se već želi riješiti samo pitanje razrješenja ministricu i imenovanja lica, koja nisu državni službenici u organima državne službe Kantona Sarajevo Vlada Kantona može donijeti uredbu kao što je uradila i Vlada FBiH 2016 godine i donijela je uredbu o uslovima kriterijima i postupku zapošljavanja i razrješenja lica koja nisu državni službenici u organima državne službe u FBiH kojom je uredila ova pitanja. Ja vas još jednom pozivam da napravite pravi prijedlog ovog Zakona. Ovdje nemate pravnog osnova za ovakvo donošenje. Da ne stavljate u skraćeni postupak. Imaju mnoga brojna pitanja ministricu koja nisu definisana ovim zakonom i kome mnoga pitanja nisu jasna. A tačnije, evo sada ću vam navesti, da takva lica koja su optužena krivično ne mogu obnašati neke važne funkcije. Niko od pravника mi nije znao tačno reći o kojim krivičnim djelima se radi. Ja vas još jednom molim da dobro razmislite da li ova Skupština treba usvajati ovakav prijedlog Zakona. Ako ćete ići na uporište Zakona o vladinim i ministarskim imenovanjima, ovako ne može, da nadete neko bolje rješenje kako i se stvarno definisalo pitanje razrješenja. Zahvaljujem.

Poslanik/zastupnik Mahir Dević:

Mi u pravilu ne podržavamo skraćene postupke, evo upravo iz ovih razloga zato što šira struka, javnost nije na ravno u prilici da kaže sve ovo i onda to na kraju na neki način treba da zamijene ruke u Skupštini Kantona Sarajevo, a to nije dobro. Ukoliko je cilj izmjena i dopuna ovakvog Zakona samo da bi se smijenilo o rasporedilo nekoliko direktora određenih institucija, to mogu shvatiti kao politički ciljeve jer nešto što očigledno čime se i bavi ova Vlada da tako kažem isključivo jesu smjene ljudi, dovođenje drugih ljudi, što na kraju krajeva politički može biti i opravdano. Međutim morate napraviti realan pravni osnov da provedete ovu stvar. Ne možete se pozivati na nepostojeće članove Zakona, i stavljati ih kao pravni

osnov za izmjene i dopune Zakona. I to po skraćenim procedurama. Znači to je jedna nakaradna situacija, jedan nepostojeći pravni osnov, i na kraju krajeva to je u potpunosti rušenje državne službe. Nije uopšte sporno da ovo pitanje vi riješite ali ovaj način na koji ste krenuli da ga riješite on nije zakonit. I mi upozoravamo na te stvari već duži vremenski period. Dodemo naravno u situaciju u koju smo danas došli da ne podržimo zaključak da se naši zakonski propisi usklade sa mišljenjima Ustavnog suda FBIH. Zamislite tu situaciju da Skupština Kantona Sarajevo ne podrži zaključak da svoje akte i propise treba da uskladi sa mišljenjem Ustavnog suda FBIH, a Ustav FBIH propisao da Ustavni sud daje mišljenje kao način odluke po određenim aktima. I takav jedan dopis potpiše dopredsjednik FBIH, i ustavni sud zasjeda po tom pitanju, da svoje mišljenje i mi umjesto da to prihvatimo, da promijenimo, mi oborimo takav zaključak. Evo ja vam kažem odmah, ja ću ga ponovo predložiti na narednoj sjednici Skupštine Kantona Sarajevo sa malo ozbiljnijim obrazloženjem, dostavit ću vam i određenu dokumentaciju, Ustav.

Predsjedavajući.

Kolega Deviću vratite se na temu dužan sam vas vratiti na temu. Tačka nije ništa to što govorite.

Poslanik/zastupnik Mahir Dević.

Hvala predsjedavajući na vašu intervenciju. Na tački sam ja dnevnog reda, ne sikirajte se vi ništa. Prema tome način o kojem ja govorim kako donosimo propise nije dobar i naravno mi kao Klub nećemo podržati jednu ovakvu vrstu priče. To smo davno još i upozorili da sve zakone koji se donose neopravdano u skraćenim procedurama, hitnim procedurama, a jedan od tih je i ovaj, mi u pravilu naravno nećemo podržati. Vi za ovo danas što ste nama predložili, ovaj Zakon čini mi se radila u EU komisija, ako se dobro sjećam. Ne mislim da je p ovom pitanju apsolutno konsultovana, niti je dala svoju konačnu riječ- to je jedna ozbiljna stvar. Mi ne možemo podržati unošenje pravne nesigurnosti u sistem državne službe samo da bi se smijenilo negdje tri, četiri neka direktora da bi se to rasporedilo nekim koalicionim partnerima, postavilo itd. Znači ovaj pravni osnov na koji ste se pozvali je izbrisan u izmjenama i dopunama Zakona. Možda vi niste čuli za te izmjene i dopune Zakona. To može se desiti. Ali taj član je brisan. Ne možemo se pozivati na njega jer on ne postoji. Naravno to vam je kolegica Jasmina već u svojoj diskusiji kazala. Tako da bi bilo dobro da ovaj dokument vi povučete, da ga predložite u formi neke uredbe ili na neki drugi način da bi se ovo pitanje riješilo. Ovo nije put kako se treba ova tematika rješavati. Hvala.

Predsjedavajući:

Hvala kolega Deviću. Zaključujem raspravu. Nema više prijavljenih. Molim službu da pozove kolegice i kolege zastupnike u salu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ZAKONA O IZMJENAMA I DOPUNAMA ZAKONA O DRŽAVNOJ SLUŽBI U KANTONU SARAJEVO.

**Molim rezultate glasanja. ZA JE GLASALO 21, PROTIV 7 I SUZDRŽAN 1.
KONSTATUJEM DA JE SKUPŠTINA DONIJELA OVAJ ZAKON.**

Prelazimo na sljedeću tačku. Prije sljedeće tačke, prešli smo na sljedeću. Zaista se sada potpuno zakasnili. Rekao sam, stenogram ima, preslušajte. A prije sljedeće tačke, ovaj cirkus koji ste maloprije napravili čitajući 11 član c stava 3 Etičkog kodeksa a pozivajući se na Poslovnik, sada vas oštro upozoravam nemojte cirkus praviti u ovoj sali. Pozvali ste na

Poslovnik, ja sam ovo što radi kolegica radio smirite se, ne galamite a čitali ste član 11 Etičkog kodeksa, a pozivajući se na Poslovnik.

Pričamo na tačku 4.

AD – 4.

NACRT ZAKONA O IZMJENAMA I DOPUNAMA ZAKONA O KONCESIJAMA

Prešli smo sigurno i to ste mogli čuti. Sigurno sam prešao. Kolega Bašiću izvolite.

/zastupnik Dević govori bez uključenog mikrofona/

Predsjedavajući:

Joj što ste vas dvoje danas nervozni ne znam koji vam je razlog. Ali vas dvoje danas galamite vičete, a ja ko na apaurinima. Nikako da se za vas zakačim. Ja bih volio da se zakačim za vas ali danas ne mogu nikako. Čampare mi nema, fali mi. Kolega Bašiću izvolite. Molim mir u sali.

Ministar Haris Bašić: UVODNO IZLAGANJE

Predsjedavajući:

Zahvaljujem ministre Bašiću. Da li predstavnici radnih tijela žele riječ? Vi ste pitanja. Kolegica Srna Bajramović pitanja. Izvolite.

Poslanik/zastupnik Segmedina Srna Bajramović:

Zahvaljujem još jednom predsjedavajući. Uvaženi ministre, vi ste u pripremi ovog Nacrta Zakona o koncesijama dostavili zahtjev prema zastupnicima da dostave prijedloge i sugestije za koje smatraju da bi trebale biti sastavnim dijelom ovih izmjena. Dakle razumijevajući vašu inicijativu novim, inovativnim pristupom koji mijenja praksu u pozitivnom smislu, sa svoje strane sam, a nakon konsultacija sa puno ljudi, sa strukom prije svega, i nekim od onih na koji se predmetni Zakon odnosi, dostavila konkretne prijedloge u junu mjesecu, koje ne vidim u dostavljenim izmjenama. Želim naglasiti kako i dalje vjerujem kako kontinuirana i aktivna saradnja između zakonodavne i izvršne vlasti pa i onih koji konkretno žive Zakon u praksi, predstavlja najbolji mogući način pripreme procesa izmjena jednog Zakona jer sve navedeno prije svega značajno povećava šansu za nova kvalitetnija rješenja a i stvara pretpostavke za kraći vremenski period donošenja istog. Podsjetit ću isto tako da sam u petom mjesecu na Skupštini podnijela inicijativu koju je tada i predsjedavajući Konaković iskomentarisao u kontekstu Nexa predmeta i najavio izmjene Zakona o koncesijama. Evo imamo ga danas. Kao dobrom prilikom da sve to inkorporiramo kako nam se slični slučajevi ne bi dešavali i kako bi postupak transparentnosti u odabiru i u oblasti koncesija bio podignut na maksimalni nivo. Moje konkretno pitanje, izvinjava se zbog malo dužeg uvoda, glasi da li su prijedlozi koje ste sakupljali prije izrade ovog nacrta uopšte razmatrani i odbijeni, ili će oni biti razmatrani kroz javnu raspravu o ovom nacrtu i biti ugrađeni u fazi prijedloga? Zahvaljujem.

Poslanik/zastupnik Mirza Čelik:

Zahvaljujem predsjedavajući. Evo u samom donošenju ovog Zakona, mi smo imali priliku da više puta odgovorimo o ovom Zakonu. Prvi put 2017 godine, drugi put 2018 kada je maltene, identična forma ovoga Zakona nije dobila potrebnu većinu, i taj Zakon je u septembru 2018 tako reći pao. E sada, čitao sam malo stenogram sa sjednice iz 2017 i 2018 pa onoliko koliko

bi interesovalo i ostale zastupnike, a bilo je javne rasprave 60 dana, pa su se i lokalne zajednice uključile u javnu raspravu, pa su bila pitanja da li je potrebno da se uključi i lokalna zajednica u postupak dodjele koncesije, a ne samo da daju saglasnost za provođenje koncesije. Znači to je pitanje. Da li smatrate da lokalne zajednice, odnosno opštinska vijeća, oni koji će dati saglasnost na koncesiju a ne dati samo saglasnost na provođenje koncesije. Ja mislim da bi ipak to lokalna zajednica kroz općinsko vijeće da da saglasnost a ne samo da da saglasnost na provođenje koncesije. Ipak se to radi na području lokalne zajednice, a znamo svi da prihodi od koncesije 60% idu lokalnoj zajednici. I drugo pitanje, morat ću pročitati da član 10, izmjene i dopune člana 21 stav 5) šta podrazumijeva Ministarstvo finansija Kantona Sarajevo uz saglasnost Vlade Kantona Sarajevo donosi pravilnik kojim se detaljno utvrđuje pitanje mjera finansijskog obezbjeđenja ugovora o koncesiji. U roku od šest mjeseci od dana stupanja na snagu ovog Zakona. Da li smatrate pod tim da li je sredstvo obezbjeđenja ovog ugovora mjenica, garancija ili bilo šta. I da li je potrebno šest mjeseci Ministarstvu finansija da donese takav pravilnik poslije donošenja ovog Zakona sada, ako uzmemo u obzir da je javna rasprava 60 dana, pa imamo Prijedlog Zakona. Pa poslije toga imamo izrade pravilnika koje ste već kazali u roku od 6 mjeseci Ministarstvo uz saglasnost Vlade da će donijeti te pravilnike. Ja smatram da je ovaj Zakon trebao jučer da se usvoji kao prijedlog i to je drugo pitanje bilo da nam odgovorite. I treće pitanje je da li je moguće da vi ovu javnu raspravu svedete na minimum od deset dana kako bi ovaj Zakon zaista dočeka svjetlost dana, odnosno prijedlog Zakona da možemo usvojiti u ovoj godini kalendarskoj. Znamo svi evo i da skratite bar ove rokove, znamo da je sada to teško kroz nacrt i da pričamo o tome, ali evo kroz prijedlog Zakona, da ove rokove o izradi pravilnika svedete na minimum, kako bi ovaj bio Zakon hajmo reći u primjeni, jer svi dobro znamo koliko Kanton, lokalne općine gube ne donošenjem ovog Zakona, ja sam to 2018 zaista apelirao, molio sve zastupnike, evo koji su zastupnici tu, sjećaju se, da glasamo za ovaj Zakon i da postoji mogućnost naravno da se izmjene i dopune rade po bilo kojem osnovu. A ono što je vrlo bitno za ovaj Zakon jeste i ostalo isto, nepromijenjeno a to su izmjene i dopune člana 6. evo ja bih vas lijepo molio da razmislite o ova tri pitanja, da nam ponudite odgovor, i na kraju da probate zaista, kao vi, resorni ministar i Vlada da probamo skratiti javnu raspravu jer smo imali javnu raspravu i učestvovali smo svi. Ništa se apsolutno nije promijenilo. Jedan član je možda dodat od Kluba zastupnika NiP, ili ne znam već tada je bio NiP. I mislim da bi evo svi trebali jednostavno podržati ovaj Zakon, ne zbog nas koji sjedimo ovdje, nego zbog onih koji žele da koriste resurse u Kantonu Sarajevo. Hvala.

Poslanik/zastupnik Bibija Kerla:

Mirza Čelik kao da mi je čitao misli, međutim, ja ću ipak ponoviti odnosno, obrazložiti svoje pitanje na sasvim drugačiji način nego što je to uradio Čelik. Obrazloženje pod stavkom finansijska sredstva stoji za provođenje ovog Zakona nisu potrebna finansijska sredstva, a u stručnom mišljenju Ministarstva pravde u stavu 2) se kaže da Vlada Kantona Sarajevo treba da traži propratnu dokumentaciju sa više, Ministarstva finansija Kantona Sarajevo po pitanju obezbjeđenja budžetskih sredstva za primjenu Zakona. Pa me interesuje šta je tačno u ovom slučaju: trebaju li nam ili ne trebaju finansijska sredstva za primjenu ovog Zakona. Hvala lijepo.

Poslanik/zastupnik Elvis Vreto:

Hvala dopredsjedavajući. Nekoliko kratkih pitanja. U članu 12 koji se odnos na izmjene člana 23, u stavu 1) kaže se da se briše rečenica: „Ugovor o koncesiji se može prenijeti samo ukoliko su ispunjeni uslovi iz ugovora koji se odnose na investiranje. Pa bih zamolio ministra Bašića da nam pojasni ovu stavku, je li do sada situacija bila da se nije trenutni Zakon je podrazumijevao da se ove obaveze nisu trebale ispuniti kod prenosa ugovora o koncesiji.

Dalje u članu 29 postojećeg Zakona, ono što je ukazalo Ministarstvo, ovo je više tehnička greška, mislim da bi bilo potrebno ispraviti ako već nije to učinjeno kroz ovaj Zakon. Oni su sugerisali, jedna riječ je u pitanju koja je, mislim da bi taj nacrt koji ide u javnu raspravu trebao bi se ispraviti u tom članu 29 po pitanju te tehničke greške. Što se tiče izmjena člana 32, odnosno člana 16 Nacrta Zakona, vidim da su ugrađene stavke 5, 6, 7 i 8 koje detaljno će poboljšati komunikaciju koja je nedostajala sa lokalnim zajednicama po pitanju ugovora. I pitam ministra je li bila intencija upravo to da se omogući jasniji uvid lokalnim zajednicama prilikom predlaganja ovih tačaka. Eto toliko, hvala.

Dopredsjedavajući Vior Handžić.

Zahvaljujem. Ministre Bašiću, izvolite odgovor.

Ministar Haris Bašić:

Svim zastupnicama i zastupnicima zahvaljujem na pitanjima i interesovanju za ovu materiju. Kolegica Segmedina Srna je rekla apsolutnu istinu. Ja sam uputio prvi tekst nacrta na određeni broj adresa u Skupštini Kantona Sarajevo. I dobio sam određene prijedloge za izmjene teksta nacrta. Neke smo uvažili, neke nismo. Meni je žao što vaše nismo, jer znam da ste pedantni i da će me dočekati ovo vaše pitanje, ali neka će. I nadam se da ćemo, to je istina. Ja sam sve govorio, ljudi ima li ikako da se nekako Segmedini može, ali ja imam ovdje cijelu, poštovana zastupnice ja ovdje imam cijelu elaboraciju sa plavo obojenim odgovorima. Ja ću ih vama dostaviti, a ja vas molim, ustvari nema razloga da vas molim, ja znam da ćete vi tako i dalje nastaviti da jednako pedantno insistirate na vašim intervencijama, a ja ću se potruditi sa svojim kolegama da nađemo način da inkorporiramo naravno cijeneći da one sigurno na ovaj ili na onaj način doprinose boljitku Zakona. Dakle ja ću ovaj tekst vama uručiti nakon moga obraćanja. Vama hvala u svakom slučaju na trudu i evo imamo još nekih 60 dana da ovo unesemo. Nije mi bilo lako prihvatiti informaciju da od svih baš vaše nisu uvažene. Ali idemo dalje. Kolega Čelik je pomenuo također historijski tok nacrta i prijedloga Zakona o koncesijama, 17 i 18. zanimljivo meni kao osobi koja se bavi politikom kao i vi, koji ste nam gost u ovoj sali, da je ovaj Zakon ponuđen netom pred izbore 18, pa mi nije jasno ko je mogao očekivati da će nešto slično proći. Ali bože moj, to je historija, ovo je ipak u nekoj mjeri prijedlog. Vrlo ste konkretno zastupničke Čelik iznijeli prijedlog sa kojim se ja intimno potpuno slažem. Međutim, ja bih volio da ostane duži vremenski period za javnu raspravu. Evo uzmite sada da odlučimo nešto slično, mislim neću ja odlučiti, vi ćete odlučiti ali kako 10 dana kada se sada radi budžet. Vjerujte nemamo snage ni da se posvetimo tim pitanjima za kvalitetnije mislim da je bolje da ostane, da li baš 60 ili vi smatrate 30 ili 45. evo možda to možemo prodiskutovati, ali ne bih sigurno ispod 30 dana, ni pod razno, jer je sada vrijeme usvajanja budžeta. Vi znate kakvu energiju, vrijeme to crpi, to bi sve bilo paušalno itd. A ovo je ozbiljan Zakon. Upravljam resursima i potencijalnim milionima za dobrobit ovih građana, a koje već apsorbiramo, a to ću vas izvijestiti u skorom periodu. Pokrenuli smo stvari iz mrtve tačke i te kako. Apsolutno se slažem, ovo šest mjeseci Ministarstvo finansija nije potrebno i ne mogu baš sada, u nezgodnoj sam situaciji, nemam tu kolegu ali stvarno ne mislim, evo stavili smo šest mjeseci, onako malo možda i paušalno, ja mislim da može to puno prije, slažem se potpuno s vama, i evo ocijenit ćemo da taj rok spustimo, samo se konsultovati sa ministrom finansija da li je to mjesec ili dva, jer bez tog pravilnika nema ništa. Bila je ideja, neki komentatori koje smo zamolili da pogledaju nacrt su smatrali da možda taj segment obezbjeđenja koji ste vi sve pomenuli, kakvi su oni na tehničkoj razini mogući, da uvedemo u Zakon. Kada bi to ubacili u Zakon onda bi Zakon imao stotine članova, bio bi opterećen nečim što nije njegova esencija. Pa smo se odlučili da idemo sa podzakonskim aktom koji bi trebao kreirati onaj koji je najkompetentniji za ovu vrstu dijela Zakona, a to je finansijski aspekt. I evo razmislit ćemo, mjesec ili dva, koliko je njima dovoljno da donesu prijedlog

Vlade koji je to najbolji način bankarskih garancija da oni koji ulaze u proces preuzimanja koncesije su kredibilan partner. I da li su to mjenice, bankarske garancije, ne znam. Ja opet mislim da su garancije bankovne možda najbolje, ali ne bih ja u to ulazio da ja to ocjenjujem. To će Ministarstvo finansija predložiti Vladi. Šest mjeseci čini mi se ipak predug period, iako smo ga mi predložili. Prihvatam što se mene tiče. Općinska vijeća. Pa činjenica da je ovo nadležnost Kantona i Federacije. Po mom nekom sudu, inerciji i instinktu poslovnog čovjeka, što manje se odlučuje prije ćemo mi posao završiti. Drugo ako bi se i općinska vijeća uključila to onda donosi političke dimenzije, ko je vlasnik nad projektom, ko će. Razumijete? Moja prevashodna ideja je bila sa ovim nacrtom, nadam se da ćete to vi u većini ili svi uvažiti da poslovno razmišljamo, da iskorištavamo naše resurse. Skupština Kantona će svakako davati saglasnost u prijedlogu liste dobara, da to opet radi onda i općinsko vijeće. Meni se čini da bi bilo pretjerano nepotrebno i eventualno bi moglo zaustaviti proces, na koji će svakako općinska vijeća odnosno načelnici, općinski organi vlasti i menadžmenti uticati kroz Skupštinu Kantona i Vlada Kantona Sarajevo. Ali evo, ako smatrate da je to nešto na čemu vrijedi insistirati, imamo taj prostor javne rasprave i mi ćemo svakako konsultirati općine pa ćemo vidjeti. Evo ja znam da mi finaliziramo projekat potpisivanja ugovora sa dvije hidroelektrane u Ilijašu i nikakvih problema u tome nema, zato što je svima u interesu. Kao što znate sredstva koja se prikupljaju od upravljanja koncesijama idu kao što ste vi spomenuli 60% općinama a 40% Kantonu prema amandmanu iz aprila 2013 godine. Ja mislim. Ako sam šta zaboravio vi ćete mene podsjetiti svakako. Sljedeće, ja vjerujem zastupnice Kerla ja vjerujem Ministarstvu finansija, oni su kompetentni da daju i odgovorni da daju svoje mišljenje. Oni su napisali da ne treba. Ja isto ne vidim u čemu bi dodatno trebala biti finansijska sredstva. Ali vi kada odlučujete tražite mišljenje da bi vi mogli odlučiti, mi smo dužni da zatražimo mišljenje Ministarstva finansija i vi to imate ispred sebe. Ja lično ne vidim gdje bi mi mogli imati izdatke. Međutim to moje mišljenje nije relevantno niti kompetentno niti je referentno za vas, ima Ministarstvo finansija. I kolega, e sada možete mi, ja sam zamolio kolegu da zapiše, pošto sete vi zastupniče Vreto pomenuli konkretne članove nisam to stigao upisati. Pa sam molio svog pomoćnika gospodina Nuriju Memića pomoćnik, a da mi sugerira koja su pitanja bila za koje članove.

Pomoćnik ministra Nurija Memić:

Evo ja ću pomoći ministru vezano za pitanja od zastupnika Vrete. Odnosilo se zašto je brisana odredba koja se odnosi ugovor o koncesiji se može prenijeti ako nisu ispunjene određene obaveze. Prenosom ugovora o koncesiji u skladu sa obligacijama, prenose sve obaveze uključujući prava i obaveze iz ugovora. Tako da ne može se drugim zakonom nipodništavati to i to je samo bilo usklađivanje. Naravno, mi imamo tamo u nacrtu Zakona u izmjenama i dopunama Zakona o koncesijama jednu vrlo striktnu odredbu koja kaže ako neki koncesionar ima već zaključen ugovor o koncesiji, ne može budući dobiti ako nije ispunio obaveze iz tih ugovora o koncesiji. Tako da se to moralo brisati. Što se tiče člana 29 ispravljena je ta tehnička greška a odnosi se na fizička lica koja više ne mogu po Zakonu o koncesijama Kantona Sarajevo imati pravni status koncesionara. I to je usklađeno sa federalnim propisom jer u suštini, samo pravne osobe mogu imati status koncesionara i naravno vidjeli ste u ovom nacrtu Zakona da je to u nekoliko članova Zakona izmijenjeno u smislu da fizička osoba ne može imati pravni status koncesionara u skladu sa zakonom o koncesijama. Ja bih samo možda dopunio ministra ako mi dopušta da bi možda zastupniku Čeliku samo dodatno malo kazao vezano za općinska vijeća. Općina je u sadašnjem Zakonu, pogotovo u izmjenama izuzetno involvirana. I prije je involvirana na način da općinsko vijeće daje sagledanost za početak postupka dodjele koncesije. Ako općinsko vijeće ne da saglasnost, nema provođenja postupka dodjele koncesije. Znači on je prva brana, ne može ni Vlada ni Skupština voditi postupak bez općinskog vijeća. To je jedno autoritativno pravo koje ima općina u postupku

dodjele koncesije. Druga stvar gdje je involvirana, involvirana je na način da u komisiji za koncesije koji je vrlo važan organ u postupku dodjele koncesije ima svog člana. I treće kada je u pitanju samoinicijativna ponuda u stručnom timu za pregovore ima svog člana. Time direktno utiče na strukturu ugovora o koncesiji koji će biti zaključen sa koncesionarom. Naravno, izmjenama i dopunama Zakona o koncesijama dali smo općinama i dodatne nadležnosti u smislu da će se sada općinskim načelnicima odnosno njihovim službama dostavljati redovni izvještaji o stanju izvršenja ugovora o koncesiji, na godišnjem nivou općinsko vijeće će imati potpuni izvještaj za sve predmete koncesije koji se koriste na području te općine. I vidjeli ste tim izmjenama člana 32 a to je istovremeno i nadopuna i revidiranje sistema nadzora da je općina zaista uključena maksimalno u suštinu i u redu veličine određenog resornog Ministarstva koji učestvuje u postupku dodjele koncesije. Evo ja bih imao toliko. Time sam i rekao vezano za član 32 a kojima se vrši revidiranje nadzora i vidimo da je zaista lokalna zajednica maksimalno uključena sa ovim izmjenama a imala je i ranije zaista jedan zavidan položaj, a to sam vam rekao odmah na početku. Ako vam neki organ ne da saglasnost vi ne možete dodijeliti koncesiju na nekom predmetu koncesije po ovom Zakonu. Ja mislim da je to autoritativno pravo općine tako da neko dodatno pravo zaista ne vidim da bi se moglo dodjeljivati.

Ministar Haris Bašić.

Hvala lijepo. Jesam li šta preskočio, oprostite.

Dopredsjedavajući Vior Handžić:

Nije se više niko javio ministre. Nema više pitanja. Otvaram raspravu. Zastupnik Čelik izvolite.

Poslanik/zastupnik Mirza Čelik

Zahvaljujem predsjedavajući. Pa evo tragom onoga što sam maloprije kazao, zaista samo želim da unaprijedimo proces donošenja prijedloga ovoga Zakona i smatram evo rok od 30 dana da za provođenje javne rasprave nešto što bi svima nama pomoglo kako bi ovaj Zakon zaživio. Evo podsjetiti ću vas da članom 16 imamo rok od 6 mjeseci od dana stupanja na snagu ovog Zakona da se uredi i donese pravilnik koji će Ministarstvo u saglasnost Vlade napraviti. E sada ako to malo hronološki postavimo i ako neko podnese samoinicijativu ponudu za kamene agregate eksploataciju, to znači da ovaj Zakon poslije javne rasprave ne može biti nikako predmet u ovoj godini da se donese predmet iako je to po programu rada Vlade bilo planirano u junu da se donese 2018. pa smo već u kašnjenju kao i realizacija programa rada Vlade odnosno Skupštine Kantona Sarajevo o čemu mi danas i raspravljamo. Smatram da ovaj rok od šest mjeseci trebamo smanjiti na nekih 3 mjeseca za izradu pravilnika i također u članu kojeg sam citirao evo član 10, stav 5 da Ministarstvo finansija treba donijeti pravilnik u roku od tri mjeseca, kako bi Zakon što prije krenuli konzumirati. Zaista mi je drago da evo član 14 Izmjene i dopune člana 28 kolegice Mehmedagić uvažen. Tada smo i mi kroz stenogram možete provjeriti da je to bila saglasnost Kluba SDA i evo član koji je bio 32 također stav 6 i 7 kolegica Srna Bajramović je tražila da se pored dostavljanja predmetne koncesije načelniku, da se treba dostaviti i općinskom vijeću. A razlog zašto to treba dostavljati općinskom vijeće jeste radi planiranja budžeta evo i lokalne zajednice planiraju budžete po osnovu prihoda od koncesija, a nadam se da će donošenjem ovog Zakona velika količina novaca pristići kako i Kanton tako i u lokalne zajednice. Evo čisto iz dobre namjere iz 2018 i 2017 kada smo ukazivali za potrebni ovog Zakona, odnosno izmjena i dopuna ovog Zakona, smatram da trebamo skratiti javnu raspravu. Učestvovali su mnoge lokalne zajednice. Kazale su što treba evo nek se ponovi ta javna rasprava i da konačno u ovoj godini dobijemo ovaj Zakon da mogu ljudi jednostavno ono što su i već zahtijevali i da dobiju. A t je da

koriste resurse koje mi kao Skupština trebamo da odobrimo. Ja vam se još jednom zahvaljujem. I nadam se da ćete uvažiti ovo ministre da trebamo skratiti javnu raspravu na 30 dana. Hvala.

Dopredsjedavajući Vior Handžić:

Evo da iscrpimo raspravu, pa ćemo oko toga prije nego što predemo na zaključke. Izvolite zastupnice Segmedina Srna Bajramović.

Poslanik/zastupnik Segmedina Srna Bajramović:

Zahvaljujem dopredsjedavajući. Pa evo ja zahvaljujem ministru za odgovor. Drago mi je da prepoznaje neki kontinuitet u mom djelovanju, hvala isto tako kolegi Čeliku koji se čak potrudio da pronađe izvod iz stenograma s te sjednice kada sam ja glasala protiv takvog rješenja Zakona. Mislim da je bilo 16 glasova ZA, toga se sjećam, ali me ne treba podsjećati da sam bila protiv, u svakom slučaju. Pa evo imam potrebu reći, nekako smatram da zapravo su ove rasprave oko nacrtu, uvijek važne zato što one treba da budu dijelom javne rasprave i da i ova naša pitanja postanu sastavnim dijelom rješenja koja će biti ponuđena unutar prijedloga i da će se unutar ovoga roka koji ćemo odrediti potruditi svi zajedno zapravo da dobijemo najbolje moguće rješenje kada je ova oblast u pitanju a eksperti se već decenija bave ovom oblašću i pišu preporuke i ja se bojim da ih se malo ili gotovo nikako ne sluša jer se mi godinama na svim nivoima vrtimo u krug pričajući o milijardama potencijala do kojeg ne možemo doći, a vrlo često se stvari odigraju na način da politički bliski poduzetnici iskoriste uticaj za transformaciju javnog dobra u privatni interes uz klasično ugovorno varanje. Imali smo mi takvih slučajeva, a nisam sigurna da još ne traju. Danas je efikasnost koncesija na svim nivoima doslovno katastrofalna. Percepcija javnosti je toliko loša da gotovo uvijek prati ambijent lopovluka, sport u dodjeljivanju, sumnja u adekvatnost cijene i na kraju, duboka politička kontaminacija. Izmjene zakonskih propisa su dakle, ponoviti ću to još jednom, uvijek dobro došle ukoliko donose nova i bolja rješenja od onih postojećih. Međutim, da bi bili sigurni da radimo stvari u dobrom pravcu, suštinski je važno utvrditi razloge zbog kojih idemo u izmjene. Kada kažemo utvrditi razloge, onda nedvosmisleno mislim da imamo urađenu analizu o problematici implementacije odredbi postojećeg Zakona. Bojim se da mi vrlo često idemo u izmjene bez da smo utvrdili da li je problem neka odredba ili onaj ko je implementira. Odnosno da li je problem njena formulacija ili nedostatak znanja. Što se tiče Zakona o koncesijama, radi se o sistemskom Zakonu u kojem, narodski rečeno, imamo punomoć naroda da uredimo legislativni okvir uslova za iznajmljivanje javnog dobra u vlasništvu Kantona Sarajevo, odnosno građana Kantona Sarajevo, kroz adekvatnu cijenu. Meni lično, najvažnije da Zakon omogućava i štiti pet stvari: zaštitu životne sredine, i ponašanje sa javnim dobrom, u smislu dobrog domaćina. Potpunu transparentnost postupka, jednaku šansu za sve u smislu konkurencije, četvrto, adekvatnu tarifu i nultu toleranciju na kriminal i korupciju, tj da ne postoji nikakva mogućnost da neko može krčmiti javno dobro, a da to ne plati. Što se također događalo. Kako sam već dugo u politici, savršeno mi je jasno da prethodno navedeno ne zavisi samo od Zakona, nego i od ljudi koji ga implementiraju. I postojeći Zakon je onemogućavao određene stvari koje sistem očigledno, uz saglasnost politike dopuštao pa smo potpuno nepotrebno imali i problem sa NEXE Amina trade. I s obzirom da su samoinicijativne ponude podložne raznim vrstama nepravilnosti potrebno je raditi na promociji javnog oglašavanja tendera, kroz adekvatne kanale komunikacije. Ne trebamo izmišljati toplu vodu nego uskladiti normativni okvir sa europskim zakonodavstvom i najboljim praksama, što nije slučaj u ovom trenutku. Tarife nikada za koncesije, odnosno tarife tih naknada za koncesije trebalo bi uskladiti proporcionalno prema kvalitetu i značaju javnog dobra koje je predmet koncesije kako bi smo zaštitili interes građana kroz budžete.

Dakle, potrebno je da javno i transparentno objavimo sve neophodne uslove u procedurama, stavku po stavku, za apliciranje potencijalnog koncesionara i koji u slučaju da budu uredno popunjeni i pribavljeni neće dovoditi do probijanja rokova za izdavanje dozvola i odbacivanje aplikacije. Želim još ću samo kratko, naglasiti da trebamo izbjegavati brze i česte procese izmjene Zakona jer to šalje lošu poruku investitorima da smo nestabilno pravno okruženje, što samo po sebi nije dobro, posebno ovako osjetljivim oblastima sa visokim potencijalom političke korupcije. Ako je potrebno raditi i duži vremenski period temeljitije sa što širim konsultacijama, a sve u cilju dostizanja koncenzusa svih političkih aktera, što na kraju očekujem i u ovom konkretnom slučaju. I kako rekoh ovo je nacrt i smatram da je dobra osnova za izradu što kvalitetnijeg prijedloga i mi ćemo podržati ovaj Nacrt. Zahvaljujem.

Poslanik/zastupnik Elvis Vreto:

Hvala dopredsjedavajući. Koristim priliku a čestitam ministru Bašiću i Ministarstvu privrede na činjenici da su uputili Nacrt Zakona o koncesijama u skupštinsku proceduru. Želim istaći da period ako se posmatra od nekih pet godina unazad možemo se svi sjetiti koliko je to u tom periodu ovaj proces bio u nekom kako bih rekao sivoj zoni. Vrlo malo informacija se moglo dobiti. Ja želim da čestitam prije svega i prethodnoj Vladi koja je smogla snage i pokušala u 2017 godini uputiti sličan nacrt u skupštinsku proceduru, međutim on nije razmatran, povučen je iz određenih razloga, vjerovatno ne postojanja političke volje u tom trenutku da se donese. Mislim da je ovo jako važno da se ova oblast uredi, raduje me da je Ministarstvo u članu 16, izmjenama postojećeg Zakona u članu 32 riješilo dileme oko dostavljanja ugovora lokalnih zajednicama, načina na koji oni mogu, lokalne zajednice mogu pratiti i planirati svoje budžete. U prošlosti je bilo puno problema i ne slažem sa predstavnikom Ministarstva gospodinom Memićem da su lokalne zajednice imale pozitivnu, odnosno imale kvalitetnu ulogu od strane da su na jedan način korektno tretirane od Ministarstva, to u prošlosti zaista nije bio slučaj. Na mnoge upite traženje koliko je na osnovu izdate prethodne saglasnosti dodijeljenog ugovora i sklopljenog ugovora o koncesijama, lokalne zajednice nisu dobivale takve podatke, čekale su na njih i po godinu, dvije dana. Mislim da je to vrijeme iza nas. Ova Vlada je pokazala putem Ministarstva finansija kroz registar koncesija, ja mislim da mjesečno dostavlja izvještaj o uplaćenim iznosima i po pitanju koncesija, tako da ono nemam ništa protiv da se javna rasprava ako je to stav i predlagača smanji jer je ovo tema na kojem su lokalne zajednice u prošlosti radile na pripremi tog nacrtu i 2017 godine kada je povučen iz procedure, tako da je možda dovoljno 30 dana za javnu raspravu kako bi došli što prije do prijedloga Zakona, što nam je u konačnici i cilj. Eto toliko hvala.

Poslanik/zastupnik Bibija Kerla:

Ja ću vrlo kratko. Ja se slažem sa svim onim što je moja kolegica Segmedina Srna rekla, s tim što ja trebam da naglasim da treba voditi računa o instrumentima obezbjeđenja plaćanja i obaveza da koncesionar bude solventan da bi se mogla vršiti naplata svega ovoga. I što se tiče Demokratske fronte mi ćemo jednoglasno podržati ovaj Nacrt Zakona.

Dopredsjedavajući Vior Handžić:

Zahvaljujem zastupnice, sve vaše komentare koje ste rekli na pojedine članove generalno bit će sastavni dio javne rasprave, ima jedan prijedlog o kojem bi trebalo sada odlučiti. Zastupnik Čelik je predložio da se javna rasprava skрати. Evo ja s obzirom da je ministar Bašić ovdje najpozvaniji da procijeni koliko mu vremena treba da kvalitetno provede javnu raspravu, s obzirom da nije bio na čelu Ministarstva kada je ovaj proces već ranije rađen, evo ja njega pozivam da kaže koliko mu je vremena potrebno da sve kvalitetno obavi.

Ministar Haris Bašić.

Hvala lijepa dopredsjedavajući. 30 dana je OK po meni. S obzirom da je ovaj materijal već uveliko pripremljen, da već imaju formirana mišljenja, postoji historija. Što se mene tiče 30 dana, ali ne ispod 30 da, obzirom na vremenski period o kojem odlučujemo, kažem budžet i hiljade drugih stvari. Hvala lijepo.

Dopredsjedavajući Vior Handžić:

Zahvaljujem ministre.

Ukoliko se više niko ne javlja za riječ, zaključujem raspravu i predlažem da Skupština po Nacrtu zakona o izmjenama i dopunama Zakona o koncesijama donese sljedeće Zaključke:

1. Utvrđuje se Nacrt zakona o izmjenama i dopunama Zakona o koncesijama;
2. Javna rasprava održat će se u kantonalnim organima, jedinicama lokalne samouprave, naučnim i stručnim ustanova i trajat će 30 dana.
3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.
4. Vlada Kantona Sarajevo dužna je da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga zakona o izmjenama i dopunama Zakona o koncesijama.

Molim zastupnike da pristupe izjašnjavanju o predloženim zaključcima. Molim vas rezultate.

ZA JE GLASALO 29 ZASTUPNIKA, PROTIV 0 I SUZDRŽAN 1.

KONSTATUJEM DA JE SKUPŠTINA DONIJELA OVE ZAKLJUČKE.

Tačka pet:

AD – 5.

PRIJEDLOG ODLUKE O PROŠIRENJU DJELATNOSTI JAVNE USTANOVE „BOSANSKI KULTURNI CENTAR KANTONA SARAJEVO“ NA DJELATNOST OBRAZOVANJA ODRASLIH

Prijedlog odluke ste dobili uz poziv za sjednicu. Ima li potrebe? Ovo često radimo. Dobro, zastupnici kažu da nema. Je ima? Evo zastupnica Kerla insistira da se predlagač obrati.

zastupnica Kerla govori bez uključenog mikrofona

Dopredsjedavajući Vior Handžić:

poslovnički nemamo tu mogućnost. Ako insistirate ja ću predlagača pozvati da se obrati. Jel insistirate na uvodnom izlaganju. Ne mogu, nemam poslovnički prostor. Izvolite ministre Kuriću.

Ministar Mirvad Kurić: UVODNO IZLAGANJE

Dopredsjedavajući Vior Handžić:

Zahvaljujem ministre Kurić. Da li predstavnici radnih tijela žele riječ? Ima li pitanja? Jel zastupnice Kerla pitanje ili diskusija? Nema pitanja. Otvaram raspravu izvolite zastupnice Kerla.

Poslanik/zastupnik Bibija Kerla.

Pa mislim da je i te kako bilo potrebno obrazloženje odluke o proširenje djelatnosti za obrazovanje odraslih JU BKC. S obzirom da sam ja dijete jugoslovenskog sistema i znam šta

je bila ustanova Đuro Đaković i šta je značila stanovnicima Sarajeva. Ta ustanova je organizovala toliko kurseva, obrazovala toliko nepismenih i ukoliko će BKC raditi po tom principu, ipak bi stanovnici Kantona Sarajevo trebali znati šta dobijaju proširenjem djelatnosti ovog centra. Klub DF u potpunosti podržava ovu odluku, pogotovo znajući činjenicu da za ovu odluku i njenu primjenu nisu potrebna nikakva dodatna novčana sredstva jer će ona biti obezbjeđena od polaznika programa i hvala ministru Kuriću da je gledaocima TVSA obrazložio ovu odluku za koju smo mi sto posto. Hvala lijepa.

Dopredsjedavajući.

Imam samo ministre Kuriću, u članu 2 odluke nije napisan dobar broj u smislu adrese. 24. jel trebamo to odmah konstatovati, jer ne možemo usvojiti ovako kako stoji u tekstu, napraviti ćemo komplikaciju. Dobro. Samo da uđe u stenogram.

Ispravljeni član 2. Odluke pročitati ponovo:

„Sjedište JU Bosanski kulturni centar Kantona Sarajevo je na adresi Branilaca Sarajeva broj 24, Općina Centar Sarajevo”.

To je to.

Ukoliko se više niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O PROŠIRENJU DJELATNOSTI JAVNE USTANOVE „BOSANSKI KULTURNI CENTAR KANTONA SARAJEVO“ NA DJELATNOST OBRAZOVANJA ODRASLIH.

Rezultate glasanja molim.

ZA JE GLASALO 29 ZASTUPNIKA, NEMA PROTIV I NEMA SUZDRŽANIH.

KONSTATUJEM DA JE SKUPŠTINA DONIJELA OVU ODLUKU.

Tačka šest:

AD – 6.

PRIJEDLOG ODLUKE O DAVANJU SAGLASNOSTI NA NACRTE UGOVORA O KUPOPRODAJI U STAMBENO-POSLOVNOM OBJEKTU K-94, IZGRAĐENOM U NASELJU ŠIP, OPĆINA CENTAR SARAJEVO

Prijedlog odluke ste dobili uz poziv za sjednicu. Molim predstavnika Predlagača da podnese uvodne napomene. Nema potrebe. Da li predstavnici radnih tijela žele riječ? Ne žele. Ima li pitanja? Nema. Otvaram raspravu. Nema ni rasprave.

Ukoliko se više niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRTE UGOVORA O KUPOPRODAJI U STAMBENO-POSLOVNOM OBJEKTU K-94, IZGRAĐENOM U NASELJU ŠIP, OPĆINA CENTAR SARAJEVO.

Rezultate .

29 ZA, NEMA PROTIV I NEMA SUZDRŽANIH.

KONSTATUJEM DA JE SKUPŠTINA DONIJELA OVU ODLUKU.

Tačka sedam:

AD – 7.

PRIJEDLOG ODLUKE O DAVANJU SAGLASNOSTI NA NACRT UGOVORA O

KUPOPRODAJI U STAMBENOM OBJEKTU 3C, IZGRAĐENOM U NASELJU ROSULJE, OPĆINA VOGOŠĆA

Prijedlog odluke ste dobili uz poziv za sjednicu. Pretpostavljam da predstavnik Predlagača nema potrebe da da uvodne napomene. Da li predstavnici radnih tijela žele riječ? Ima li pitanja? Ima li rasprave?.

Pošto se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI U STAMBENOM OBJEKTU 3C, IZGRAĐENOM U NASELJU ROSULJE, OPĆINA VOGOŠĆA.

Rezultate .

28 ZA, 5 NIJE GLASALO.

KONSTATUJEM DA JE SKUPŠTINA DONIJELA OVU ODLUKU.

Tačka osam:

AD – 8.

PRIJEDLOG ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNOG PROSTORA (RESTORANA) I OTVORENOG PROSTORA ISPRED OBJEKTA (LJETNE BAŠTE) U SKLOPU EDUKACIONO - INFORMATIVNOG CENTRA NA BIJAMBARAMA, IZMEĐU UGOVORNIH STRANA: KANTONA SARAJEVO - KANTONALNE JAVNE USTANOVE ZA ZAŠTIĆENA PRIRODNA PODRUČJA KAO ZAKUPODAVCA I UR FAST FOOD BISTRO "OAZA-DINO" KAO ZAKUPCA, KOJI JE IZABRAN PUTEM JAVNOG OGLASA

Prijedlog odluke ste dobili uz poziv za sjednicu. Jel potrebno uvodno izlaganje? Dobro. Da li predstavnici radnih tijela žele riječ? Ima li pitanja? Zastupnica Kerla izvolite.

Poslanik/zastupnik Bibija Kerla:

Dugove prethodnih korisnika po Zakonu poslovnih prostora prebacujemo na nove korisnike o ugovoru o zakupu. U ovom slučaju između Kantona Sarajevo odnosno Ustanove za zaštitu prirodnih područja i Fast fuda Oaza Dino, jer u članu 7 stav ili tačka 14 se kaže: „Zakupac se obavezuje da će izvršiti plaćanje dospjelih prethodnih, a ne izmirenih računa”. Znači on ne može ući u posjed ukoliko ne izmiri prethodne račune. Jel to istina ili nije? Ima li ko da odgovori?

Dopredsjedavajući:

Ko će odgovoriti na pitanje. Izvolite direktore.

Direktor Osman Delić:

Pozdravljam prisutne i uvažene gledaoce TVSA. Oaza Dino nije bio korisnik ovog prostora. 2014 godine Kanton Sarajevo je otkupio ovaj planinarski dom i uknjižio ga kao vlasništvo Kantona Sarajevo. I tada je odlukom Vlade odnosno resornog Ministarstva izdat dom na korištenje Studentskom centru, odnosno samo restoran, dok je edukaciona sala u kojoj je i prethodna i ova Vlada često održavala sjednice na ovom prostoru, i on je multikonfesionalan,

odnosno zajedno čini ovaj prostor bogatijim. Stalno se dešavaju radionice u prostoru. Dakle Studentski centar je dužan već osam mjeseci za neplaćene kirije. A ovaj se tek uvodi, tako da nema nikakvih dugovanja po ovome postupku.

Dopredsjedavajući Vibor Handžić:

Zahvaljujemo direktoru Deliću. Otvaram raspravu. Nema prijavljenih za diskusiju. Ukoliko se više niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNOG PROSTORA (RESTORANA) I OTVORENOG PROSTORA ISPRED OBJEKTA (LJETNE BAŠTE) U SKLOPU EDUKACIONO - INFORMATIVNOG CENTRA NA BIJAMBARAMA, IZMEĐU UGOVORNIH STRANA: KANTONA SARAJEVO - KANTONALNE JAVNE USTANOVE ZA ZAŠTIĆENA PRIRODNA PODRUČJA KAO ZAKUPODAVCA I UR FAST FOOD BISTRO "OAZA-DINO" KAO ZAKUPCA, KOJI JE IZABRAN PUTEM JAVNOG OGLASA.

Izvolite glasati. Rezultati.

ZA JE GLASALO 28 ZASTUPNIKA, 5 NIJE GLASALO.

KONSTATUJEM DA JE SKUPŠTINA DONIJELA OVU ODLUKU.

Tačka devet:

AD – 9.

PRIJEDLOG ODLUKE O IZMJENAMA ODLUKE O USKLAĐIVANJU STATUSA KANTONALNOG JAVNOG KOMUNALNOG PREDUZEĆA

- a) "SARAJEVO-GAS" Sarajevo;
- b) "TOPLANE-SARAJEVO" Sarajevo;
- c) "VODOVOD I KANALIZACIJA" Sarajevo;
- d) "RAD" Sarajevo;
- e) "PARK" Sarajevo;
- f) "TRŽNICE-PIJACE" Sarajevo;
- g) "POKOP" Sarajevo

Prijedloge odluka ste dobili uz poziv za sjednicu. Predlažem da vodimo jedinstvenu raspravu o svim preduzećima, a da se izjašnjavamo pojedinačno.

Molim zastupnike da se izjasne. Rezultati.

ZA JE GLASALO 27 ZASTUPNIKA, 6 NIJE GLASALO.

Konstatujem da je Skupština prihvatila ovaj prijedlog koji sam napomenuo ranije.

Molim predstavnika Predlagača da podnese uvodne napomene. Jel ima potrebe? Dobro niko ne insistira na potrebi. Zahvaljujem ministre Mandiću. Da li predstavnici radnih tijela žele riječ? Ima li pitanja? Otvaram raspravu. Niko se ne javlja. Zaključujem raspravu. Prelazimo na izjašnjavanje po preduzećima.

a)

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O IZMJENAMA ODLUKE O USKLAĐIVANJU STATUSA KANTONALNOG JAVNOG KOMUNALNOG PREDUZEĆA "SARAJEVO - GAS" SARAJEVO SA ZAKONOM O

JAVNIM PREDUZEĆIMA U FEDERACIJI BIH.

Rezultati.

ZA JE GLASALO 27 ZASTUPNIKA, 1 SUZDRŽAN, 5 NIJE GLASALO.

KONSTATUJEM DA JE SKUPŠTINA DONIJELA OVU ODLUKU.

b)

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O IZMJENAMA ODLUKE O USKLAĐIVANJU STATUSA KANTONALNOG JAVNOG KOMUNALNOG PREDUZEĆA "TOPLANE-SARAJEVO" SARAJEVO SA ZAKONOM O JAVNIM PREDUZEĆIMA U FEDERACIJI BIH.

MOŽETE GLASATI. MOLIM REZULTATE.

ZA JE GLASALO 27 ZASTUPNIKA, NIKO PROTIV ILI SUZDRŽAN, 6 NIJE GLASALO.

KONSTATUJEM DA JE SKUPŠTINA DONIJELA OVU ODLUKU.

c)

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O IZMJENAMA ODLUKE O USKLAĐIVANJU STATUSA KANTONALNOG JAVNOG KOMUNALNOG PREDUZEĆA "VODOVOD I KANALIZACIJA" SARAJEVO SA ZAKONOM O JAVNIM PREDUZEĆIMA U FEDERACIJI BIH.

MOŽE REZULTATI.

ZA JE GLASALO 28 ZASTUPNIKA, 5 NIJE GLASALO. TO JE OČITO PET LJUDI KOJIH NEMA TU SAMO ŠTO IM VJEROVATNO KARTICE STOJE. DA IH NE ČITAM.

KONSTATUJEM DA JE SKUPŠTINA DONIJELA OVU ODLUKU.

d)

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O IZMJENAMA ODLUKE O USKLAĐIVANJU STATUSA KANTONALNOG JAVNOG KOMUNALNOG PREDUZEĆA "RAD" SARAJEVO SA ZAKONOM O JAVNIM PREDUZEĆIMA U FEDERACIJI BIH.

MOŽETE GLASATI. MOLIM REZULTATE.

ZA JE GLASALO 29 ZASTUPNIKA, 4 NIJE GLASALO.

KONSTATUJEM DA JE SKUPŠTINA DONIJELA OVU ODLUKU.

e)

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O IZMJENAMA ODLUKE O USKLAĐIVANJU STATUSA KANTONALNOG JAVNOG KOMUNALNOG PREDUZEĆA "PARK" SARAJEVO SA ZAKONOM O JAVNIM PREDUZEĆIMA U FEDERACIJI BIH.

MOŽETE GLASATI. REZULTATI.

ZA JE GLASALO 29 ZASTUPNIKA, 3 NIJE GLASALO.

KONSTATUJEM DA JE SKUPŠTINA DONIJELA OVU ODLUKU.

f)

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O IZMJENAMA ODLUKE O USKLAĐIVANJU STATUSA KANTONALNOG JAVNOG KOMUNALNOG PREDUZEĆA "TRŽNICE-PIJACE" SARAJEVO SA ZAKONOM O JAVNIM PREDUZEĆIMA U FEDERACIJI BIH.

MOŽETE GLASATI. MOGU REZULTATI.

ZA JE GLASALO 28 ZASTUPNIKA, 4 NIJE GLASALO.

KONSTATUJEM DA JE SKUPŠTINA DONIJELA OVU ODLUKU.

g)

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O IZMJENAMA ODLUKE O USKLAĐIVANJU STATUSA KANTONALNOG JAVNOG KOMUNALNOG PREDUZEĆA "POKOP" SARAJEVO SA ZAKONOM O JAVNIM PREDUZEĆIMA U FEDERACIJI BIH.

MOŽETE GLASATI. REZULTATI.

ZA JE GLASALO 28 ZASTUPNIKA, 4 NIJE GLASALO.

KONSTATUJEM DA JE SKUPŠTINA DONIJELA OVU ODLUKU.

Prelazimo na desetu tačku dnevnog reda.

AD – 10.

PRIJEDLOG ODLUKE O IZMJENI ODLUKE O USKLAĐIVANJU STATUSA KANTONALNOG JAVNOG KOMUNALNOG PREDUZEĆA "GRADSKI SAOBRAĆAJ" D.O.O. SARAJEVO SA ZAKONOM O JAVNIM PREDUZEĆIMA U FEDERACIJI BOSNE I HERCEGOVINE

Prijedlog odluke ste dobili uz poziv za sjednicu. Pretpostavljam da ne treba uvodno izlaganje, iste su stvari. Da li predstavnici radnih tijela žele riječ? Ima li pitanja? Otvaram diskusiju.

Zastupnica Kerla.

Poslanik/zastupnik Bibija Kerla:

Pa s obzirom da je Skupština Kantona Sarajevo na sjednici održanoj dana 24.07.2019.godine donijela odluku o vršenju ovlaštenja o privrednim društvima sa učešćem državnog kapitala i za nadležnosti Kantona Sarajevo (Sl. Novine Kantona Sarajevo 31/19) kojom Kanton Sarajevo uređuje način vršenja osnivačkih prava, ne vidim razloga da razvlačimo sa diskusijom iako je moje mišljenje da je ta odluka donesena na brzinu i ona je još više unijela politiku u preduzeća čiji je osnivač Kanton Sarajevo. Donošenjem te odluke, normalno je da slijede izmjene i dopune JU Kantona Sarajevo. Hvala lijepa.

Dopredsjedavajući Vior Handžić.

Zahvaljujem zastupnice Kerla. Pošto se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O IZMJENI ODLUKE O USKLAĐIVANJU STATUSA KANTONALNOG JAVNOG KOMUNALNOG PREDUZEĆA "GRADSKI SAOBRAĆAJ" D.O.O. SARAJEVO SA ZAKONOM O JAVNIM PREDUZEĆIMA U FEDERACIJI BOSNE I HERCEGOVINE.

Izvolite glasati. Rezultati.

ZA JE GLASALO 29 ZASTUPNIKA, 3 NIJE GLASALO.

KONSTATUJEM DA JE SKUPŠTINA DONIJELA OVU ODLUKU.

Tačka jedanaest:

AD – 11.

PRIJEDLOG ODLUKE O DAVANJU SAGLASNOSTI NA IZMJENE I DOPUNE STATUTA JAVNE USTANOVE "APOTEKE SARAJEVO"

Prijedlog odluke ste dobili uz poziv za sjednicu. Jel ima potrebe da predstavnik Predlagača da podnese uvodne napomene. Dobro. Ja moram pitati. Da li predstavnici radnih tijela žele riječ? Ne. Ima li pitanja? Otvaram diskusiju. Niko, ništa. Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA STATUT O IZMJENAMA I DOPUNAMA STATUTA JAVNE USTANOVE "APOTEKE SARAJEVO".

MOŽETE GLASATI. MOGU REZULTATI.

ZA JE GLASALO 29 ZASTUPNIKA, 3 NIJE GLASALO.

KONSTATUJEM DA JE SKUPŠTINA DONIJELA OVU ODLUKU.

TAČKA DVANAEST

AD – 12.

PRIJEDLOG ODLUKE O DAVANJU SAGLASNOSTI NA STATUT O IZMJENAMA I DOPUNAMA STATUTA JAVNE USTANOVE ZAVOD ZA HITNU MEDICINSKU POMOĆ KANTONA SARAJEVO

Prijedlog odluke ste dobili uz poziv za sjednicu. Nema potrebe očigledno da se obraća predstavnik Predlagača. Da li žele riječ predstavnici radnih tijela? Pitanja? Diskusije? Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA STATUT O IZMJENAMA I DOPUNAMA STATUTA JAVNE USTANOVE ZAVOD ZA HITNU MEDICINSKU POMOĆ KANTONA SARAJEVO.

MOŽETE GLASOVATI. MOŽE REZULTATI.

ZA JE GLASALO 30 ZASTUPNIKA, 2 NIJE GLASALO.

KONSTATUJEM DA JE SKUPŠTINA DONIJELA OVU ODLUKU.

Tačka trinaest:AD – 13.

PRIJEDLOG ODLUKE O DAVANJU SAGLASNOSTI NA STATUT O IZMJENI I DOPUNI STATUTA JAVNE USTANOVE OPĆA BOLNICA "PRIM. DR. ABDULAH NAKAŠ"

Prijedlog odluke ste dobili uz poziv za sjednicu. Nema potrebe da se obraća predstavnik Predlagača. Da li predstavnici radnih tijela žele riječ? Ima li pitanja? Ima li diskusija? Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA STATUT O IZMJENI I DOPUNI STATUTA JAVNE USTANOVE OPĆA BOLNICA "PRIM. DR. ABDULAH NAKAŠ".

MOŽETE GLASATI. MOGU REZULTATI.

ZA JE GLASALO 28 ZASTUPNIKA, SUZDRŽANA 2, 2 NIJE GLASALO.

KONSTATUJEM DA JE SKUPŠTINA DONIJELA OVU ODLUKU.

Tačka četrnaest:

AD – 14.

PRIJEDLOG ODLUKE O OSNIVANJU JAVNE USTANOVE FOND KANTONA SARAJEVO ZA IZGRADNJU STANOVA ZA PORODICE ŠEHIDA, POGINULIH BORACA, RATNE VOJNE INVALIDE, DEMOBILIZIRANE BORCE I PROGNA NE OSOBE

Prijedlog odluke ste dobili uz poziv za sjednicu. Molim predstavnika Predlagača da podnese uvodne napomene. Premijeru Forto izvolite.

Premijer Edin Forto:

Reći ću nešto vezano za ovu tačku i za narednu tačku. Da vas uvedem malo u istoriju za one koji se ovdje ne sjećaju. Fondovi su bili tema prethodnih saziva Skupština prethodnih Vlada. Radi se o stambenim fondovima, koji po različitim zakonskim osnovama grade stanove u Kantonu Sarajevo. Radi se o Fondu za boračku populaciju i kantonalnom stambenom fondu koji je prerastao iz jedne socijalističke ustanove i prerastao u današnji stambeni fond. Oni su imali svoje projekte i to nije ništa sporno. Jedan je više gradio za mlade a drugi za boračku populaciju. Ono što se problematiziralo u radu ovih fondova u više godina je ustvari činjenica da su neki od njih ostali bez pravnog osnova, u smislu da su zakoni po kojima su osnovani ili prestali da važe ili su transformisani u neke druge pravne akte. Prošli saziv Skupštine je donio zaključak da se ovi fondovi spoje. Također u mjerama skupštinske većine koja je izabrala moju Vladu, stoji da se ovi fondovi trebaju spojiti. Mi smo u skladu s tim, ministar Filipović je vodio proces, ali je cijela Vlada stajala iza procesa. Formirali komisiju i višemjesečnu raspravu vodili koji bi bio najbolji način da ispunimo, ne samo jednu od mjera šestorke nego i nešto što je zaključeno prije više godina u prošlom sazivu da je potrebno da se uradi. Došli smo do nekog mišljenja komisije koje je pretočeno u ove dvije tačke dnevnog reda sada, gdje bi se fondovi transformisali u JU, doveli bi se u istu ravan, što bi bila predradnja za njihovo nekada u budućnosti spajanje. Ne bi se radilo spajanje ovim tačkama, nego u budućnosti. Međutim, imajući u vidu da se otvara stvarno jedna rasprava oko toga oko pravnog sljedništva, oko posjedovanja nekretnina, oko nekih započetih projekata, mi smo otklonili većinu pravnih nedoumica, u smislu pravnog sljedništva. Postoje već i presedani na sudu, gdje su neke druge ustanove pretvorile svoju način djelovanja, postale su JU, i nisu imali nikakav problem, poput Fonda memorijala. Međutim, sada su se pokrenula neka druga pitanja. A to je: kako će ovi fondovi djelovati na tržištu, da li ćemo ih pretvaranjem u JU bez obzira da li krenuli u njihova spajanja ili, da li ćemo im svezati ruke u daljem djelovanju, u razvoju projekata koje su i planirali, a neki koji su već započeti. Iz tog razloga želim reći dvije stvari: prvo povlačimo obje ove tačke zbog dodatnih konsultacija. Postoji čak mogućnost da ćemo ići, u pretvaranje statusa ovih fondova kroz Zakon o fondovima, ko ji bi onda dostavili na javnu raspravu. Ali želim također da kažem, zato sam napravio uvod, želim da kažem da bez obzira na ove dodatne konsultacije, ovaj proces nećemo zaustaviti. Idemo u izjednačavanje statusa ovih fondova i eventualno u ispunjavanje mjere šestorke, spajanje ovih fondova i zaključka prethodnog saziva Skupštine. Ali u ovom trenutku, do možda za par mjeseci dok pripremimo novi materijal i sprovedemo dodatne konsultacije sa pravnom strukom, povlačim ove dvije tačke dnevnog reda.

Dopredsjedavajući:

Zahvaljujem premijeru. *Dakle tačke 14 i 15 su tačke koje su povučene sa dnevnog reda današnje sjednice Skupštine Kantona Sarajevo.*

Prelazimo na tačku šesnaest.

AD – 16.

PRIJEDLOG ODLUKE O IZMJENAMA ODLUKE O USKLAĐIVANJU STATUSA JAVNOG PREDUZEĆA “TELEVIZIJA KANTONA SARAJEVO” SA ZAKONOM O JAVNIM PREDUZEĆIMA U FEDERACIJI BOSNE I HERCEGOVINE

Prijedlog odluke ste dobili u dopunskom materijalu. Ima li potrebe da predstavnik Predlagača podnese uvodne napomene. Da li predstavnici radnih tijela žele riječ? Ima li pitanja? Rasprava. Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O IZMJENAMA ODLUKE O USKLAĐIVANJU STATUSA JAVNOG PREDUZEĆA “TELEVIZIJA KANTONA SARAJEVO” SA ZAKONOM O JAVNIM PREDUZEĆIMA U FEDERACIJI BOSNE I HERCEGOVINE.

MOŽETE GLASATI. MOGU REZULTATI.

ZA JE GLASALO 21 ZASTUPNIK, 10 JE BILO SUZDRŽANIH, 2 NIJE GLASALO. KONSTATUJEM DA JE SKUPŠTINA DONIJELA OVU ODLUKU.

Tačka sedamnaest:

AD -17.

PRIJEDLOG ODLUKE O DAVANJU SAGLASNOSTI ZA ZAKLJUČENJE UGOVORA O KONCESIJI IZMEĐU KANTONA SARAJEVO - VLADE KANTONA SARAJEVO KAO KONCESORA I PRIVREDNOG DRUŠTVA “AMINA TRADE” D.O.O. SARAJEVO KAO KONCESIONARA

Prijedlog odluke ste dobili u dopunskom materijalu. Molim predstavnika Predlagača da podnese uvodne napomene. Jel ima potrebe? Evo kažu da ne treba. Ministre nema potrebe. Da li predstavnici radnih tijela žele riječ? Mir molim vas. Ima li pitanja? Zastupnica Bišćević-Tokić izvolite.

Poslanik/zastupnik Jasmina Bišćević-Tokić:

E zahvaljujem. Evo htjela sam ali pošto ste to na brzinu da pitam ministra šta se dešava sa b i c dijelom iz člana 23 Zakona o koncesijama. Pa ako može da mi odgovori.

Dopredsjedavajući:

Idemo dalje pitanja. Zastupnik Dević ili ste se vi javili za diskusiju. Ili su pitanja. Izvolite zastupniče Dević.

Poslanik/zastupnik Mahir Dević:

Diskusija je bila nije pitanje, mislio sam pošto ste već bili prešli pitanja na diskusiju. Ali evo, nije ni bitno, može i pitanje. Da li su one primjedbe koje smo mi kao Klub iznijeli na ovu vrstu koncesije otklonjene na Vladi, pošto u materijalu Skupštini nisu bile dostavljene. Da li je u međuvremenu član 23 stav b i c ispoštovan na Vladi, da nam to ministar odgovori.

Dopredsjedavajući:

e zahvaljujem zastupniče Dević. Ministre Bašiću hoćete li? Uključite ministra Bašića.

Ministar Haris Bašić:

(ministar u početku govori bez uključenog mikrofona) bilo govora 23 b i c da ste to detaljno insistirali. Samo me podsjetite supstancu. Bilans stanja, jer imam sve ovdje o Amini trade.

Poslanik/zastupnik Jasmina Bišćević-Tokić:

(govori bez upaljenog mikrofona) član 23 koncesije spominjao je a, b i c stav. Vi ste ispunjavali samo finansijski. Šta se dešava što ste govorili da se uglavnom snabdijevamo iz RS i SBK? Pošto je da se 95% snabdijeva. Tražili smo samo da nam dostavite te informacije, šta se dešava. Pravobranilaštvo je ukazivalo na te propuste. U aktu sada odjednom nestaje, ali kaže da je Vlada dala odobrenje. Zanima me da li su na Vladi ispunjenje te i b i c stavke koje smo tražili na prošloj sjednici vezano za NEXE. I bila je sposobnost ja mislim ministre.

Ministar Haris Bašić:

Bit ću direktan, nismo to raspravljali na Vladi, iz razloga političke korektnosti. Evo kada baš insistirate ja ću iznijeti. U suštini mi nemam eksploataciju kamena nego nam je nametnuta iz entiteta RS koji su kamenolomi sve duž granice naše, kantonalne. I onda se uvozi taj kamen itd. 95% ja čak mislim da je prema našim saznanjima iznad 95% ako uopće imamo eksploataciju neku. Nismo se to uradili a nek s Skupština odredi prema tome da li smo baš trebali uži u sve te detalje i iznositi sve te pokazatelje i sve te informacije koje mi svi znamo između nas da postoje.

Poslanik/zastupnik Mahir Dević.

Mi smo naravno kada smo govorili i o nacrtu ove odluke, pa je bila jednom povučena sa Skupštine, pa je ponovo bila, kada je usvojena u prijedlogu upozoravali na ovaj član 23, upravo onako kako je i Pravobranilac rekao. On je u tom dopisu čak raščlanio na stavove a, b i c. Vi ste nam dostavili dokumentaciju na Skupštinu, pod stavom a, b i c smo tražili da nam dostavite, niste dostavili, mislimo da ste sada evo barem to dobili to koja dokazuje sposobnost te firme koja dobija koncesiju da vrši takvu vrstu djelovati odonda ima neku historiju takvih poslova. Dali ste nam odgovor da nemate tu vrstu dokumentacije i evo da dalje ne raspravljamo, mi kao Klub ne možemo podržati jedan takav prijedlog bez obzira što je pravobranilac izbrisao čini se sada stavove a, b i c. Samo je spomenuo član Zakona 23 ali očigledno vjerovatno da bi i on izbjegao neke stvari nije spominjao ove podtačke. Otprilike nam je jasno zašto je to uradio. Znači mi ne može tako podržati. Hvala.

Predsjedavajući

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI ZA ZAKLJUČENJE UGOVORA O KONCESIJI IZMEĐU KANTONA SARAJEVO - VLADE KANTONA SARAJEVO KAO KONCESORA I PRIVREDNOG DRUŠTVA "AMINA TRADE" D.O.O. SARAJEVO KAO KONCESIONARA.

MOŽETE GLASATI. MOLIM REZULTATE GLASANJA.

ZA JE GLASALO 19, PROTIV 9, SUZDRŽANIH 2.

KONSTATUJEM DA JE SKUPŠTINA DONIJELA OVU ODLUKU.

Kolega Dević izražava sumnju u glasanje. Molim sekretarku da provede proceduru.

Sekretar po ovlaštenju Almira Kulovac Šetkić provodi prozivku:

1. Aljović Hamed PROTIV
2. Bešlija Vildana ZA

3. Bišćević-Tokić Jasmina PROTIV
4. Čampara Aljoša ODSUTAN
5. Čelik Mirza PROTIV
6. Čosović-Hajdarević Samra PROTIV
7. Delalić Sabahudin PROTIV
8. Dević Mahir PROTIV
9. Dizdarević Neira ZA
10. Duraković Jasna ZA
11. Handžić Vibor ZA
12. Hasagić Amra PROTIV
13. Hasanović Senad ZA
14. Hodžić Admela PROTIV
15. Jakupović Vedran ZA
16. Junuzović-Kaljić Amra ZA
17. Kerla Bibija ODSUTNA
18. Konaković Elmedin ZA
19. Krstić Danijela ZA
20. Marić Zvonko ZA
21. Marjanović Damir ODSUTAN
22. Mekić Amel ZA
23. Memić Arijana ZA
24. Milavica Sead ZA
25. Nikšić Damir SUZDRŽAN
26. Okerić Elvedin ZA
27. Pecikoza Fahrudin ODSUTAN
28. Pleho Haris ODSUTAN
29. Poturak Dževad ZA
30. Srna- Bajramović Segmedina SUZDRŽANA
31. Stojanović Igor ZA
32. Suljević Samir ZA
33. Šahman Bilsena ZA
34. Viteškić Smiljana PROTIV
35. Vreto Elvis ZA

Predsjedavajući:

Vratio se Čampara.

Čampara Aljoša PROTIV

Kao i prvom glasanju 19 ZA, 10 suzdržanih, 2 protiv. Pardon, 10 protiv, 2 suzdržanih.

KONSTATUJEM DA JE SKUPŠTINA USVOJILA OVU ODLUKU.

Osamnaesta tačka:

AD -18.

PRIJEDLOG ODLUKE O DAVANJU SAGLASNOSTI NA NACRT UGOVORA O KUPOPRODAJI STANA U STAMBENOM OBJEKTU "K-37, IZGRAĐENOG U NASELJU ŠIP, OPĆINA CENTAR, SARAJEVO ZAKLJUČEN IZMEĐU FONDA KANTONA ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNIH VOJNIH INVALIDA, DEMOBILIZIRANIH BORACA I POGINULIH OSOBA I MUJANOVIĆ NEDIMA KUPCA NEKRETNINE

Prijedlog odluke ste dobili u dopunskom materijalu. Ima li potrebe predstavnik Predlagača da podnese uvodne napomene. Nema. Ima li predstavnika radnih tijela koji žele riječ? Kolega Dević javili ste se? Ostalo jel? Ima li pitanja? Nema. Otvaram raspravu. Niko se ne javlja. Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI STANA U STAMBENOM OBJEKTU "K-37, IZGRAĐENOG U NASELJU ŠIP, OPĆINA CENTAR, SARAJEVO ZAKLJUČEN IZMEĐU FONDA KANTONA ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNIH VOJNIH INVALIDA, DEMOBILIZIRANIH BORACA I POGINULIH OSOBA I MUJANOVIĆ NEDIMA KUPCA NEKRETNINE.

Molim rezultate glasanja.

ZA 30, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

Tačka devetnaest:

AD – 19.

PRIJEDLOG ODLUKE O DAVANJU SAGLASNOSTI NA NACRT UGOVORA O KUPOPRODAJI NEKRETNINA- ETAŽNO VLASNIŠTVO U STAMBENO-POSLOVNIM OBJEKTIMA NIZ „B“, LAMELE 1-3 I NIZ „E“, LAMELE 1-7, IZGRAĐENIM U NASELJU DOBRINJA V, OPĆINA NOVI GRAD SARAJEVO, KOJI ĆE KANTONALNI STAMBENI FOND SARAJEVO, KAO PRODAVAC ZAKLJUČITI SA KUPCEM „DŽEKOS“ D.O.O. SARAJEVO

Prijedlog odluke ste dobili u dopunskom materijalu. Ja molim predstavnika Predlagača da podnese uvodne napomene. Da nam objasni ulogu Džekosa, ako nema, baš moramo. Dobro. Ako možete nam malo više reći o Džekosu ja bih volio. Dobro nema ministra, nema veze. Saznat ću ja to. Ne morate radi mene, ne insistiram. Da li predstavnici radnih tijela žele riječ? ne. Da li ima li pitanja? Poslat ćemo pismeno. Otvaram raspravu. Ne javlja se niko. Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI NEKRETNINA-ETAŽNO VLASNIŠTVO U STAMBENO-POSLOVNIM OBJEKTIMA NIZ „B“, LAMELE 1-3 I NIZ „E“, LAMELE 1-7, IZGRAĐENIM U NASELJU DOBRINJA V, OPĆINA NOVI GRAD SARAJEVO, KOJI ĆE KANTONALNI STAMBENI FOND SARAJEVO, KAO PRODAVAC ZAKLJUČITI SA KUPCEM „DŽEKOS“ D.O.O. SARAJEVO.

Molim rezultate glasanja.

ZA 30, PROTIV NIŠTA I SUZDRŽAN 1.

KONSTATUJEM DA JE SKUPŠTINA DONIJELA OVU ODLUKU.

Dvadeset:

AD – 20.

PRIJEDLOG ODLUKE O DAVANJU SAGLASNOSTI ZA POTPISIVANJE

UGOVORA O KUPOPRODAJI NEKRETNINA IZMEĐU KANTONA SARAJEVO I G-PETROL D.O.O. SARAJEVO, U SKLADU SA ČLANOM 23. ZAKONA O EKSPROPRIJACIJI FBIH U SVRHU IZGRADNJE SAOBRAĆAJNICE I TRANSVERZALE, DIONICA KRANJČEVIĆEVA-BARE-HOTONJ

Ima li potrebe? Nema. Dobili u dopunskom materijalu materijale. Da li predstavnici radnih tijela žele riječ? Ne. Ima li pitanja? Niko se ne javlja. Otvaram raspravu. Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI ZA POTPISIVANJE UGOVORA O KUPOPRODAJI NEKRETNINA IZMEĐU KANTONA SARAJEVO I G-PETROL D.O.O. SARAJEVO, U SKLADU SA ČLANOM 23. ZAKONA O EKSPROPRIJACIJI FBIH U SVRHU IZGRADNJE SAOBRAĆAJNICE I TRANSVERZALE, DIONICA KRANJČEVIĆEVA-BARE-HOTONJ.

Molim rezultate glasanja.

ZA 30, PROTIV i SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

I konstatujem da smo iscrpili dnevni red današnje sjednice. Zahvaljujem vam se na današnjem radu.